

EUPHORMIONIS
LVSININI
SATYRICON
P A R S II.



LE Y D Æ
Ex Officiâ IACOBI MARCHI
C I O I O C XXVII.

ILLVSTRISSIMO
& NOBILISSIMO HEROI,
ROBERTO CECILLIO,
Comiti Sarum, Summo Qua-
stori, & Regionum Secretorum
Præfecto, Nobilissimi Ordinis
Periscelidis Equiti, Sanctio-
ris Consilij Senatori fan-
tissimo, &c.

E V P H O R M I O

S. D.

Nihil mihi debes, sed virtuti tua, (Inclyte
Heros) quod hic liber honori tuo datur.
Neminum oportuit omitti in publico que-
stu, & qui in vitia non patebas, saltem nimia
virtutis debuisti accusari. Durum enim imposui-
sti mortalitati onus, quam posse ad tantum fasti-
gium pervenire docuisti, pene ad Superos virtutis
consortio pro vectus, sic ut nemo humana Natura
imbecillitate iam aut humilitatem suam aut
ignaviam excuset. Et hanc accusationis tua lau-
dem quicquid hodie est eruditorum ad Nepotes
mecum deferent, erique mirabilius, quod iam Orbe
senescente repertus sis qui omnibus fama magni-
tudine umbram feceris, quorum fidem vel indu-
striam

stria antiquitas laudavit, licet ad omnium
 seculorum interitum scelera morientibus virtuti-
 bus succedant, neque *Cronus* magis veritatis quam
 vitiorum pater sit. Ego sane tibi hoc libello, veluti
 longo plausu gratulor, cuius sonus in omnem ata-
 tem durabit. Et quidem tua gloria meos & meo-
 rum enses vovi, nec interim credidi inutile mu-
 nus, si te quoque exermis colerem, & tuum no-
 men legeretur in hac charta, quam publici favores
 tam benigne suscipiunt. Magni homines scriben-
 tium pennis ab invidia nubibus ad aeternitatis su-
 dum feruntur, & quantum ad posteros nihil am-
 plius *Achilles* fecit, quam placuit benevolentia
Homeri. Et nunc quidem satis erit te *Quaesitorem*
 isti iudicio fecisse, ut omnia facinora tua voce da-
 mnentur, quae in hac *Satyra* velut ad tribunal
 tuum coëgi. Caterum hoc deinceps vigilantissima
 devotione enitar, ne quid ex tuis virtutibus po-
 steritatem lateat, & tanto latiori volumine, quam
 quod hic vitia castigat, tuas laudes implebo,
 quanto est humanius gratulari dotibus
 natura, quam flagitijs irasci.

Vale.

EV.

EUPHORMIONIS

LUSININI

SATYRICON.

P A R S II.

IO nunc exilia atque luctus, io mortalium scelus & fraudes, & quicquid in Euphormionem crudelius Numen invenit: io nunc cefsistis triumphanti! ego te, quicumque Euphormionem Deus urgebas, ego te pertinax fortuna lassavi. Iam de fluctibus extuli pedem, iam evasi de naufraga rate, & arenulam securis osculis adoravi. Et nunc de littore Oceanum lustro, cautesque & vada, quibus me iniquior tempestas illisit, gratissimo horrore contemno. Iuvat ô Lusiniâ reliquisse, iuvat per errores meos, & Calionis iniurias, fraudesque sodalium, hanc conditionem emisse, quæ me hodie florentem contumacibus fati ostendit. Sine causâ irascebar meis malis: & me cum Themistocle calamitas felix in altiore extulit sortem. Ecce iam effugi fortunæ imperia, ecce iam in Scolimorrhodiam perveni, regionem felicissimam, meaque
Lusiniâ

*Striam antiquitas laudavit, licet ad omnium
seculorum interitum scelera morientibus virtuti-
bus succedant, neque Cronus magis veritatis quam
vitiorum pater sit. Ego sane tibi hoc libello, veluti
longo plausu gratulor, cuius sonus in omnem eta-
tem durabit. Et quidem tua gloria meos & meo-
rum enses vovi, nec interim credidi inutile mu-
nus, si te quoque exermis colerem, & tuum no-
men legeretur in hac charta, quam publici favores
tam benigne suscipiunt. Magni homines scriben-
tium pennis ab invidia nubibus ad aeternitatis su-
dum feruntur, & quantum ad posteros nihil am-
plius Achilles fecit, quam placuit benevolentia
Homeri. Et nunc quidem satis erit te Quaesitorem
isti iudicio fecisse, ut omnia facinora tua voce da-
mnentur, qua in hac Satyra velut ad tribunal
suum coëgi. Caterum hoc deinceps vigilantissima
de devotione enitar, ne quid ex tuis virtutibus po-
steritatem lateat, & tanto latiori volumine, quam
quod hic vitia castigat, tuas laudes implebo,
quanto est humanius gratulari dotibus
natura, quam flagitijs irasci.*

Vale.

EV.

EUPHORMIONIS

LUSININI

SATYRICON.

P A R S I I.

IO nunc exilia atque luctus, io mortalium scelus & fraudes, & quicquid in Euphormionem crudelius Numen invenit: io nunc cefsistis triumphanti! ego te, quicumque Euphormionem Deus urgebas, ego te pertinax fortuna lassavi. Iam de fluctibus extuli pedem, iam evasi de naufraga rate, & arenulam securis osculis adoravi. Et nunc de littore Oceanum lustro, cautesque & vada, quibus me iniquior tempestas illisit, gratissimo horrore contemno. Iuvat ô Lusiniam reliquisse, iuvat per errores meos, & Callionis iniurias, fraudesque sodalium, hanc conditionem emisse, quæ me hodie florentem contumacibus fatis ostendit. Sine causa irascebar meis malis: & me cum Themistocle calamitas felix in altiore extulit sortem. Ecce iam effugi fortunæ imperia, ecce iam in Scolimorrhodiam perveni, regionem felicissimam, meaque Lusiniæ Lusiniæ

Lusinia meliorem. Illic me miseriarum pelago vagum humanior portus accepit illic tranquillior aura demulcet, & iam Parçę mitibus decretis suum in me crimen excusant. Hac mercede calamitas placet, & quam antea miserabili stile depinxi, ea quoque iucundissima seria hanc chartã implebit. O sordidi amatores terrarum, & capaces scelerum mentes, neque vos peccandi libidinem explevistis, & ego maledicta non consumpsi. Iam in Scholimorrhodie littore tutus insisto, iam donaria templis appendi, & in ipsa residens ara ex qua diis æquoris libavi, vestra flagitia atque nefas liberrima exprobratione promulgo.

Cum Alexandria discessissem, & crudelitatem Percantis fugiens, & Callionis potentiam, ipsa malorum consuetudine robustus, per varias gentes fluviorumque discrimina instar Æneæ aut Vlyssis diu exilium meum circumtuli; donec in amœnissimam civitatem descendentem ex vicinis montibus ædificiorum cultus, & camporum pulchritudo, aliquam quietem persuasit. Flumen satis capaci alveo planiciem, quæ inter montes extenditur, percurrit, & humore æquabilitatem camporum colliumque radices subeunte, liberalis gleba rerum omnium culturam ad-

admittit, summi montium vertices latissimis sylvis æstatis voluptatem, & hyemis subsidium alunt: vires deinde atque hor-
ti continua serie ad planiciem extendun-
tur, quæ in pascua & fruges distributa in-
numerabiles vicos pene in civitatis maie-
statem coniungit. Circa urbem hinc fec-
licissimum olus, hinc aperta ambulanti-
bus spatia visuntur, præcipue qua fluvius
exceptum convallibus montium calorem
lenissimo tempore perfundit. Urbs ad u-
tramque ripam posita satis operoso iungi-
tur ponte habetque non superbæ molis
domos, sed lapidibus optimis & elegan-
tissima arte porrectas. Delphium urbi
nomen est. ibi plures externi quàm cives,
propter commercium literarum vivunt.
quippe disciplinarum studia non alibi il-
lustriora habentur, & Acignianorum fa-
ma veluti ad orbis supplementum æter-
nam ibi iuventutem conservat.

Ego vero posteaquam intellexi, quàm
multi se litteris ex paupertate vindica-
sent, etiam ignorantia pertæsus, quæ mihi
rerum antiquarum notitiam auferebat, ut
neque veterum miseriis ad solatium uti
possem, constitui me in eruditorum disci-
plinam dare. Iam grandior adolescen-
tia, & pene in maturam virilitatem decli-
nans abhorrebat à puerorum consortio,
qui-

quibus me elementa literarum miscebant
sed non fui sub pudore, & meta itineris
quod intrabam, omnem saxorum scabri-
tudinem, spe dulcissima lævigavit. Etiam
persuasi iracundiæ meæ, ne repudiaret be-
neficia, quæ ab Acignio offerebantur, id
est, ne iniurias, quibus olim innocentiam
lacessiverat meam, ne me ipsum flultissimo
furore punirem.

Igitur angusta habitatione contentus,
mihi de quibusdam libellis qui ibi optime
emuntur, providi, & ad gymnasiarcham
Acignii ministrum veni. Ille tum terribili
gravitate in nescio quam puerorum levi-
tatem seviebat, & pene me ipso supercilio
instar simulati Saureæ abegit. At vero
posteaquam animum explicui meum, ex-
cusavi que annos quibus iniquior fortuna
inviderat mansuetudinem studiorum, sane
visus est misereri meæ sortis, quæ mihi
pueritiæ labores in illam ætatem servave-
rat: & aliquantulum hortatus, ne pul-
cherrimum cursum finerem contrariis
ventis perverti, me ad infimi ordinis
Scholasticum manu duxit, & in audito-
rum numerum redegit.

*O pater, Aonia moderator maxime turba,
Qui Xanthum Lyciamque colis. Delongne va-
gantem,*

*Et Claron, & Delphis famam vocalibus addis :
 Da faciles vultus, meque ad tua limina deduc.
 Non ego Bacchaos insana per arua thyrsos,
 Non buxos Phrygias, aut sancta silentia posco,
 Queis Celæa domus, queis se bona iactat Eleusis.
 Tu tantum mihi Numen eris : te preside terras,
 Phœbe pater, totumque licet contemnere calum.
 Te, cum dispositis imponis carmina nervis
 Mirantur laudantque dii ; vincique fatentur :
 Et qui certa fero molitur fulmina iactu :
 Et qui Bistonis acer deus imperat oris.
 Nec minor in terris regnas, pater : Orpheanigræ
 Victorem sensere Diæ, tecumque loquutus
 Horriferum Aiacem timidus confecit Vlysses.*

Cæterum quod in pueris est severitas
 parentum, aut supplicii timor, illud mihi
 erat pertinacia virilis, & proprii consilii
 decretum ; ut improbo labore ætatis di-
 spendium redimerem. Et qui quondam
 tam severus alienos pensaveram mores,
 tandem eruditæ cogitationibus intentus
 supervacuas omiseram curas ; cum Aci-
 gnianorum discordia, quæ illos in Del-
 phio cum quibusdam etiã litteratis com-
 mittebat, me ad pristinam indignationem
 reduxit. Proh cæca vitiorum libido ! proh
 rerum minimarum in ingentia crimina
 sat patentes angustię ! Non leviori colli-
 debantur certamine, non minus atroci
 am-

ambitu pugnabant , quàm si diadematis fortunam tam ludicra promississet victoria. Qui aliis imperarent in angusta urbe, inter homines liberales quidem , sed obscuros , pertinaci æmulatione quærebant, sufficiebant odiis inania dignitatis nomina , fascesque sine securibus puorum tergis hærentes. Nulli interim severius in ambitum dicebant , nulli frequentius numerabant superbiæ mala : & dum parvis occupati nesciunt se gloriæ impendere miserrimam mentem , in illustrem ambitum magnatum , in sollicitas Principum curas ridiculi declamatores inquirunt. Quasi intersit inter sordidam & magnificam vanitatem , nisi quod hæc peccandi impotentiam ostendit , illa autem splendidis velis saltem mortalium crimen excusat. Nam ut optimæ messes fortiori nutu ventis resistunt, & inanium segetum cassi vertices nullis auris obluantur ; ita capacibus honorum non nisi digna gloria imperat, immerentes autem solum dignitatis nomen corrumpit. Romani Bletonesios publico iudicio postularunt , quod hominem Diis immolavissent ; cum ipsi duos Græcos , totidemque ex Gallia mulieres in foro Boario etiam per sacrorum superstitionem viventes defodissent. Adeo malignum est de alienis iudicium , &

multi

multi cum Acignianorum turba irascuntur illis vitiis, quibus ipsimet suam famam indignissime maculant.

Hæc sæpius reputabam inter Musarum otia, cum interim aliquantulum deflexit meæ fortunæ malignitas, & quietem ad colligendum spiritum concessit. Erat in Delphio vir externus, omnium suffragiis ad probitatis famam provectus. Themistius appellabatur. Is cum modicas opes sua industria quæssisset, neque genuisset liberos, se nonnunquam fortunatum prædicabat, cui arbitrium hæredis natura concessisset. Ego me in illius familiaritatem non altiori spe, quàm iucundissimæ consuetudinis, immersi: cum nescio quo Deorum beneficio mei mores & ipsa cupiditas sciendi optimo leni placuisset. Fortè per auditorum ordines promotus exordiebar sapientiæ studium, cum me Themistius in proprios penates recepit, & cum tempore victuque fatalis amicitia crevisset, nec repugnante coniuge, quæ iam anus non cogitabat de liberis, in bonorum hæredem adoptavit. Cæterum averfatus improbitatem mortalium non minus sæpe querebatur quam ego, quod olim florentissimam patriam incautus juvenis reliquisset, quippe se in Scolorrhodia natum esse, felicissima regione;

ne; ubi cælum optimos campos continuo tempore perfundit, & tardissima senectus resolvit expectantes. illic autem homines vivere, non quales in aliis regionibus videbam, sed synceris animis innoxios, & qui à Deorum vita sola mortalitate discreparent. Sed dum in exteris regionibus inquit, adolescens vagarer, forte incidi in amorem, qui me veluti per Calypsus aut Circes blandimenta perpetuo exilio damnavit. Nam cum istam coniugem duxissem, elegantia morum & formæ pulchritudine mihi conciliatam, nunquam aut illi persuasi commigrare in patriam tam felicem, aut mihi, ut relicta charissima parte solus tantis bonis incumberem. Tu vero Euphormio, quem mihi iam præcipitanti in tumultum velut ad extremum solatium fortuna perduxit, si fides amori meo, cui ad orbitatis levamen suffecisti, vide ne, cum extremum mihi diem numeraverint fata, hæreas in istis regionibus, ubi nihil invenies aut Scolimorrhodia mea, aut Lusinia dignum. Sed in patriæ meæ humanitatem concede: de qua tantum timeo, ne tibi omnium charitatem admiranti etiam in contemptum mea benignitas veniat. His ille & similibus verbis sæpe apud me extollebat Scolimorrhodiam; ut iam nec dubia mihi esset profectio,

ctio,

tio, si tam bono parenti superviverē. Sed
discedere à latere spirantis neque ego vo-
vissem, neque ipse nisi molestissime la-
turus videbatur.

Ecce autem dum in hac felicitate sagi-
nor, & pene errorum memoriam tam
commodi penates obruunt, jam in alia
terrarum parte mihi nova malorum se-
mina fortuna querebat. Quippe florebam
in alia civitate, fama que pulcherrima ubi-
que efferebar, quod veluti secretus cum
Themistio vivebam; neque lupercalium
videbam lasciviam, & cum sibi dissimilis
Saturnis gaudebat, publicam licentiam
mea absentia damnabam. Iam me mo-
destiores ambiebant, neque erat parum ad
laudem, si quem frequenti consortio di-
gnabar. Forte accidit ut inter Themistii
cultores juvenis quidam optimæ frontis,
quodque maxime amabam, pene nimia
modestia lenis, meam familiaritatem per-
tinacius quæreretur. Nec contentus com-
muni benevolētia, quam facile in omnes
expromebam, ad arctioris amicitiae sacra-
mentum incitavit. Non potui diu ne-
gare tam officiosum munus, præsertim
cum pignora haberem animi non lan-
guide ad virtutis difficultatem exsurgen-
tis. Itaque paulatim ad extremam chari-
tatem deducti sumus; restabatque arctis-
sima

K

sima

218 EUPHORM. SATYRICI
simæ necessitudini, ut illi prioris vitæ n
ferrimam seriem narrarem : ego vicissi
quis esset, & ex qua gente aut parentib
cognoscerem. Hæc diutissimè non si
pertinacia celavimus : nam & ego co
temptum ex tot fortunæ ludibriis tim
bam, & ille altioribus causis deterrebat
aut patriam aut genus confiteri.

Forte in Themistii umbraculis eram
& post suavissimos sermones, ego ver
inquam, Anemon, si tantum mihi virtu
tibus notus esses ; tamen rogarem cui ar
bori preciosa surculum orbis deberet
nunc vero quoniam intima vitæ consue
tutine permixti in eandem felicitatem
eodemoq; juravimus casus, noli admirari
si vehementius exopto, & parentum for
tunam, & rationes tuas, nihil dissimulat
oratione audire. Ille corpus meum ama
bili brachio incinxit, oculisque mœror
blandissimo in me defixis : Vides m
Euphormio ? inquit ; mihi crede, & h
cultus & vivendi ratio meæ gentis digni
tatem subtilissima ratione mentitu
Quippe magnis parentibus natus in hac
communis vitæ simplicitatem, mea spos
te, & clandestinis consiliis descendi. Ita
illud a pueritia cognovi, quantis casib
humana omnia vertantur, & nihil ta
securis radicibus niti, in quod violent
fat

atorum non valeat. Nam ut pater in alio-
iorem conscenderat locum, eo apertior
empestatibus fortunæ, nullas rerum vi-
issitudines, aut inconstantiam Principum
ntacto remigio evasit. Quis ægritudi-
es animi, quis spem implacidam, aut
pervigiles curas, nunc merentis ruinam,
nunc aliis imminenti exponat? Et hæc
mihi videbam instare, si in parentis ve-
tigiis hærerem: vitam solitudinibus
veluti assiduis sentibus horrentem: ut
ambitioni, & curis & nunquam volu-
tati sinceræ sic vacarem, ut mihi im-
pendere diem non possem: successuram
interim mortem, quæ in ultima scena
ulæum tolleret, & veluti puerorum lu-
um finiret. Audiebam quæ multi de æ-
ternitate loquebantur, & illius cupiditas
mihi turbam, aulasque & negotiorum
nomina invisa faciebat. Neque
anguide ambitionis & potentiæ sup-
plicia effugi. Nam cum me destinatum
audirem ad artes theatro arenæque si-
millimas, ut gladiatoriam facerem, ne-
que aliud ex prisca doctorum hæredi-
tate quàm citharam haberem, primo
impetrare veniam tentavi; ut ad serium
animi otium mihi literarum studia da-
rentur; & posteaquam obstinatum pa-
rentem minime inflexi, communicavi

220 EUPHORM. SATYRICI
audaciæ consilium cum uno Acignian
rum, qui mihi primus hunc syderium
morem iniecit, & exiguo com meatu
hanc urbem furtivis itineribus prorep
ubi si me scolasticorum industria prod
xerit ad consuetudinem Musarum, stat
in arcanam Philosophorum disciplina
me dedam, illorum quibus unica est so
cietudo, per molestias corporis lacessitan
que paupertatem synceros animos syde
ribus transfundere. Et nunc parentes m
desolatæ senectutis orbitatem queruntur
mihique per lamæta & miserrimos plan
ctus certiorē ad Numina viam fanciū
Quod si me audis, Euphormio, & pote
felicitatem levissimo impendio emere
tu quoque Themistium relinques, abdicat
tisque mortalitatis commodis te in client
telam syderum committes.

Post hanc orationem etiam vehemen
tius Anemonem amavi, & exosculatu
sum impetum animi tam aversum ab hu
militate voluptatum. At cum in dies inter
nos musitaremus de Philosophorum vi
ta, ad quos ipse properabat, tandem eg
non conscius tantum consilii, verum et
particeps evasi. Ipsum conspirationis se
cretum, quod inter nos fidelissimum era
& præterea quod amicus ab hac mente
versos sciebam, utriusque pertinaciu
m

maligna voluptate acuebat.

Cæterum cum consuetudinem meam
histiori severitate horrentem Themistius
miraretur, diligentiusque ponderaret ser-
monum meorum sanctitatem, non potuit
implius decipi, & pene mecum oratio-
nem habuit, quæ Æneam Carthagini sti-
ffer. Sed non profuit apud obstinatam
mentem, cum etiam crudelitatem in pie-
tatis parte ponerem; illudque omnino re-
pondi, apud me quidem omnia quæ sunt
in humanis rebus Themistio cedere, The-
nistium autem cælo. Ille post iracundiã,
& lachrymas, & cætera quæ in me valitu-
ra arbitrabatur, cum aliquando manus
dedit; si fata, inquit, voluissent, Euphor-
nio, ut pios digitos meis luminibus ad
extremum officium admovisses, neque
ego me sensissem mori inter tuos am-
plexus, & has opes quibus senectutem
meam oblecto etiam post interitum ser-
vare credidissem. Sed quoniam fata invi-
derunt miserrimo seni, & te fortasse ma-
lignior fortuna exagitat; ego quidem lon-
go luctu tuæ familiaritatis pœnas luam,
te vero & consiliis informare antequam
discedis exopto; & quondam ad tua in
Italiam vota contendis, honesto cultu
instruere, ne te Philosophi ad se egestate
compulsum arbitrentur. Cæterum ne pe-

222 EUPHORM. SATYRICI
lagus ignores, quod audacissima nave in-
grederis, tibi ego tempestates, ego flu-
ctus, & fortasse pœnitentiam prædico, &
si te humana consilia in illos cursus ege-
runt, nihil de naufragio dubito. Me quoq;
dum primam adolescentiam ex aliorum
consilijs regebam, pene eadem procella e-
vertit, cum blanditijs invitarer ad laborẽ
& pene hamum sub spe dulcissima non
sentirẽ. Quid infestis vocibus planorũ au-
daciã ad publicas deposcimus pœnas: aut
quid illi tam triste merentur, qui cœdibus
iracundiam satiant? cû inter nos impune
versentur grassatores urbani, qui familias
foras excidũt, & quod de Sirenibus loquũ-
tur, audiẽtes per saxa & naufragiũ ad ima-
ginẽ voluptatis invitant. Hęc est illa dis-
simulata Iuno, quę tot Semelas hodie prę-
textu syderum pervertit, hęc crudelissima
pestis quę orbitatẽ clarissimis gentibus &
solitudinẽ fere reipub. implacabili furore
minatur. Nam ut feræ quę semel maculas
ruperunt, magis indomita natura se syl-
vestribus durnis abscondunt; ita quicunq;
deliniri blandimentis se in sanctitatẽ illius
Philosophiæ dederunt, posteaquam male
fundatos conatus aut constantia aut robur
destituit, pudorem voluntaria sollicitudine
intra penates suos damnant, vel licentius
libi dinibus indulgent, ut syncere videan-
tur

tur priorem consuetudinem ejurasse. Neque Philosophi post tot familiarum incōmoda, post omnium publicos questus, à damnatis criminibus recedunt: sed imprudenti ætate abusi ita de æternitate loquūtur, ita flammæ & supplicia, & severitatem Numinum inclamant, ut juvenes nondum satis adulto robore ingenii obstupescant ad tot monstra, nec aliter se declinaturos scopulum existiment, quam si in eorum nave trājiciant. Quod si ea mente agerentur, cuius nomen inanibus larvis præfigunt, si vero Numinum & adolescentiæ amore tenerentur, illud saltem cogitarent; non omnes ea firmitate animi esse, ut desertis voluptatibus in aspera Philosophia durent; etiam plerumque maxima ingenia avidiora libertatis suæ esse, & raro solitariæ gravitatis vinculis posse constringi. Nunc autem quasi nulla pars reipublicæ præter Philosophiam procuranda sit, omnem adolescentum industriam ad se vocant, & veluti tyrannicis edictis territæ juvèntuti imperant: neque fere ulla avis non relinquit ad viminia plumas, quæ illos aucupes audit. Quid quod diversæ Philosophorum Scholæ subhorridis præceptis suos greges distinxerunt? Omnes sub iisdem votis argumenta adolescētibus proponunt, omnes

224 EUPHORM. SATYRICI
eandem exitum laboribus profitentur: ta-
men vix aliquis ex iis adolescentem lau-
dabit, nisi qui in eandem Philosophiæ se-
ctam in qua ipse vivit, jurabit. Adeo pene
omnia sibi mortales affectus in ea vena-
tione vindicant; & Philosophi miserrime
decepti non sapientiæ cultum, sed suam
republicam diligunt.

At vero miseri parentes, quorum peri-
culo isti quotidie peccant tam inultis sce-
leribus, post ingratham solitudinem cu-
rasque, & sepe prodigum amorem, cum
primam tot laborum mercedem à jucun-
ditate adolescentum expectant, omni spe
fraudari plerumq; suam messem hoc tur-
bine interversam deplorant: sed nec tutis
suspiriis desolatos penates prosequuntur,
dum simplicitas vulgi omnibus fraudibus
aperta, quæ religione adumbratur, lamen-
ta orbatæ senectutis pro flagitiis accusat,
& ne in hoc gradu calamitas consistat, cū
parentes lachrymis tempore pene dolo-
rem exsaturaverunt, sæpe liberos abdicare
Philosophiam, non minore indignatione,
quam cum eos amiserant, vident. Tu ta-
men, Euphormio, si te non vera prudētia,
sed veneficia ambientium juventutum ad
hanc sollicitant vitam, & alienando in ea
defessus ad priorem quietem suspirabis,
noli multum tuo peccato imputare; &
ego

ego immodestius lætabor, si .m. cōcla-
 matus filius mihi iterum viver. Cum in
 hunc modum affectu simplicissimo pero-
 rasset, & optima mulier implevisset o-
 mnes intimæ vestis recessus ingentibus
 donis, ego ultimis amplexibus acrius a-
 morem irritavi, ac deinde cum Anemone
 Delphio profectus sum, & in Italiam iter
 converti. At vero posteaquam superatis
 navibus Mediolanum pervenimus, cum
 fama civitatis nos aliquandiu teneret, non
 sine deorum mente occurrit, qui hunc
 impetum saluberrima ratione morare-
 tur.

*Qui fluctus tumidos, aut facilem notum
 Mutari, aut tepidis vellera nubium,
 Qua semper coeunt veris honoribus,*

*Audaci poterit modo
 Certis subdere vinculis;
 Hic solus juvenum corda ferocia,
 Hic solus tumidi flectere sanguinis
 Aequalem rapidis ignibus impetum,
 Hic solus dare turbida*

*Mentem stultitia potest.
 Nunc blande juvenis deliciis perit,
 Nunc illum pietas aspera decipit:
 Da tempus tenebris; jam veniet dies,*

K S

jam

ſam pulchrum roſeis jubar

Titan curribus advenet.

Sed nec, qua celeres præcipitant aquæ,

Certos oppoſitis frangere pontibus :

Nec tu dum calidus luxuriat cruor,

Optes imperio truci

Latum ſiſtere turbinem.

Flamen ſponte ſua clauditur alveo

Quando non vetito luſit in aquore,

Et deſideriis qui furit impotens ,

Poſtquam crediderit ſibi,

Vivet conſilio ſenum.

Forte in eodem diverſorio , in quod nos ſive caſus , ſive numinum conſilium tulit, paulo ante advenerat addiſtus quoque religionum pietati, ſed aliquanto prudentius quam aut ego aut Anemon , vir dulciſſimæ conſuetudinis, & in quo nulla ſeveritatis triſtitia liberalem arctaverat frontem. Theophrastus appellabatur. Ille noſtra conſuetudine delectatus, cum pene iſdem ceremoniis diem exigeremus, eademque curioſitas maxime nos ad templorum moles deduceret, paulatim inſinuatus in familiaritatem, qui & unde eſſemus, quove ſtudio Tyberim quæreremus, à nobis voluntaria confeſſione expreſſit.

Præ-

Præter eximias virtutes in Theophrasto ætatem quoque reverebamur; & ille mitissima manu paulatim profundis vulneribus sine nostro sensu medebatur. Nam & solertissima ingenia pensabat, & ut hominem viderat, veluti ex garrula invidentis Momi fenestra recludebat intimam mentem. Ille nos nec duratoro impetu Philosophiam petere prævidit, & Anemonis quidem facile ingenium esse, subitisque desideriis exardens, me autem spontaneæ captivitatis impatientem, quo austera Philosophia damnatur. Et jam illi faciliores eramus, quoniam pietatis studiis exardens, non quidem contra Philosophorum præcepta disputabat, sed tantum nostros impetus regere videbatur. Cæterum, neque amplius Anemoni parentum custodia obstabat, eoque veluti obicem Themistii ruperam & utriusque animi faces, quia nemo jactatas inflammabat, spontanea remissione languebant. Itaque paulatim placabiliores illecebris facti, quibusdam gradibus de subhorrida sanctitate excessimus. Et Anemon quidem revocatus in memoriam gentilitii splendoris, cum sensim parentis hæreditas paupertatis consilium destruxisset, tandem ad penates redire constituit, & veniam ætati deposcere.

228 EUPHORM. SATYRICI
Ego vero superba deterrebar verecundia,
ne ad Themistium redirem. Et jam tan-
tum Musis debebam, ut earum beneficio
ali possem, ac præterea frequentibus sti-
mulis Theophrastus urgebat, ut ætatem
in literis ponerem, cum laudaret ingeniū
meum, mihiq̃ue inter Scholasticos pro-
mitteret nomen.

Cum igitur quærerem, ubi maximus
literarum quæstus esset, & omnium popu-
lorum famam diligenti examinatione
pensarem, non dubitavi quin commodis-
sima esset Marcia, civitas in vicino. Quip-
pe Acigniorum familia inde contumaci
se se exilio ejecerat; & tum novis docto-
ribus avidissima juvenus vacabat. Et hoc
quidem consilium Theophrasto minus
placebat, quia atrox rumor bellum in pro-
ximam veris commoditatem minabatur.
Itaque quanquam & ipse locum quære-
bat ubi literas non ingratis sudoribus pro-
mitteret; tamen graviore fama deterritus
recessit in Eleutheriam; cum inter nos fe-
licissimum amorem non vulgari foedere
sanxissimus. At vero Anemonis cervicē
creberrimis amplexibus attrivi, neque
divelli à charissimo sodale, sed aliquam
partem mei relinquere videbar.

Sed posteaquam illi quidem in men-
te barbariem, ego autem versus Mar-
ciam

ciam concessi ; tunc vero molestissima solitudine afflictus me rediisse ad malorū consuetudinem sensi, & hoc quicquid calamitatis erat velut ultionem dolorum, quibus Themistium meo discessu oneraveram, non sine tristissima facinoris confessione toleravi. Nam ut illi orbitatem imposueram, ita me Numina amicorum solatiis destituebant. Sic Peleus cædem Phoci suorum interitu perfoluit, & Cadmus satisfecit Martio serpenti dejectus in ventrem. Quicquid mortales peccamus, aptissimas pœnas dii inveniunt; nec ingeniosiores sumus ad scelera, quam illi ad vindictam.

Marcia in effusis paludibus collocata qua ociosum mare torpenti licentia destagnat; veluti provocat naturam, & hominum domicilium intra profundi limites protendit. Ego ut primas turrium minas in mediis aquis despexi, non audebā cogitare civitatem: sed veluti lapideas naves, aut si quid mirabilius animo occurbat, mutus ipse torpensque contuebar. At vero posteaquam medioeri rate in mediam urbem perductus, ab utraque navigii parte splendidissimas domos, marmoraque & aurum & recta operosis minis pendentia conspexi, dii deæque! quam non opes civitatis, sed naturæ divitias & plus-

230 EUPHORM. SATYRICI
plusquam Apollinis miraculum vidi; qui
errores labentis patrię impositis radicibus
astrinxit. Ac deinde cum fora ingen-
tibus spatiis aperta, ædesque publicas, &
fanorum religionem perlustrassem, ter-
rasque velut æquoris victrices ligneis fun-
damentis in hanc audaciam succrevisse
mirarer; tunc ego nec quo vultu omnia
exciperem, nec quibus verbis uterer, scie-
bam; & pallium quod pictor Agamem-
noni circumvoluit in tam manifesto stu-
pore optabam.

Sed cum in medio foro novus hospes
ambularem, oculosq; ad publicā pulchri-
tudinē sustulissem, forte quidam in pessi-
ma veste, caputq; dimiditato orbe humi-
liter tectus, in me incuriosius vagantem
superbissimo ictu offendit. Ego tanquam
de altissimo excitor somno, contempla-
tusque vilem habitum, non sustinui dece-
dere præcipienti. At ille ut dextera ovillæ
frustrum tenebat, fortissime in oculos ni-
hil tale cogitantis impegit. Perturbatus,
& præter commune injurię dedecus per-
fusus quoque verecundia, quod indignum
certamen mihi cum coquo judicarem,
repente multitudine incingor, interro-
gatusque num in ea civitate habitassem,
posteaquam me externum confirmavi,
gravioribus quidem pœnis ereptus sum:

ca-

cæterum severitate verborum non perfunctorie castigatus. Ille autem non modico fastu ovillam suam quatiens, peradorantem populum vagus, tandem olus etiam mercatus implevit laciniam vestis, sequē in scapham conjecit, quam in proximo religaverant nautæ. Ego me in diversorium turbatissima mente recepi, stabulique dominum rogavi, num in illa civitate præfecti culinarum imperarent, agnito ille errore intemperanter risit, & quem inter abjectissimos numeras, inquit, ab origine pene ipsos Deos recenset. Nam hic genus optimates profitentur non stipatorum agminibus, aut habitu ad novitatem mollis elegantæ correcto, sed secularium vestium constantia, ut tales agnoscamus, quales ipsi majores in imaginibus ostendunt. adeo consuetudini apud illos est reverentia, nec si bellis attrivissent orbis opes, aut triumphos invenirent ad luxum, aut manipulare scœnum in Aquilam mutarent. Cæterum videbis macella pererrantes, neque illa, ad quæ stomachus connivebit, pudor est ad penates nobilissima manu deferre. Et his moribus nostri quidem nobiles nomen libertatis indiderunt. Sed externi rusticitatē horridæ vetustatis, vel ignobilis negotiationis vestigia lepidissimis jocos infamant.

Dum

Dum hæc mihi stabularius ex diversorii fenestra memorat, egoque in subiectos vicos curiosis oculis vagor, multæ scaphæ diversissimis hominibus plenæ per angustias canalium ferebantur; ac ut publicos conventus crederem tunc omnium gentium voces, & discrimina vestium faciebant: & cum à diversitore quærerem, quæ causa tam diversam multitudinē coegisset; Gephyrii minæ, inquit & in hanc urbem contumax furor, pene totius orbis studia excivit. Et jam legati ab omnib⁹ imperiis venerunt, illi quidem ne Gephyrii nos ad turpitudinem iniqui fœderis deducant; alii ut incendii furorem obruere velimus, antequam contiguam partem terrarum ac deinde totum orbem, valentissimo ardore pervertat.

Ego sane nec quis Gephyrius esset ignorabam, & tam publici tumultus cognoveram fontem. Sed non habebam ineptū diversitorem, & præterea exterorum concursu docte mihi de controversia posse loqui videbatur. Itaque seductum in interiorius stabulum cœpi liberius orare, ut rem alte exponeret, & quomodo Gephyrium læsissent, cuius etiam furor ultra fatum mirabili ratione delævit. Ille se diutius collegit, & illius saporis orationem incepit, quæ non à vilissimo homine, sed plane
à po-

à politis disceptatoribus condita videbatur.

Gephyriorum series, inquit, & formidabile tot gentibus nomen, non unica ætate, aut seculo, in tantum fastigium excrevit. Placidis mollibusque initiis, velut ille Europæ amator sensim orbem è litore in altissimum pelagus nihil sentientem deduxerunt. Ac ne omnia illorum artificiiis imputem, acculare maiorum nostrorum benignitatem possumus, quæ invitam Gephyriorum integritatem nimia libertate corrumpit. Olim quidem, ut audio, Rex sacrorum inter pontifices imperabat, nullus ordinanti pulvinaria, vel fastos numeranti repugnabat, sed ne publicas vires occuparet tam superstitiosa majestas, neque populum ad conciones vocare poterat, & illum cum flamine Diali ab ambitione magistratuû sollicitæ amoverant leges. Sed aliter cum Gephyriis orbis egit. Ipsi reges atque imperia se sponte illis hominibus prodiderunt; & eorum pene sordidam sanctitatem ingentibus divitiis colentes dulcissimo imperii gustu humanam aviditatem lacesiverunt. Nam cum venerarentur oracula, quibus Gephyrii Deorum mentem exponunt, repente synceram pietatem superstitio corrumpit, ut traduceretur illa vis, quam

234 EUPHORM. SATYRICI
quam in syderibus habent ad imperium
terrarum. Et primo litigantibus provin-
ciis arbitrium ad Gephyrios deferre-
batur, illique feciales integerrima sanctitate in-
ter volentes imperabant. Sed paulatim
assuetarum gentium animi hos antistites
deorum paulo infra Numina adorave-
runt, & omnia eos posse, in religionis
parte fuit. Nondum orbis se domitum
fenserat, & jam omnia infra Gephyrios
erant, jam regna *occidere ac edere* pote-
rant, & illud caducis rebus felicissimum
videbatur, si eas inter immortalitatis suæ
negotia alio nutu regere voluissent. Hinc
tot urbium dira everfio, hinc funestæ
pietatis crudelitas, & illius quod habe-
bāt arbitrij in judicium superba mutatio.
Gephyrii sane diu cum immodestia lu-
ctati, tandem se communibus vitiis per-
miserunt. Quippe paulatim obsolevit an-
tiquæ paupertatis memoria; cultusque, &
purpura, & gemmæ, & fasces, pene ho-
die ad primorum Gephyriorum rusticita-
tem erubescunt.

Hic autem qui hodie Gephyrius impe-
rat, quanquam lenissimæ consuetudinis
homo, sollicitantibus illis qui per publicā
mundi calamitatem clarescunt, voluit hu-
jus civitatis secures circumvolui inexpli-
cabili fasce; & tantum eius imperio strin-
gi.

gi. Cum obstarent nostri principes, occidentales nubes, in qua Gephyrius fulmina strueret, in nostrum caput promittebatur; & nos foederibus validarum gentium, etiam pene illorum favore, qui publice maledicunt, mundi inclinationem agnovimus. Ille, velut impetu coelum ac maria rapturus, crudelissimis edictis detonuit, & si mihi credis, hospes, suam causam præcipiti furore corruptit. Quid attinuit, pene minis conjunxisse præcipientes ictus, quid nos deducere in angustias, ut etiam cogeret esse hostes? Vapor quoque in nubibus pressus exclamat, & timidissimis feris sua arma necessitas ostendit. Si permisisset iracundiae tempus, si diu librasset illud fulmen, quod immaturis nubibus emisit, forsitan mitigari potuissent tam cruda imperia; neque nostri magistratus armorum vel ignaviae necessitatem expectassent.

Sed nec impune pertulimus sævientem; & ut amicis foederibus coeamus, durabit ad posteros atrox memoria vulnerum, quibus Gephyriorum causam hæc contentio afflixit. Quot volumina per orbem dissipata excussere Gephyrij vires, & hæc vanitatem imperandi deriserunt? nec ab iis quidem sparsi quos religio iniquiores fecit, sed ab illis qui sacrorum participes tamen

236 EUPHROM. SATYRICI
tamen docent graviora sceptrā esse, quā
ut illa inanes Scholaſtici argutiis move-
ant. Etiam plurimi intemperanter inge-
niis utuntur, & res ſeria hodie ad ludi-
brium proceſſit. Certe hanc chartulam,
quam vides, modo filius è ſcholis attulit,
impiam me hercule, ſed quia jam vulgaris
eſt, eius te lectione oblectabo.

*Petrus ut in totum regnabat maximus
orbem,*

*Heu quanta cecidit jã modo parte ſui?
Libera projectum ridet Germania frenũ,
Et negat excuſſas poſſe ſubire minas,
Quaque patet lato fœcunda Britannia
ponto,*

*Uncia pro cunctis nō datur una focis.
Maius adeſt vulnus: O vos miſere-
ſcite Petri!*

*Italiam Petro tollere bella parant.
Nec tamen ille ferox, quo ſe Germania
primum*

*Romuleas jactat non timuiſſe minas;
Nec qui tergeminam rides Calvinę co-
ronam,*

Et Latium latio deſtruis eloquio;

Nec

*Nec qui vel Tamesim, vel qui bibit in-
cola Rhenum,*

*Tā fera collata praelia mente movet.
Sed tumet Adriaci Marcus tutela pro-
fundi.*

*Et secum varios cogit in arma deos.
O dolor; & veterem jam Paulus liquit
amicum,*

Tergeminoq; illi nomine durus obest:

Quod si hæc discordia incidisset in ho-
mines bellandi libidine furentes, videres
omnia hoc flagrare incendio; nec aliter
quam per alterius partis infamiam lis mi-
ferrima constitui posset. Sed & sumus
ab armis alieni, & Gephyrius dolet suam
pertinaciam ad necessitatem pugnandi
traduci; suscepitque Protagon tollere de-
decus pacis, & tam atrox dissidium ho-
nesta tranquillitate extinguere. Nam co-
natus Lippii clam nostri magistratus
contemnunt, nec à Gephyrio tam apertis
vulneribus distracti aliter quam Protago-
nis industria coibimus.

Cum diversitor in hæc verba tacuisset,
ego qui Gephyrios semper colui, non-
nihil acerbarus paraveram verba, quibus
illius audaciam refutarem. Nam ut olim
occidentibus lucernis non afferebant ma-
nus,

238 EUPHORM. SATYRICI
nus ne ignis divinitatem violarent; Ita in
illis qui ad religionem prælucent, huma-
nius est vitia, tanquam fumum lychno-
rum morientium pati, quam dignitatibus
vim afferre, quas in turpissimis homini-
bus nullæ tamen sordes maculant. Sed
facta mentio pacis lenivit animum meum
& præterea admirabar illius Protagonis
felicitatem, qui huic morbo Æsculapius
destinabatur. Itaque submovi atrocissi-
mam defensionem, quam pro Gephyriis
habebam, & rogo, inquam, quis ille Pro-
tagon, ant quibus viribus dicere potes? Ille
iterum longissima oratione Protagonis
potentiam exposuit, qui in Eleutheria,
inquit, amplissima regione, Fortunæ sa-
cerdotium nactus est; & nūctantæ Deæ
arbitrium disponit; vir hoc seculo major,
& dignus fabulantium miraculis vatum,
haud dubie nobis amicus, qui Lippi
cervicibus instemus, & utique devinctus
Gephyrio, cuius beneficio etiam post
interitum vivet. Intellexi Protagonem
esse sub quo Anemon vivebat, & in cuius
civitatem me crebris exhortationibus
Theophrastus invitabat.

Sed dum in illis sermonibus diutius
sumus, ecce ingens tumultus ad stabuli
fores, & hospites ex Eleutheria splendido
cultu adventant. Nec moratus diversitor
occur-

occurrit intrantibus & humanitatis officia pollicitus, mox in triclinia deducit, mihiq; deinde gratulatur, quod haberem homines meæ linguæ, quibus cum versari in sua domo possem: Ego vero nondum certus an gauderem (quippe Eleutheria non longe à Callionis patria recessit) furtim contemplabar familiam, ut obiter viderem, si quis ex illo comitatu usitatus mihi esset. Frequens servitium gentilitio more turbaverat domum, puerique petulantibus rixis pene ipsum diversitorem obruerant: dominus autem in interiori thalamo erat, procurabatque fessum corpus, & credo ad speciem nobilitatis maiorem mollitiem fingebar.

Ego posteaquam nullum ex familiaribus agnovi, cum illius viri potentiam ex servorum audacia metirer, me ex latebris angustæ cameræ produxi, quæsiq; domini nomen & commercium linguæ in benevolentiae pignus obtuli. Nulla gens est, quæ prolixius humanitatem nihil auferentem promat. Illi mea prope vestigia inutili salutatione tangebant, cæteraque addebant blandimenta, quæ pene infantes pernoverunt. cæterum domino suo Stratonis nomen esse aiebant: illum rerum exterarum studiosum, pulcherrimum ingenium excolere peregr-

240 EUPHORM. SATYRICI
grinationibus, & me in felicitatis partem
ducturum, si intam elegantis hominis
notitiam pervenirem. Tum & ego verbo
sæ humanitati liberaliter indulsi, & cum
jam extrema luce convivium gallico mo-
re diversissimis voluptatibus mensam im-
pleret, etiam ab illo Stratone arcessitu
ad coenam, foelicissimi hominis triclinium
intravi.

*Nullus in absentem tuta convicia linguae
Efferat. Absentem semper adesse puta.
Forsitan externis quem credis abesse sub
oris,*

*Est tibi post magnos proximus ille
deos:*

*Omnia voluntur, nihil immutabile
terris,*

Huc illuc homines, astraq; casus agit.

Huc illuc varij deducunt aëra venti;

Huc illuc varias Æole ducis aquas.

*Pondera non aurum, non altas pondera
sylvas*

*Ulla tenent, falsis currit utrumque
vadis.*

Vertitur & calidum; terisq; accensus Eois

Protinus Hesperia tingitur ignis aqua.

Na

*Nec volucres cessant, alienisque advena
sylvæ*

*Sæpe per ignotos Cerva cucurrit a-
gros.*

*Nos quoq; quam latum est cupidi trans-
mittimus æquor,*

Et celere est tardi corporis ingenium.

Cæterum ut in conspectum perveni, in
expectatissimo visu confusus, etiam pe-
ne in pavementum decidi stupens. Erat
enim hominis quidem vestis multo auro
gemmisque variata, & reflexum præci-
pue capitis tegmen lapillis vibrantibus ar-
debat; cæterum facies tam similis Pedo-
ri, quem olim inter Callionis mediasti-
nos contempseram, ut nullum diligentis-
simis oculis, sibi que parum credentibus
discrimen invenirem. Certe is ipse erat,
neque ille me intrepido visu semel ite-
rumque lustravit.

*Auri triumphum quisquis es canat
vates;*

*Auri triumphum dicimus, Veni pauper,
Tuumq; adora numen, & feras votum.*

*Auro nec arces, nec minis ferox
miles*

L

In-

*Indomitus esse, pene nec potest virtus :
Dat corda timidis, atque turpibus for-
mam,*

*Scientiasque rudibus, & novis gentem
Quis dignitates aureas habet pauper?
Quis dives aut est stultus, aut timet
leges?*

*Aurum profanum est : in sacris tamen
lucet.*

*Aurumque superos placat, ac emit cœ-
lum.*

*Hæc robor auri forte si prius scisti ;
Nunc aliquid istis majus audias rebus.
Aurum hunc Pedonem quem meus
liber ridet,*

*Aurum hunc Pedonem reddidit
mibi gratum :*

Ego vero nondum certus, an frontis si-
militudine in errorem incidissem, utpote
qui & Philippum, & Agrippam, & Idu-
mæi regis filium, minime ignorarem post
interitum in vilissimis hominibus propter
similimi oris mendacium pene vixisse,
pronis cervicibus & vestigiis vertentibus
terram, dexteræ tibie integumentum in-
fra

fra genu timidissima manu libavi. Ille me in apertos recepit amplexus, & post aliquas patrii moris blanditias, invitavit ad mensam.

Omnino anxius eram, nec poteram comminisci, quibus potissimum sermonibus tam ambigua veritas explicaretur. Itaque modo de illius splendore, modo de servitutis incommodis loquebar, sed ad utramq; scenam pervicacem armaverat frontem; & nunc exiguo risu, nunc securis suspiriis, veluti alienis malis ingemisceret, mea tela vitabat.

Verum ut ad Callionis Percantisque nomina perveni, tum in oculis subita verecundia omnem constantiam destruxit, confusæque indicium lingue prodidit animum hærentia verba in subita trepidatione molientem. Nihil aliud expectabat, quam ut illum in conspectu ministrantis familiæ apertissimo pudore damnarem. Timui etiam, ne me mediastinum appellaret. Itaque mutatis sermonibus tanquam fabulam non agnoscerem, reliquam mensæ partem hilarissima fronte traduxi.

At posteaquam famuli remoto apparatu & ipsi ad mensam discesserunt, tunc Pedit ad incurvum fenestræ secretum me sollicita manu duxit, ibique semotis arbi-

244 EUPHORM. SATYRICI
triis totum se in notissimos misit ample-
xus; revocatisque longius sermonibus
multa de pristina servitute, & de Callio-
nis impotentia, fraudibusque Percantis
recitavit. Quid enim, inquit, attinet, per
ambages inter nos pristinam dissimulare
fortunam? & te Euphormionem fuisse
memini; nunc sis, nec ne, in potestate
tua est: & Pedo in servitute fui, quam
nunc inopinata felicitas in splendidius
extulit nomen. Adeo nihil in hominibus
est constans, & fortuna cum regibus am-
eos extollere, qui suam felicitatem forti-
imputent. Cum abominarer Percantis fa-
stidium, & Callionis impotentiam devo-
verem, ecce tibi geminata felicitas me
jam in mortis solatia intentum revocavit
ad vitam. Nam & celeriter sublatus Cal-
lionis familiæ libertatem codicillis reliquit;
& ego ad hæreditatem cujusdam Chrysi-
pervi, longa quidem cognatione mihi
conjuncti, sed cui me sua orbitas & inte-
ritus sororum proximum fecit. Neque il-
le liberalius traduxerat primam ætatem
quam aut ego Euphormio, aut parentes
nostri fecerunt. Nam à pueritia contem-
pta paupertas depresserat ingenium, nec
scholastici capacem indolem præceptis
impleverant; sed tantum suæ conditionis
miserabilis Philosophia docuerat sine
sto-

stomacho despici & parere, quibus artibus cū addidisset sine suspitione adulari, non modo gratia valuit, sed etiam dominorum liberalitate ad opes aliquantulum promovit. Inde cum se Protagoni & Deæ Fortunæ credidisset, incredibile dictu, quantum felicitas modesta præveniret vota; sane vel se tantum esse, vel iis initiis crevisse, interdum dubitabar. Cæterum ego tam repente felix, timui novitiam nobilitatem objicere ludibrio juventutis, quæ in Protagonis familia vivit, venique in Italiam, ut deinde gentiles non veluti ab exteris terris, sed ex alia stirpe venientem adorent. Ego jam iterum Protagonis nomine verberatus, (nam & diversitor non pauca de eodem retulerat) inquirere scrupulosius cœpi, quisnam ille Protagon esset, quaque autoritate apud suos floreret, ac cum Pedito nihil mortale de eo prædicaret, adderetque jam stupenti, tantum auri cumulum apud eum cumulari, ut sufficere viritum orbi posset; ego statim ad novas spes Pyrrho erectior interrogare hominem cœpi, mihi ne consuleret etiam ad Protagonem proficisci; quandoquidem ibi amplius Callionem non timebam. Ille autem persuasit, ne consilium omitterem tam opportunum ad divitias, si me fortuna respicere veller.

Inter hos sermones consumpseramus noctis partem. Itaque post occultæ familiaritatis verba, illum publico honore servis spectantibus veneratus sum. Cum deinde tota nocte consilium meum subinde animo revoluisssem, placeretque ad Protagonem ire, ubi præter reliqua etiam Theophrastum & Anemonem habebam; hac pene oratione studium meum Pedoni confessus sum. Non facile expleveris agrorum sitim debilibus rivis, aut in inopia dominorum multum ex fortunæ beneficiis hauries. Ego non vulgari artificio literarum instructus, ad hanc urbem veluti ad divitiarum fontem accessi. sed posteaquam mihi largius compendium tua de Protagonis oratio promisit, eo strenue cupiditatem conieci, ne saltem negligentiae paupertatem imputem. Non facile dixerim, an crediderit Pedit illud mihi utile esse, an à latere amoliri voluerit pristinae sortis invidiosissimum testem certe collaudavit mentem meam, & ita peroravit de familia Protagonis quasi staret in limine felicitas, invitantem ultro manum humanissima benignitate protendens. Et meæ eruditionis conscius eram, & credebam ingenio honorem haberi. Spe itaque fortunæ, meique fiducia repletus, iter quod dū bene

bene verterent, in Eleutheriam auspica-
tus sum. Primus forte post Kalendas
dies erat; ut nec omen fatalibus mise-
riis deesset. Sed eadem numina quæ
clades auguriis significant, admonitos
mortales suis consiliis uti non sinunt.

Dives solum, ac oppidorum cultus & su-
pervacua humanitas in ignotos fidem
Pedoni apud me faciebat. Tandem in
urbis confinia perveneram, ubi Prota-
gonem & Fortunam habitare constabat?
Ilium appellatur, neque procul senem
optimi vultus, & quem oppidanum ex
equitandi ratione cognoveram, angu-
stæ viæ beneficio conveni; & captata
sermonis origine, primum de ædificiis
urbis, deque victu & consuetudine ci-
vium quæsi. Procedentibus deinde ser-
monibus rogabam, quibus studiis illa ci-
vitas floreret; & qui plurimum in ea ho-
mines possent: etiam quibus ceremoniis
sacrorum obnoxia teneretur. Tende-
bamus in aditum urbis, qui Honoris obti-
net nomen, cum ille intueri ad dexteram
jussit, ubi mediocre fanum erat; & turris
supercilium non invidiosa arte porre-
ctum. Ego hospes adoravi incolas deos,
sciscitarique cœpi, num Æsculapius aut
Vulcanus extra mœnia habitaret. Pau-
pertas, inquit senex, habitat, ad cuius

248. EUPHORM. SATYRCI
aram duo simulachra placantur, hyemis
atque famis.

Perturbatus omine tam manifesto fui,
quod in ipso limine dii inimici me de-
prehendissent; neque diu in illo stupore
hæseram, cum mihi animum idem senex
blandissima oratione restituit. Et vides
ex pomerio ejectam Deam, inquit, nec
frugalitatis nec luxus amantem: ut intel-
ligas amœnissimam civitatem tristitia sacra,
severosque Deos non tulisse. Ceterum
quibus artibus in hac urbe honor sit,
haud facile dixerim: quoniam omnium
virtus ad magnæ Fortunæ libidinem exami-
natur. Videbis Fortunæ ingens tem-
plum, & religiosis cultoribus plenum.
Dea in sublimi ara alterum pedem, velut
aliquando avolatura sustollit, alium vo-
lubili globo, nec ipsum satis constantem,
reponit, apertissima quidem læva; dexte-
ram autem sic muliebri simulatione por-
rexit, ut nescias dare an accipere malit.
Certe muneribus tentatur, & fama est,
non facile simplicitate lachrymantium
exorari. Olim quidem literis avidissime
delectata est, & elegantes libelli aut in-
geniosi carminis acumen ingentes divi-
tias emebat: Sed posteaquam artem præ-
stantissimam mystarum utilitas & fre-
quentia dejecit, primum ipsa Musarum
pul-

pulchritudo fortunæ sordescere cœpit, deinde in contumeliam verti; ut jam nihil indignius putetur, quam illi carmen pro donario appendisse.

Cæterum excubare in fano supplices solent, neque unquam se oculis Fortunæ subducere. Ipsa levissimo nutu ubiq; cervicem inflectit, & si quando gratiosos offendit cultores, meliori vultu felicissimos homines salutat, suisque deinde Sacerdotibus inclinatione frontis ostendit. Nec illi rerum humanarum arbitrio Numini repugnant, sed mox è turba eximunt quos benignior fortuna selegit; coronatosque lauro, velut temporum & sapientiæ victores, ad summum fortunæ antistitem adducunt: is Protagon appellatur, illic ambitiosi exitus voti, illic magnarum cogitationum portum iratis æstibus ventique fortuna subduxit.

Et scis, inquam, pater, Sacerdotum nomina, qui initiatos ad felicitatis bona in Sacrarium Protagonis perducunt? quidni, inquit, sciam cum iis creberrima supplicent vota; cum & Protagon & Fortuna ex ipsorum consilio sua oracula componant? Omnium potentissimus ex severitate nomen invenit, & Doromifus appellatur. hic est qui primus eorum nomina ad Protagonem defert, quos fortuna

250 EUPHORM. SATYRICI
respexit. Sed supercilium suum durissima
arte effingit, ipsique fortunæ audet irasci
si quando benignius supplicantibus in-
dulget. Et tamen illius Deæ beneficio
eum gradum conscendit, in quo positum
Eleutheria & se ipso forsitan miratur
Nam in privatas spes adolevit, & aliquan-
do Fortunæ templum ingressus, nescio
qua Deæ benevolentia ad Protagonem
traductus est, mox similitudine morum
conciliatus, cum solertissimus homo
ita cupiditates torqueret, ut omnino vide-
retur iisdem syderibus conceptus. Ita-
que rei familiari præfectus est, vir ingen-
tis naturæ, & quem, si me digno precio
emeret, contra invidorum argumenta in
coelum meritissima prædicatione leva-
rem. Illius potentiam Torrentius, &
Neapolitanus Ianicularis quoque ac
Cursor, aliis rationibus proxime conse-
quuntur. Nam Longinius nuper ex-
pectatæ morti concessit; & jam pridem
emortua senectute languescens molestum
negotiorum & dignitatis oderat nomen.
Eminet quoque Figuli aureus honor,
& veteris Agathoclis abundantiam im-
mensis vectigalibus vincit. Sed nul-
lus ad Doromisi potentiam accedit;
& si (hospes) hic ad fortunam festinas,
noli opes exspectare, nisi te ille primus
ad

ad Protagonem huius Deæ imperio deducet.

Cum hæc mirifica humanitate exposuisset, & omnem Reipublicæ ordinem historica fide promitteret, intercepte orationem affines, qui obviam optimo seni processerant, & eripuerunt notitiam mihi rerum illarum, quas postea difficillimi temporis dispendio perspexi. Igitur cum se mihi jam pene familiariter ultimis amplexibus traderet, paululum ab amicis semovi, & per fidem, inquam, tuam, quis aut quibus moribus Protagon sit, paucis dicere placeret? nec libidine curiositatis motus, sed necessitate interrogo, miserere, & ingenium viri ostende, sub cuius legibus viturum accessi. Iratus ille excussit fortius vestem, quam comprehenderam manu, &, O mi hospes, inquit, scias me ad hanc ætatem sine parricidio vixisse, qui feris criminibus pervertis innocentiam meam? Nescis quantum flagitium admittant, qui de Protagonis moribus quærunt? Iovis quidem cerebrum & Regis, ut audio, Persarum proverbium conjungit, & passim quos familiaritas Deorum extulerat ad vaticinia; iis quoque secures parebant. Nulla tamen secula Protagonis genium æquarunt; nec ille

252 EUPHORM. SATYRICI
Fortunę tantum, sed Virtuti legem imponit. quicquid ipse aut facit, aut cogitat, Eleutheriani adoramus; nec quemquam similiorem numinibus ad nos fata transmiserunt. Tu Deos comprecare; ut ignorent simplicitati tuę, & in Protagone Deorum potentiam, & cœli imaginem, revere- ro.

Exhorruī tam improvīso scelere contaminatus, & tamen dissimulato metu, quoniam ad portas veneramus, Deos Deasque salutavi, urbisque maxime tutelam, sive esset ipse Protagon, sive aliud occultę religionis numen. Et ea quidem vesp̄ra ignoto diversorio contentus, suspensam maxime noctem inter varias cogitationes exegi. Prima deinde luce quaesivi, qui suam operam numis vellet addicere, & per ignotam urbem inutiles prohiberet errores. Novo itaque satellitio superbus, præterea redemptis optime vestibus ornatus, potentissimę Fortunę templum peto. Ac cum per viam catervatim homines occurrissent; non molissima modo lana contexti, sed serico splendore ad luxuriam vibrantes, cœpi damnare veritatem hesterni senis, illudque existimare, neminem se opulentissimę Fortunę advertere, quam illa respicere nollēt.

Ac

Ac posteaquam libavi sanctissimum lumen, alias cogitationes strenue quidem projecì, cæterum illud attentissime reputabam, quibus maxime votis mihi deam propitiarem. Cumque sollicitudo tam ingens obtutos oculos defixisset in terram, forte omnibus transeunti matronæ assurgentibus; ego solus non decessi de viâ, obviumque corpus rustica simplicitate allisi, nam nec satis quidam ipsa incuriosum adverterat, nec etiam juvenis cinnatus, qui delicate gradientem suspendebat. Sed ut trepidum sustuli lumen, & forma mulieris incauta præcordia trajecit; Dii Deæque, quam subita mutatio ne me quidem mihi reliquit! Oculi syderibus pares vivido splendore vibrabant; frons porrecta; & inter aurum argentumque comæ nitentes, genæ quas cerussa deteriores fecisset; os Veneri simillimum suo Marti blandienti; cervice nec immobilis; nec præter majestatem annuens; sinus bicipiti turgidus colle, & cui suum Parnassum donare Phœbus posset. Denique si pro Fortune numine sedisset in ara, magis studiosos cultores invenisset. Ac ne me quidem illa sine aliquo stupore conspexit, sed attonitæ similis hæsit, & mutua admiratione defixa meam frontem curiosa speculatione lustravit. Diceret
con-

254 EUPHORM. SATYRICI
convenisse, ut utrique immobiles animorum transmitteremus affectus. Adeo quiddam est artanum in amicitiarum fati, & natura similitudinem affectuum inter ignotos mirabili genio temperans, etiam cognationem animorum inducit. Vbi vero revocavimus animos licentius adauspicia amicitiae coeuntes; illa quidem inclusit velo frontem, ego autem suavissimo dolore perfusus, veluti relinquerem antiquae familiaritatis locum, ægre ab ipsius latere vestigia moliebar. Et hic quidem inconsulti amoris turbo omnia animi mei decreta subita tempestate pervertit. Sed quis sapientiam in odio, aut in amore iniquus arbiter quærit? Ipsa Venus temere nata est ex spumis, quas inanis egerat ventus, ne amicitiarum exordia ad severitatem prudentiæ disponamus. Fœminam nobilē, & quam sperare non poterā me in illa civitate inter tot Dearum millia inventurum, ego peregrinus & ignotæ conditionis homo; præterea adversantibus fati omnia aggressus, nullis argumentis præter subversi animi impetum pene diligere audebam. Nec illius mihi consuetudinem promittebam; sed erat aliquid in læsi pectoris sensu, simile desiderio; & veluti cuniculus longæ spei quæ nondum fatebatur cupiditatem
iam.

Iam

Iam superaveram testudinem templi,
introque pergebam ad Deam, cum simu-
lachrum Fortunæ video, omnino quäle
descripserat senex, & donaria passim ex
auro argentoque pendentia, omnia ex-
sonabāt professis supplicum votis, & plu-
ra ut videbatur muta devotio occultabat.
Itaque posito genu, & ipse in hunc mo-
dum oravi. Domina mortalitatis & Fato-
rum, cuius imperium terras & maria ex-
ercet, si non fastidis peregrini supplicis
cultum, & te velut sororem naturæ ve-
rietas delectat, muta, O Regina, & infle-
cte constantiam malorum, quæ me perti-
naci odio laceffit. quo longius sparseris
beneficia in externos, eo misericordiæ
fama tuum regnum religiosius extendet.
Et si me provexeris facilis, notæ miseræ
adolefcentem; mihi crede, multi divites
ex Lufinia spes easdem, Domina, precio-
sis donariis à te e ment. Felicitatis meæ
arbitrium tuo numini relinquo; nec de-
scendo ad licentiam votorum. Injuriam
cœlitibus facit, qui indulgentiæ viam præ-
scribit. tantum O Dea, si licet, faventem
Protagonem deprecor, & præterea ne in
miseriarum omen omnium fœminarum
felicissima mihi occur rerit intra septorum
tuorum sanctitatem.

Hæc humillimo mentis spiritu effudi,

cum-

256 EUPHORM. SATYRICI
cumque immota Dea nihil mitigato vul-
tu constaret, etiam quasdam verborum
blanditias adjunxi : donec lassata pietas
impatientiam meam ad alterius spei no-
vitatem convertit ; & quid, inquam, si
mihi ipse pro Fortuna faveo ? quid si,
quod illa tarde & fortassis faciet, ego ce-
lerius exsequor ? me scilicet ad Doromisi
vultum confero, oroque ne repudiare ve-
lit hominis preces, quem ipse Apollo &
Musæ, nisi me amici deceperunt, sibi in-
tima familiaritate junxerunt. Quod ut
mecum turbatus exegi, coepi indulgere
credulitati meæ, & fingere animo faven-
tem Doromisi speciem mihi etiam sua
sponte blandientis. & nescio quo me spes
improba provexerat, ut jam divitias,
quibus me Protagon oneraturus per Do-
romisum esset, ineptissimis disposerem
votis.

Nec ultra cunctatus genua de pavi-
mento sustollo, & novitium interrogo
servum, sciretne ubi Doromisus habita-
ret. Pallidus ille ac tremens, se vero scire
asseverat, cæterum nunquam ultra limen
produxisse audaciam oculorum ; nec fas
esse, quæ illic miracula essent profanis li-
minibus contueri. Si me tanti crederem,
si illam sustinere lucem possem, indica-
turum quidem domum, sed nullo stipen-
dii

dij pretio stultissimam temeritatem locaturum, ut in eam mecum irrumpat. Ego audacter ducere jussi, & quo apud servulum majoris authoritatis essem, jactavi gratiæ meæ vires ac ipsum Doromisum ultro etiam oraturum, ut per ipsum bene esse mihi velim. Et hæc confidentius proloquebar avidissime audienti, quoniam in Doromisi ædes omnino se non venturum prædixerat; ut nec si male acceptus à familia essem, ipse cognoscere contumeliam meam posset.

Igitur salutato numine à Fortunæ æde declino, & aliquantisper spatatus per nobilissimam urbem, tandem ad flumen veni, lene quidem & ipsa libertate alvei placidum, nisi meantis cursum interciperent pontes. Sciscitanti deinde quod esset fluvio nomen, mercenarius meus in illa quidem urbe Pactolum appellari retulit. cæterum & cum propior fontibus suis manat, ac deinde cum se extra civitatem evoluit, Nilum vocitari, & in ipsa quidem ripa constitutum Saturni templum esse, in cuius vicinia custos Doromisus habitabat. Non libuit interrogare ubinam essent ædes, quas facile aperiebat discursatio variorum, & tumultus fortunarum ingentium comes. Itaque relicto nomenclatore meo intravi frequentissimum

258 EUPHORM. SATYRICI
mum limen; quod jam ab ipsis foribus
perhorrescendum fuit. Erat enim supra
portam Ætnæ fulminantis imago, & ter-
ribiles Cycloperum formæ suo Iovi moli-
entium tela. Sed perdidit omnis metus
progressusque in atrii spatia primum o-
mnium coepi mirari partes quorundam
hominum cultus, quos ambitu præcipuo
transeuntes salutabant. Erant autem coc-
cineis palliis tecti, & tam uno habitu no-
tabiles, ut eiusdem patris hæredes vide-
rentur. Cæterum in singulorum pectore
nonnihil ad lævum latus vidi coronam
ex aureis filis sericoque fulgentem, quæ
pulcherrima texturæ industria eminebat
aliquantulum extra tunicæ corpus; & qui-
dem non multo ante factos significabat
coronarum splendor, qui nihil de recenti
venustate perdiderat. Notavi etiam o-
mnibus pileum esse præpeditum multi-
plicibus pennis, & quas illi novo more
in mediam obverterant frontem. Non
sustinui diutius ignorare, quæ hæc ve-
stium concordia esset, & à transeuntium
uno quæsi, quosnam illos mortales ar-
bitraretur? Ille, Doromisi domesticos, in-
quit, vel potius ingentis familiæ partem:
totam enim nō angustia domus, sed nec,
quamvis ampla est, civitas capere potest.

Cum deinde errorem viarum timerem
in

in amplissima sede, idem, si ad Doromium ire vellem; insistendum semitam ostendit, quam utrinque claudunt exiguae arbores, & quæ, ut ex muscosis corticibus apparet, tardioribus incrementis confurgunt. Igitur in eam semitam me conieci, & cum paria arbusculorum fastigia, ramosque ad æqualitatem præcisos intuerer, ne hoc quidem credidi sine consilio, & venerabilis arcani notatione factum esse. Sed tot quæstionibus trans-euntes fatigare non sustinet verecundia mea. Illud autem cogitationem meam vehementius erexit, quod de singulis arboribus tabella pendebat, in qua hoc erat minio scriptum: *Pares sumus, &, Non sumus Pares*:

Cum vero in extremo semite esse, diligenterque tot rerum insolentiam annotarem, video pulcherrimæ fastigiû porte, & credo aliquot historiarum monimentis insigne. Erant enim imagines ex ære; illinc quidem Gradivus in curru ferebatur, Iovique jam satis concitato sævitiam ministrabat, multitudinem nubium Vulcanique terribilem laborem Deo in manus ferens. In altera vero parte Aviditatem artifex expresserat, omnino qualem Hercules olim inter monstra functorum à se visâ memorabat. Illa Plutum multiplici catena
con.

260 EUPHORM. SATYRICI
constrinxerat trahebatque pertinaciter
reluctantem. Plutum contra vindicaba
ingens rusticorum turba, & à se abeun
tem irrita fortitudine revocabat, nec plu
tamen in victricem aviditatem, quàm
questus & maledicta audebant: laxavera
enim artifex ænea imaginum ora, oculos
que in aviditatem tam atroci acie defixe
rat, ut auderes ab ipsis voces etiam &
querelas expectare. Et quidem sollicitati
oculi tam præclari operis venustate, pene
omiserant eiusdem portæ columnas mar
moreas perlustrare, in quibus incisæ lite
ræ auroque diligenter imbutæ, in hæc
verba legebantur *sacrum Doromiso sexies
maximo, larium domesticorum curatori, via
lium dispensatori & præfecto*. Cum hæc reli
giose veneratus perlegissem, subeo ean
dem illam portam; & cum ex ædibus qui
dam Doromiso domesticus processisset
(jam enim agnoscebam ex vestitu) in
terrogavi, num vacaret domino peregri
num hominem videre? Ille nec domi
Doromisum esse nuunciat; nec facile obji
ciendam negotiorum molestiam eo uti
que die, qui ad publicam hilaritatem ef
fet ortus, me quoque prudentius factu
rum, si graviores omitterem curas oculo
sque meos celeberrimæ pompæ specta
tulo crederem. Quippe Deam fortunam
à Ve-

à Venere exorata commendasse suis sacerdotibus puellam Deorum favore dignissimam, formæque quæ insignis inter Deas esse posset, eam illo die nubere Olympioni, & Antistites fortunæ conjugio exornando laborare; ipsi puellæ Casinæ nomen esse. Egi ut oportuit gratias tam liberaliter prolocuto, & quoniam eiusdem spectaculi studio trahebatur, ad nuptiarum pompam illo duce processi; ac multa quidem per viam disseruimus (erat enim humanitatis plenissimus) tum de civitatis & magistratuum genio, tum maxime de imperio fortunæ, quæ industriæ virtutisque damnatæ occupaverat locum; donec inter suavitatem colloquiorum superbissimam intravimus domum, ubi tot erant artificum labores, tam curiosa varietas, ut jam cultum, qui me in Dormisi æde perculerat, novus admirator contemnerem. Nihil unquam videram tam simile cælo vel in Labetri, vel in Callionis domo, lucernæ de laureatis pendebant postibus, & florum etiam intempestiva pulchritudo sese alienis anni temporibus interferebat. Ipsa janua, quantum à lucernis lauroque vacabat, aurea vibrabat cælatura, non spissioribus quidem laminis exarata; sed quæ fideliter lignorum vilitatem occultarent. Cum deinde

262 EUPHORM. SATYRICI
inde juvenis illius favor me per spissa ob-
stantium agmina provexisset in interio-
rem locum, si qua est jurantibus fides
caligavi ad tantæ majestatis nitorem, &
veriori quam olim Cyneas stupore, non
intueri visus sum cœuentium purpuram
regum, sed ibi omnes deos deasque ado-
ravi. Et quidem avidissime contempla-
tionem in Casinam conjeci, utique novo
cultu mirabilem, & quæ nec flammeo
verecundiam demulserat (stabat enim hi-
lari & aperto vultu) neque supremum pu-
dorem jugali concluderat cæsto. At po-
stea quam animadverti hæc muliebris
consuetudinis ornamenta in Olympio-
nem esse congesta, omnino credidi esse
Fortunæ datum, ut deterior sexus imbe-
cillitatem abjiceret in viros. quippe O-
lympio obnupserat flammeo vultum ita
per diversas plicaturas fastigato, ut utrim-
que tempora Bacchico cornu elegantis-
sime signarentur: & super ligaturam, ex
qua ferrum pendeat ad latus, induxerat
conjugalem cæstum, sed tot nodis me her-
cule, & tam implicata nexuum serie, ut
videbatur, astrictum, ut nisi aliquot an-
norum labore explicari minime pos-
set.

Cæterum ut pompa in medium proces-
sit, quo ministri sanctitas auspiciū coe-
unti-

antibus esset. nescio quis Artistes in candida veste connubii legem ad hunc modum recitavit, novam sane, & quam ideo in tabula descripserat, ne inter pronunciandum laberetur; Vt tu Olympio hanc Casinam conjugem tuam nec attigeris, nec osculum tetuleris, nisi peregre proficiscens & trinundinum abfuturus, ut à sinu curiosam abstineas manum, nec adsis molestus noctium arbiter, aut ante sextam diei horam uxoris thalamum temeraria manu recludas. Si quam interea prolem tibi genuerint dii, illam protinus tollas, & gratuito hærede felicissimam augeas domum. Si hæc faxis, tum tibi in uxoris nomen venire licebit, bonisque avibus juncto per exterarum gentium urbes celeberrimis itineribus volitate.

Cum hæ conditiones mitissimo conjugii placuissent, Antistes in Casinam convertitur & hoc quidem cautiozem diligentiam adhibet, quod illius maxime causa nuptiarum pompa coiverat. Verba autem foederis conjugalis, in quæ ille Casinam adegit, omnino eiusmodi fuerunt; ut tu Casina non minus virgo sis, quo tempore conjugium hoc vestrum interitus aut legis beneficium extinguet, quâ nunc hodieque fuisti cum ad hanc procederes
pom-

*Sed nec lentus ades. Nihil moramur,
 Nobis ò Hymen est satis deorum
 Aut veni citus, aut Hymen valebis.
 Nam silentus ades, licens Cupido,
 Et blandis Venus evocata votis,
 Et dulci veniet lepore Risus.
 Et quotquot Superum est licentiorum.
 Tunc nec ne tacite marita poscet;
 Nec tardum cupidus palam maritus
 Castis ignibus Hesperum vocabit:
 Aut veni citus, ò Hymen fidelis,
 Incundissime calitum Deorum,
 Aut felix Hymen, ò Hymen, valebis.*

Dum hæc celeberrimis cantionibus
 aguntur, interim religiosam sedem o-
 mnemque apparatus avidissimis oculis
 lustrabam. Sed me præcipue tenuit ma-
 tronarum puellarumque ordo, qui in
 Casinio vultu diffuderant mentem omnes
 ardentibus gemmis, & fulgore serica vi-
 brabant. Neque me fallebat plurimas
 jam non suo vere florere: sed & medica-
 tis frontibus juventutis revocaverant le-
 gem, ut me unicam ætatem cernere arbi-
 trarer mea sponte deceptus.

Cæterum quando splendorem astro-
 M rum

rum

268 EUPHORM. SATYRICI
rum nitidior luna coerces; tanta immine-
bat divina omnino mulier, victamque
cæterarum pulchritudinem castigabat: illa
utique quæ mihi paulò ante in Fortunæ
occurrerat templo. Nihil emendatius
natura ea muliere expolivit, nec fata illi
dignum amatorem invenient.

*Non si Taurus amet, vel falsis increpet alii
Ipse dium genitor, vel spreto Phœbus Olympo
Rursus in Æmonii deducat ovilia campis.*

Forte idem temporis monumentum
meos oculos in ipsam, & illius in me
conspectum advertit; oculisque velut te-
lis mutuo icti, tam in imum admisimus
vulnus; ut improvisa violentia pene ani-
mam submoveret. Et illa quidem su-
bito rubore mutata est, ego vero subsi-
dentibus articulis labens, corpus ad pa-
rietem excepi, nihilominus in eam par-
tem versus unde basilicam mulierem vi-
derem, quæ me solo aspectu vulnerabat.
Neque satis mirari poteram, cur misera-
bilis proci tam subito amarem, rudis
antea voluptatum contemptor, & huma-
nis suavitatibus intactus. Agebat me dis-
cors sententia; & quamquam male dul-
cedinem amabam, pene tamen voluif-
sem, ut inutiles affectus animum suo
mor-

morbo indulgentem reliquissent. Quid enim ex dispari amore, præter privatas acerbitates, aut externa ludibria, sperarem?

Et hæc quidem anxia deliberatione pensabam, cum me excedentis multitudinis tumultus excitavit. Iam enim recesserat Antistes in interiorem domum, & secuta cum Olympione Casina erat, ut quædam quæ ad nuptias pertinebant, secreta consultatione agerentur. Cæteri autem per publicam portam, per quam & ego irruperam, sese recipiebant in domos.

Et quidem casus tulit, ut indigesta confusione me ad mulieris latus applicaret, quam insanus deperibam. Haud mora, evicit timiditatem audacia amoris, & felicissimæ tunicæ osculum cum modico suspirio tuli; ac ut ipsa sciret me poetam esse, versus subito aliquot invocato Cupidinis numine effudi.

*O dea, syderei seu tu stirpi alma Tonantis,
Seu patrem factura Iovem, de numino dextra
Has movisse preces, placataque lumina flecte.
Ecce ignes jussitque pati, jussitque fateri
Nil non ausus amor. Nec sortem despice no-*
stram,

Nympha potens, Calum cognataq; numina cernis

*Pauperibus votis & parco thure vocari ,
Placarique tamen. Tibi jam sua stamina Parca
Concessera mee. Vitam si forte negabis ,
Da saltem Regina mori ; da sydere flammæ
Nympha perire tuæ. Non dignius arserit ales ,
Quæ super Eoos extincta renascitur ignes.*

Et hæc quidem modico murmure in
fusurrabam etiam inflexo in contrarium
vultu , ut si qui recitantem audivissent
tamen in eiusmodi amoris suspicionem
non venirem.

Sed quoniam jam aliquot diebus ad-
uersi non sævierant dii, timuerunt ne in-
termissa consuetudine ego me parum
meminissem Euphormionem esse. Itaque
in ipso aditu qui ad urbem ferebat , cum
adhuc in conspectu meæ mulieris essem,
incidi in petulantissimam turbam , &
veluti invita modestia prognatam. Iu-
venes erant , & diversis quidem colori-
bus, cæterum unius genere vestis ornatæ,
ut facile apparet servilem manum esse,
quæ exeuntibus heris præsto futura con-
federat , ac cum nescio quis ex illis que-
reretur sibi vestigio meo pedem obtritum
esse, egoque constantius mendacium in-
creparem , ille ficto acrius dolore fœdissi-
mis detonuit verbis, & præterea in vul-
tum meum tanto furore sæviit , ut den-
tium

ium series pene ad illam machinam dis-
cuteretur. Putares signum ad pugnam
datum esse. Concurrunt in me universi,
fervilesque animos barbara voluptate, &
immerentis injuria explent.

Iam me in terram repetiti miserant
ictus, jam illi volutatum altissimo versa-
verant cœno; & ni concurrentium pie-
tas prohibuisset, credo aliquid gravius
moliebantur. Sed illa præcipue matrona,
cui acidum paulo ante epigramma can-
taveram, posteaquam me esse intellexit,
quem ista amentium rabies violasset, cla-
morem vehementius tollit, servitiumque
omne ad auxilium meum præcipiti im-
perio accendit.

Cæterum nihil magis me movebat,
quam quod verebar, ne me calamitas
mulieris risui, aut mei etiam mercenarii
exponeret. Ille laudabili probitate la-
chrymas in meo casu effudit, crebrisque
singultibus concussus meam vestem ob-
tusa cultelli parte ab eminentiori cœno
purgavit. Cum effusa deinde procella me
jam antea madentem novo frigoris hor-
rore constrinxisset, ac omnino meum in-
commodum geminaretur, monente mer-
cenario, cœpi in viam redire, quæ mihi
in hospitium maxime compendiaria pro-
ponebatur.

M 3

Sed

Sed O rerum mortalium mixturam! & corpora quidē nostra contrariis elementorum virtutibus astricta; animas autem mœroris & gaudii discordia gubernatas! Perfusus pudore tam ingenti, etiam omnis consilii inops, ominis malignitate turbatus, qui eo die, quo me primum Dolorum & Fortunæ credideram, me solita malignitas factorum fugientem invenisset, pene de extremis cogitabam. Quis putaret in tantis angustiis paruisse solatio locum? forte sustuleram oculos, ut breviter viderem quæ mihi per civitatis vias occurreret turbæ, id est, quibus ludibrio in madida confusaque veste essē, cum notæ familiaritatis virum mihi insperata felicitas, ac veluti iratorum numinum poenitentia objecit. Is erat Theophr. Ac primo veluti somnii vanitate delusus, lætitiæ ineptias excussi; sed posteaquam me vigilare vivax gaudii sensus admonuit, utraque manu complexus sum abeuntem (neq; enim me ille adverterat) & in osculū familiariter invasi. Ille pariter gaudio mutus nihil nisi me amplexibus attrivit. Et illum quidē ornabat splendor cultus, stipatusq; servulorum manu nescio quomodo videbatur Deæ Fortunæ placuisse. Invitavi nihilominus ut in hospitium succederet mecum (quippe ad ostium occurreramus)

ibi-

ibique animos expleremus longiori absentia veluti diuturna fame marcentes.

Igitur ubi confedimus, primosque consumpsimus jocos, interrogavi Theophrastum, quæ illum ratio in eam regionem teneret. Cum errassem, inquit per diversissimas gentes, & singulæ suis vitiis displicerent, tandem hortantibus amicis in hanc urbem admigravi. ibi continuo eloquens sum visus, & si quid suffragiis populi credendum est, gentilium oratorum suavitatem adæquavi.

Præterea deditum sapientiæ putaverunt, quoniam supercilium videbant voluptatibus adversum, & vitam publicæ infamiae innocentem laudabant. Igitur ad famam aliquantulum promovi, & quod est omnibus divitiis suavius, inveni charissimam matrem, id est foeminam, cujus beneficiis impendi amor potest, quem parentibus debemus. Itaque & Sophagonis beneficio in altiore gradum ascendi, & Poimenarchorum unus evasi.

Exercitus ego ad maiorem spem, quasi omnia, quæ à Dromiso expectaveram, consequi per Theophrastum possem. & tu igitur, inquam, in Sacerdotum Fortunæ collegium venisti? ubi audio neminem admitti, qui mortalitatem non deponat: nunquid humilia terrarum incommoda è

274 EUPHORM. "SATYRICI
divino despicias loco? miserere; & veterem
amicum non trans mitte Doromiso, sed
ipse ad Fortunam & Protagonem beni-
gna manu siste. Ille me arctius amplecti,
& luctantibus per suspiria verbis, inter-
rogare cœpit, vellemne in eam viam con-
jicere securitatem meam, & Deæ Fortu-
næ judicium expectare. nec dubitavi li-
bidinem meam confiteri: iterumque ro-
gavi, ne veteris & certissimi sodalis stu-
dium destituere vellet. Non est ille pas-
sus me ulterius decipi; & se vero nec in
Fortunæ collegium unquam venisse: nec
quicquam à Doromiso expectare potius
quam à virtute voluisse. Cæterum si ego
forsitan rudis insolentium morem audire
vellem, quibus gradibus in ea regione ho-
mines ad dignitatem conscendere possint,
se, utpote jam peritum, optima mihi fi-
de explicaturum esse. Cum ego hoc a-
vidissime promissum exposcerem, ille
hominum statum sapientissima oratione
exposuit.

Dux sunt, inquit, hominibus viæ, quos
animus supra vilitatem extulit plebis. A-
lia quidem tuta, & quam veluti lenia flu-
mina raro tempestates exercent: sed ea-
dem humilis, & ignobili quiete subducta
formidini ventorum. Alia vero præceps,
& in arduum exurgens; in quam nihil
me-

mediocre cadit. entientes enim in verticem vel improbus turbo in voragines rapit, infra prioris humilitatem viæ, vel ipsa fortuna sustollit, & ingentem felicitatem temeritatis præmium facit. Nimirum qui contenti paterna domo, non dedignantur avorum lectulos. nec infans spes audiunt vocantes ad negotia, aut servitutem aulæ; eos ego primæ illi & securæ viæ assigno: item illos, qui literis diligenter imbuti hoc primum inter Philosophos didicerunt, felicitatem in quiete animi, non in fascibus aut purpura latere; quique omissis dignitatibus, aut humili stipendio adolescentum animos excolunt aut conditiones quærunt infra invidiam dimissas: illos inquam, quos non offendunt huius semitæ sordes, nec ambitionis cupiditas revocat, meo iudicio sapientia in disciplinam suscepit & cum iis amat felicitas rusticari. Quos autem in aliud iter cogit æstuantis adolescentiæ furor, aut negotia, aut turbidæ naturæ impetus, aut potentiæ amor, & pene semper aurea dignitas; illi non maioribus plerumque præmiis impendunt miserrimam ætatem, sed tantum illustriori fucō misérias suas excusant. Primum enim plerumque longa spe decepti, nihil ad miserrimam senectutem præter vota &

M ;

curas

Doromisus destituisset conatus meos, saltem non exprobrarem ignavię humilitatem meam, & ille in contrarium amicissima contentione certabat, & si, inquit, ad gloriam festinas, Euphormio, velis à sapientibus laudari, qui modestiam & virtutem amant, opes autem & purpuram, veluti generis humani ludibria, contemnant. Neque te ingeniosus animus ad spes improbas extollat: vix est industrię in aulis regalibus locus, nisi si illa summis divitiis nitatur, & ut superi Dei cuncta laboribus, ita medioximi divitiis vendunt. Iam non sapientię studiis informare juventutem cauti parentes debent, sed aut turpi aut mercenaria arte, id est, Veneri aut Mercurio commendare. Nam ut ancillis non patebant Matutz limina, nisi uni quam matronę colaphis urgebant; ita raro Fortuna pauperes in templum suum recipit, id est, in principum domos, nisi quos ad publica ludibria destinat. Ego sane Poimenarchus pene miraculo evasi, & puto, si illam dignitatem captavissem, adhuc me inanis umbra fugisset. Tu quoque virtutibus incumbe, & illę vel incogitantem extollent, vel ipse præmium tibi erunt, turbidas omnium partes ex tranquillo spectanti.

Dum inter hos sermones versamur,

M 6

& ille

278 EUPHORM. SATYRICI
& ille amoliri à me inanem honorum libidinem tentat, ego vero ignobiles privatorum tenebras persevero fastidire, cœna pertinaciam utriusque opportune diremit. Nam exoraveram Theophrastum, ut apud me illa nocte esset, & severitatem serii sermonis mitioribus jocis temperaremus. Placebat consortio nostro secretum & vacuum triclinium poscebamus, ne in publica stabuli mensa ad gravitatem cogeretur amicitia tam familiaris. nec ullum ex domesticis Theophrasti admisimus; sed mercenarius meus utriusque pocillationi suffecit. minus enim verebamus, ne conductitius ille & externus effusa colligeret verba, & in secretorum notitiam perveniret.

Igitur licentius collocutis, etiam de veteribus amicis mentio incidebat; cum de ministris Theophrasti, ad ostium triclinii astans, adesse Anemonem significavit. Ego de mensa exilui lætitia plenus; statimque ad cellæ aditum decurri; & Anemonem tenui barbula auctum, cæterum pristinam candoris imaginem servantem, optima fide amplexus sum. Ille me non perfunctorie salutavit, sed tam examinatis verbis, ut jam ab exordio timerem, ne exculta prudentia labefactum amorem significaret. Posteaquam vero invitatus
ad

ad mensam confedit; & ego attentius circumspicere omnes nutus cæpi & muta quodammodo mentis verba, tum non me fefellit diutius, intimam charitatem, quæ quondam animos nostros miscuerat, inflexione morum aut oblivione esse corruptam. Itaque & ego prudentius agebam, licentiamque amicitix, quæ libertatem jocosum, & nudæ mentis simplicitatem amat, astute coercebam.

Cæterum illud mihi præcipue admirationem movit; quod in antiquos mores suos veluti professa lite pugnabat. nam ut olim discedens ad superstitionem reliqueram pium, ita nunc alternis vocibus ad ludibrium religionum abutebatur; neque me latebat eum affectata impietate ejurare ineptiam prioris sanctitatis, & velut virilibus vitiis testari se ab ea imbecillitate recessisse, quæ aut Deum aut homines timeret. Nam & de literarum studiis tam constanter tacebat, ut etiam occulte barbarorum ageret causam, qui eruditionem contumeliis vexant. Equi, tubæ, atque arma successerant antiquis sermonibus, & omnia ægrius audiebam, quoniam non studio bellicæ rei, sed inani vanitate superbæ indolis jactabantur. Illud tamen sollicitabat interdum iracundiam meam, quod paulatim in superbiam decli-

280 EUPHORM. SATYRICI
clinaverat sermo; ut jam nec occulte de-
dignaretur parem.

Ac ut turbulentus juvenis non medio-
crem cænæ partem mendaci jactatione
consumpsit, intraverunt ciharædi, & ali-
quot satellites illius, tam vagis ac petu-
lantibus oculis, ut facile ex ministerio
dominum agnosceremus. Pudebat o-
mnino Theophrastum, (erat enim A-
nemoni familiarissimus) nec diutius in
illa petulantia duraturus videbatur, cum
Anemon me ad pervigilium invitat,
quod suavissimis, ut aiebat, virginibus
consecrabat; quamquam & conjunx sibi
esset, cuius pulchritudini, quicquid est
puellarum facillime ipse donaret, si vel-
lem consentire in jucundissimum laboré,
jam non imperitas Academiarū volupta-
tes; verum delitias politiores gustaturum.

Non dissimulabo vitia mea, sordescē-
bat mihi literarum nomen, & inexper-
tam procerum vitam velut eruditorem
nequitiam optabam. Itaque facile ingra-
tum laborem promitto, cumque jam te-
nebræ ad illam licentiam invitarent, &
ipse Theophrastus se recepisset domum,
ego cum Anemone, per ignota urbis coin-
pita, cum servis omnino tribus & occen-
toribus aliquot pergo, nec id mihi à prin-
cipio molestū erat; & augurabar magnifi-
cam

cā voluptatē, quoniā ipsis proceribus placebā. Sed posteaquam ultimus vesper effusæ licentiam plebis revocavit indomos, & jam nulli occurrebant, nisi præsidio facum, aut latrociniorum suspecti, exigebam ipse ab animo meo, quo bono frueretur intempestivo aeri commissus, inutiliter etiam vigil, & alieno arbitrio felix. Quippe nos diversis forribus Anemon fistebat, & deinde progressus ad alias domos, iterum jactatione aures meas in via rerum symphonia onerabat. Itaque jam primum fatigatus occultis suspiriis supplicabā otio, ut me respicere vellet, & ab inquieta voluptate revocare; veluti qui primum maria subeunt, jam ipso territi portu terrarum commoda & navigii difficultates narrant. sed me plane gravior calamitas à tam exigui mali sensu reduxit.

*Quid est horridulus, dii deaque,
 Quid est, Numina, dulcius tenebris?
 Si mortalibus ut quietæ nox sit,
 Lux quæ pervigil imperat laborem
 Ponto mergitur; & laboriosa
 Cessant pectora, pallideque cura
 Paulatim tepido amnuunt sopori?
 Et tantum licet aut libidinantes
 Nigris prodere morsibus puellas,
 Aut nutu refugo, unguibusque duris
 Vlscisci juvenum salacitatem,*

Cum

Cum lites Venus inserit iocosas ?

Hac certamina noctium vigeant

Cum Saturnus erat. Sed ista peior

Ætas munera perdidit deorum.

Nunc aut insidia latent tenebris.

Aut incendia territant tenebras,

Et vis impia, perfidumque furtum,

Quale non tener imperet Cupido.

Quid est horridulis, dii deaque

Quid est, numina, tristius tenebris?

Si nullis tenebris laboriosa

Cessant pectora, pallideque cura

Iam nusquam tepido annuunt sopori ?

O Di ! quis superest locus quieti.

Si lux pervigil imperat laborem,

Et mortalibus inquieta nox est ?

Cum enim bivium transiremus, grassatores quidam nocturni improvise impetu nostros primum satellites invadunt, nos deinde eiusdem belli motu spe prædæ involvunt. Prima sorte incurrentium rabies inciderat in citharas, quas fæde laceratas cum huc illuc instar Thraciæ feritatis dispersissent, in artificum involant ora. accurrimus implorantibus ministris, palliisque circum lævam inductis ad nocturnam accingimur pugnam. Grassatores longioribus hastis dimicabant, & utrinque præfixis. Nobis breves gla-

gladii erant, & ut mihi videbatur audacia minor. Obruerant faces ictibus crebris, & in obscura nocte nos in tutiori nequitia laceffebant. Iam Anemon aliquot ictibus fatigatus circumspiciebat iter ad fugam, & me viarum in illa civitate imperitum crudeliter deserebat, cum vigillum cohors, qui in diversis partibus urbis excubabant in cædes & latrocinia armati velut facta indagine nostram aciem includit. grassatores autem, qui sæpe ex eiusmodi venationibus evaserant, nescio qua solertia eluserunt circumstantium manus. Ego vero cum Anemone, & servulis, & omni symphonia captus, non incidisse in manus civium, sed tantum prædones mutavisse putabam, nihil enim mollius sæviebant. Quippe nos planos esse & intentos in rapinam arbitrabantur. Dubitavit Anemon, an dignitatem nominis furenti opponeret turbæ; sed veritus ludibrium inter æquales suos, si divulgaretur facinus, tamdiu inter verbera duravit, quamdiu credidit contentos castigatione vigiles tandem dimissuros esse. Sed ut custodiam in crastinum durari audivit, & nos tribunali servandos, non amplius cunctatus, quis esset, & quomodo in latrones, incidisset, non satis credentibus exponit. Quippe Anemo-

nis.

284 EUPHORM. SATYRICI
nis nomen non mediocre erat in illa civi-
tatis regione, (nam in eadem habitabat).
& in illa cohorte duo mercenarii erant,
qui diurnis stipendiis ipsi domum ædifi-
cabant. Igitur tam avide in Anemonem
vultus obvertunt, ut proh nefas ! dum in-
cautis manibus admovent faces , delicata
barbula , & cum ea tot unguentorum &
pectinum labor arserit. Exclamavit Ane-
mon, desperatione plenus , & nisi me fe-
fellit rabies oculorum, dubitavit, an tanti
dedecoris risum subita evaderet ! morte.
nec minus attoniti satellites contumeliam
& verbera tam rustice excusant, ut jam
vapulare malit Anemon, quam se verbe-
raturum tam publicis vocibus audire.

Ac ut primum interquievit tumultuan-
tium clamor , ipse ad mortis tristitiam
mæstus proripuit semet è turba , meque
sedulo servante vestigia , ad domesticas
fores pervenit. Dimiserat symphonicos
omnes , & importunius vexabat pulsibus
limen suum, ut jam ego pene furenti nec
audirem blanditias adhibere. nec intro-
missus quidem, pacatius in familiam egit ;
trucique imperio, nescio quid, de servitio
questus, duos ex illis contumelia verborum,
ruptoque capillamento objurgavit. In me
deinde ficta serenitate intuens , procurare
in crastinum corpus iussit, tum mihi lectu-
lum

lum sterni, nec ullam hospitii benignitatem denegari. Ipse in cubiculum ad uxorem secessit, ut opinor, tragicæ noctis furias mutaturus in socium.

Ego vero expectatione voluptatis fraudatus, cū tristissimum casum securo prosequeretur risu, in altissimum soporem delabor. Prima deinde luce discursantis familiæ ministerio excitatus, non omisi pertinaciam consilii mei, sed omnino ad Doromifum constitui ire, suæque misericordiæ commendare eruditionem meam. Igitur ubi cultum meum diligentius polivi, rogavi, num Anemoni vacaret, discedentem hospitem videre. Ille ad se in cubiculum venire jubet; nec contentus tot officiis, ad uxoris conclave benigna manu ducit: fortasse ut ostenderet felicitam suam, & quam egregia forma beatus frueretur. Stabat ad speculum uxor, vexatamque ferro comam ancillarum ministerio torquebat. ac tum iussa hospitem salutare, intermisit paululum cultus, vultusque humanitate plenissimos in me convertit. O Deorum ludibrium! erat eadem mulier, quæ mihi pridie in Fortunæ templo confuderat mentem, ac deinde in Olympionis nuptiis, nescio quam auram felicitatis liberali fronte spiraverat.

Quis animum meum pingeret, qualis in Anemonis cubiculo fuit? hærebat ambigua lætitia suspensus, & turbatas in expectato negotio vires non satis fortiter revocabat. Illud tamen præcipue timebam, ne quod argumentum amoris convinceret frontem. Cæterum pridianæ noctis molestiis hoc spectaculum jam bene emisse, jam in felicitatis portum per turbulentæ noctis tempestatem venisse credebam, jam agebam gratias libidini meæ, quæ, in illam mulierem, veluti consilio, inclinarat. Sed & mulier, veluti quodam monstro confusa, nihil nisi me intuebatur. Ego more gentis usus sum; & humilem vultum ab osculo pallæ ad matronam sustuli, & titubantibus verbis, communem quidem humanitatem explicui; cæterum omni nutu; & furtiva oculorum molliæ meus amor satis intelligenti loquebatur. Iam ego Anemonem diligentius ambire, jam æquissime superbiam ferre, etiam quærere cæperam moras, & in eo voto defigi, ut me illo die invitaret ad cænam. Sed jam satis indulserant fata, & oportet spes amantium longius trahi. Itaque consumptis omnibus moris, excedo è cubiculo mæstus, & tantum in spem redeundi vivens.

Neque multum moratus hesterni itineris

neris vestigia relegi; & in exteriori Doromisi atrio cēpi cum cæteris expectare, dum ille ad Protagonem exiret. Et cum aliquandiu vagus, modo de Doromisi potentia, modo de Anemonis uxore cogitasset, forte incidi in illum, qui pridie me ad nuptiarum deduxerat pompam. Ac ut me ille agnovit, tandem oportune advenisse, lætissima fronte, prædixit; subsisterem tantum in atrio, donec ad Doromisum laxata negotia promitterent viam.

Plurimi mecum in atrio erant, & Doromisum cum libellulis expectabant. Præcipue juvenis quidam impiger, si quid conjicere poteram ex vibrantia oculorum, cæterum artificiosis cincinnis pene ad muliebram mollitiem excultus, se applicaverat homini, optimi vultus, &, ut arbitror, melioris ætatis, quam præmatura canities simulabat.

Cæterum exaudiri eorum sermo vix poterat: sed vehementia vultus acerrime loquebantur, dexterarumque argutis motibus, & sine arte excitatam sequentibus mentem. Vicini mihi erant, ut, sine suspitione, hærerem ambulantium tergis. Captaturus itaque sermonem utriusque, si quid forte è re mea audirem, in illorum vestigiis eram, cum ex illo sene
au-

audio antiqui poëtæ versum, qui olim diversa fatorum dona æstimans, nō omnes posse omnia admonuit. Quid tu, inquit, mœstuses, adolescens, quem pulcherri-
ma dote dii auxerunt, id est, insigni pa-
trimonio, & quod isti eruditi vellēt omni
doctrina emere? quid doles tibi ingenium
ad disciplinas tardum esse? num ideo
minus fasces submittentur tibi, & litigan-
tium turbæ? erras, mihi crede, si quid pu-
tas ingeniosius esse auro, aut sapientiam
non venalem, quæ sæpe mulierculis in pa-
trimonii partem datur. Tu modo, cum
Doromisus se in conspectum dabit, aude
accedere ad genua, & aliquod sacerdo-
tium petere, quo Fortunæ & Protagoni
deservias. Iam enim illi Sacerdotes jura
populo dividunt; & tu facile in id colle-
gium venies. Habes enim symbolum te-
cum cui veluti machinæ nullas secreta ad-
itum negant.

Tum ego diligentius cogitare mecum
cœpi quod esset eiusmodi symbolum cui
veluti fulmini omnia paterent, cum pro-
gressus ex limine servus, idem cui paulo
ante commendaveram artes meas, me,
cum juvene illo, in interiora ædium ad
Doromisum manu duxit. Pauci seque-
bantur à tergo, quos Atriēs illustrior gra-
tia commendabat. Ego vero nihil me-
dio-

diocre expectabam, tanta benignitate admissus, & jã spes improba concipiebat dignitates, quarum gratia in Anemonis domo tentarem conjugis fidem.

Vt vero sum in interiora perductus, omnia auro argentoq; vibrantia insolitam aciem fefellere; majestas deinde locorum, & animus spe metuque perturbatus, quicquid prudentiæ conceperam, & verba quibus ad Doromifum destinaveram uti, pene submovit. Ille in communi veste erat, & per triclinii spatia satis truci majestate ferebatur. Ego in genua decidi supplex, & nisi quod precantis humilitas in contemptum transit, etiam vestigia ambulantis aut vultu aut pallio verrissem. At juvenis, cuius ego sermonem paulo ante captaveram, audacius ad Doromifum venit, osculatusque dextram tam felicem lepidissimis verbis in hunc modum peroravit. Et cœlestibus diis, & nostris destinatis religionibus parendum est, felix quem servitus Deorum in veram libertatem asseruit. Ego Fortunæ Numen & potentia Protagonis, teque dispensatorem utriusque, semper veris honoribus colui, semper in familiam vestram venire adnexus sum; certe non invita Fortuna, quæ mihi hoc symbolû ad te dedit, ut me in domum suam, & Protagonis clien-

290 EUPHORM. SATYRICI
clientelam adscriberes; & ne gravis in
tantam ascenderim sortem, utrique mille
pondo optimi thuris annua devotione
promitto.

Hæceffatus, oclusos diripuit sinus,
extraxitque mirantibus nobis deæ Fortu-
næ signum. Erat imago Protagonis, ex
aurea planicie exurgens, in cuius dextera
parte scriptum erat, *Decies*, in sinistra ve-
ro, *mille*. Nunquam humanior Doro-
misus, ut postea intelleximus, fuit. certe
porrexit juveni manum, & gratulatus est
de indole, & ingenio, deque cæteris vir-
tutibus, quas omnes in hoc legerat auro,
advocatoque scribe, publicis instru-
mentis sacerdotium cum tribunali dari
iussit.

Post hæc ego lentis passibus ad Doro-
misi latius veni, & , composito vultu, ne
ipsum non timere viderer: ego, inquam,
minus explicabo meas dotes, quoniam
vobis diis omnia patent. cæterum indu-
stria mea perfeci, ne quis esset, cui Musæ
profusius de artificiis suis dispēlarēt. Que-
res, si me Protagoni, tuis auspiciis, com-
mendabit, & per hunc me Dea Fortuna
respiciet, nihil majus mihi imputaverit
Apollo, quam quod ipsi tam preciosæ
servitutis gratiam debeo. Audito ille ar-
tificii nomine, diutius hæsit, & quam ar-
tem

tem profiterer, diligenti attentione quæ-
sivit. ego iterum Musarum disciplinam
me afferre significavi. Cum ne tum qui-
dem meam mentem percepisset ; me in
interiorem porticum vocat , ubi depicta
humilium artium instrumenta toto pa-
rietum contextu explicabantur ; mallei
incudesque, & spirantes fornacibus ignes,
alterius parietis exordium vivis coloribus
impleverant ; in altero vero marmorum
species erant , & rudium lapidum poli-
tissimæ formæ: mallei deinde, & radii
latiores; plumbum quoque , quod tenui
filo propensum de ædificii rectitudine sua
inclinatione judicat. Post hanc Lato-
morum scenam erant fictilium statuarum
descriptæ rationes. Nec longe pictor ipse
suum artificium exprefferat penicilli fi-
gura, & ostrearum conchis , quas veluti
dilutis coloribus inundabat. cithara dein-
de, atque lyra , & laboriosæ testudinis fi-
des, velut in honorem saltatorix artis, ex
aurea tabula spectabantur. Supremus hor-
torum cultus erat, & deducti industria
fontis.

Hæc me omnia intueri Doromifus ju-
bet, si forte invenirem illam artem, quam
ego Musarum disciplinam appellave-
ram. Tum ego, intellecto nominis er-
rore, me modeste artificem esse negavi ;

N

ali-

aliquid nobilius parentum Fortunam aperuisse mihi, & ingenium à vulgi sordibus secretum. Me literis esse excultum, me naturæ humanitatem mitium studiorum disciplina expolivisse. Audito ille scholastici nomine fastidioso, primū nutu averſatus eſt perorantem; ac modico deinde riſu jam trepidum, jam pavitantem perſtrinxit, & cum à ſeculi induſtria alienum appellaviſſet: Exiſtimaveras forte, inquit, ad ludimagiſtrum adveniſſe, qui tuis ſcientiis inter famem & argutias uteretur. Neque longius moratus, me, veluti atroci fulmine damnatum, & ex animi ſopore marcentem, inter muſſantem familiam, meæque temeritatis accuſatores reliquit.

Egens ego conſilii, cum tenacem meæ fortis malignitatem devoverem, quæ omnes meos conatus fruſtrabatur, ad inhumanum limen revoco gradum. Ac, ut primum ad exteriores fores extuli pedem conſpicatus in vicinia locum, qui commoditatem ſecreti monſtrabat, eo me ad lugubre ſolacium contuli, ibi omnem miſeri vultus conſtantiam omiſi, indulſique profuſius gemitibus, & ad ſatietatem me lachrymis explevi,

Proclamabam in illa ſolitudine, Fortunatos artiſices eſſe, & ubique Polycle-
tum

tum aut Myronem pro Apolline invocandum ; interdum irascebar amicis , quorum alii feliciter scelesti esse non poterant , aliis reverentia virtutis obstabat. Redii demum ad consuetudinem meam , & ipsi regioni iratus , indignantem furorem his lævissimis versibus expressi.

*Infanda tellus , quaque vix peior Stygem
Vehit profundis apta supplicii humus ;
Quousque savos , misera , lassabis deos.
Experta fulmen ? tene non fregit satis
Nuper per omne d.ra supplicium lues ?
Virtute pulsa cessit mestus dies.
Et omne tuta nocte regnabat nefas,
Tunc atra Erinnyes squalidum movit caput ,
Caput Cerastras movit , & facem manus
Linguaque (& illam sibilo auxerunt coma)
Livente dixit ; Ite gentes perfide ,
Ite , ite in arma , queque patraastis diu
Hac vindicate scelera . Non omnis sat est ,
Ni sponte fusus gentis in pœnam cruor .*

*Sic illa duxit , postque neglectos deos
Huic parvultis . Tunc quoque & mortes
novas*

*Didicere fata . Perdidit natum pater ,
Abiit cruenta fratris in jugulum manus
Civisque quernis frondibus merces fuit ;
Sed interempti . Quantus ab priscum datus*

*Populatus alto vertice infandam diem
 Porrexit ignis? Iacuit infelix honos,
 Et mortuorum. Turpis in manes furor
 Urnas parentum sparsit, & quondam leve
 Tumuli cadentis mole depressit solum.
 Sic quasistis nempe depulso die
 Reges, deosque post noctis malum
 Iubar veluxit. Pervicax gentis furor
 Quid peius in tormenta sollicitas deos?
 Severiores forte non pœnas habent;
 Habent easdem. Rursus increvit nefas,
 Dolus, libido. Rediit infandum scelus
 Et nuda virtus sordido jacens situ
 Discit superbos divitum fastus pati.
 Iamiam recedo. Præveni ultores Deos,
 Quisquis times perire. Non stabit diu
 Ductore caco, turba quam Flutus regit.*

Cum effudissem hæc in Eleutheriam
 probra, tumentemque animum subleva-
 sem, cœpi à me repetere rationem tanti
 doloris: & velle callidis argumentis falle-
 re consciam mentem. Quod enim? quod
 delicatulum recocta purpura non invol-
 uit; quod tunicam vermes Assyrii non
 infestant: quod non frequens servitium
 ad nutantis imperia pendet, ideo culpæ
 fata sustinēs, & veluti cum diis disputa-
 re? quasi magna sint æstimanda, quæ
 Fortuna ignavis dare solet, vel facinorosis
 cri-

crimen. Non vides æterna consualia esse, & ad turpissima animalia immerentes coronas deferri? Ex ipsis illis quos miraris, quisque per virtutem promotus est.

Sies magno animo, honores infra te judicabis, qui te tam pertinaciter refugiunt, & Fortuna etiam infesta tibi favet. Confer te in solitudinem aliquam; subduc hodiernæ ambitioni vitam. habebis consortium Musarum, & virginibus commodius frueris in secreto.

Eludant ignavissimi homines ut vellent gloriam literarum: illi & suis voluptatibus sopiti, neque jam integri vivunt, & cum eos interitus occupat, etiam nomen & fama moriuntur, & totos tumulus accipit. Alumni literarum nesciunt factorum legem, & tum maxime vigent, cum extinctorum desiderium perennis memoria illustrat.

At enim in Lusinia ex primis gentibus venis; & Themistius apud suos eadem dignitate florebat. Claram stirpem tenebris premi grave est, & abire à parentum luce. Succedunt avis meis servulorum stirpes, & me parem erubescunt quibus imperare maiores dedignarentur. O hominis curæ indigno dolore obstrepentes! quasi aliqua bona perpetua sint. Nul-

296 EUPHORM. SATYRICI
la putris in sylvis arbor aliquando non
vigit, & quæ jam proceræ sunt initio
laboraverunt terram frangere, & debili
fastigio emicare. Pastoritia Lavinii co-
hors plures humano generi duces dedit,
quam olim greges paverat. Et miseri
Scytharum exsules (quis crederet?) tan-
dem Arfacidarum famam sparserunt, pe-
ne mundum cum Romanis partiti. Qui
hodie florent, in autumno suo decident,
etiam fortasse calcabuntur. Maiores tui
initium sui splendoris habuerunt; & nihil
æternum mortalitati indulgetur. Quid
doles, si finito magistratu Fortuna orna-
menta repetit: nec quidem ab omni gen-
te, sed ab uno Euphormione. Quam diu
cognati florent, & familiæ tuæ misereci
non potes, & lachrymæ, quas in aliam
speciem subornas, plus superbix habent
quàm pietatis.

Quid deniq; tibi adimitur tantis que-
stibus dignum? tene à lilluis exculserunt
ignavia majorum, & res domi arctiores?
Te agnoscere veretur cognatus, ne æra-
rium sentiat familiam esse auctam? Erras
Euphormio, si non putas esse aliquos ca-
lamitosiores. Neq; tu à Principibus quar-
tus es, & tamen aliquid supra Æsulapium
colis.

Non vides ipsos deos curis etiam fati-
gari,

gari, nec te illa Nympha admonet, molestias non hominibus tantum graves, sed & in immortalitatem valere, cuius nomine isti versus circumferuntur?

*O patria, O arces, O dulcia tecta parentum,
Vnde avus, unde pater, tres unde ex ordine fratres
Sceptra tulere mei, mene O agnoscitis arces?
Illa ego sum, cui vos cunabula chara dedistis,
Et patrio ingentem cultu jactastis alumnam,
Stirpe deas, & fronte deas, & sidera vultu
Cum premerem, amborum spes ambiosa pro-*
corum,

*Nunc conjunx vidua, & vani cum nomine regni,
Rupibus è nudis, longique è carcere montis
Excedo. Sed & hic causas infesta dolendi
Disponit fortuna mihi, monstratque colendam
Que mihi successit, quique ab d. corpore nostro
Debuit esse puer. Nec iam contendere promptum.
Damnavit dudum miseram, fecitque nocentem.
Cum tali certasse viro. Iam cedere divis
Felixque sequi iuvat, & subscribere fato.
O dolor! an potui victos inflectere vultus
Despectosque orasse viros? Ne credite vivam,
Iam dudum perii, iam dudum extincta super-*
sum

*Et vivo & morior toties. Me funere longo
Nempe mori decuit, qua tot per secula clarum
Induco tumulis suprema Valesia nomen.*

Cum servires, Euphormio, summa votorum erat, aut catastam aut carceres vitare, nunc fastidis adoptivi patris opes; & si Fortuna ad arbitrium tuum fa veat, illam licentia ambitionis, & desideriorum immodestia fatigabis.

Persuadebam animo male credenti, vera esse quæ loquebar; & prope impe-traveram pacem, cum ecce consumpta lachrymarum nube, veluti mihi Solem fortuna reduxit. Cum enim ad Theophrastum irem, mutuis questibus cum eo Fortunæ contumaciam vexaturus, intellexi eum quidem domi non esse, cæterum anum quandam minime in illis locis usitatam; bis me jam in illis ædibus quæsiisse. Adhuc illi loquebantur, cum ecce mulier in limine erat, prolataeque de sinu tabulas tradens, è re mea fore dixit, si quæ in eacera mandabantur, curavissem. Erant autem tabulæ ad exactam opulentia luxuriam consignatæ. Involuebatur tenui serico cedrus, & eadem gemma sex locis fidem literarum una imagine sanxerat, ab utroque latere ceræ pendabant uniones, & ipsi molli serico ad cælaturam pertinentes; ut jam mihi cortex non quotidiani saporis suavissimam medullam polliceretur.

Gaudio itaque tumuluque plenus,
fran-

frango vinculorum moram, apertasque literas in hæc verba conscripta lego. Quæ si neque intelliges ex nomine meo, neque ex ea quam huic secreto delegi. Si dignus es quem amem, jam in oculis meis incendium vidisti, & misertus es; non est ea vultus mei dūritia, quam non penetret ignis latens. non possum erudita nisi doctis complexibus delectari, & potentias plurimam amo. Si cras descendis ad Fortunæ fanum, ibi te forte amicum numen inveniet. Vale. Perplexus significatione tam confusi amoris, levocavi ancillam, jussique si ad matronam rediret, omnia quidem quæ in potestate essent polliceretur; sed si aliquid forte peccare, certe non irasceretur mihi, sed ignosceret potius epistolæ, quæ nihil me aliud docebat, quam dubitare.

Dimissa muliere, cum jam spe castitatis pacatius Doromisi sævitiam ferrem, quærere cœpi, num Theophrastus foris promississet ad cœnam; & dulciori tristitia etiam solitudinem in solatium petebam, cum se mihi Iulianus dulcissimo amplexu confudit, qui in Theophrasti familia princeps, arbiterque secretorum, me ad Doromisum non ignoraverat ire. Et, ô te, inquit felicem si Doromisus spes ingentes præcidit, & vanitatem tuam sal-

300 EUPHORM. SATYRICI
tem subito foras exclusit. Sciscitabar ego
fastidii causam, & cur humanarum re-
rum culmina tanta contumacia damna-
ret; quia, inquit, & ipse Theophrastus,
antequam Poimenarchus evaderet, nunc
magnatibus charus, nunc ipsa gratia pe-
riculis oblatus, documentum mihi fuit,
quam sit difficile, tam levigatum iter sine
casu terere. Et ipse olim fortunę ludo ver-
satus, jam contemptu vindicat miseriam
suam, & aliis de littore saxum ostendit.
Sed maxime quidem Leucomus tibi in
Delphio vetusta amicitia conjunctus, o-
ptimum familiaritate pene periit, qui
contempto littore aliquantulum in altum
evehctus est; sed & naufragio proximus
fuit & tabulam sui voti iudicem diis æ-
quoris persoluit. Tunc & ego non me-
diocri risu amicitiam nostram laudavi,
quod inter eos coivisset, quibus Fortuna
eiusdem studii amorem faciebat: rogavi-
que ut fusius exponeret, quomodo ma-
gnatum favore Leucomus pene in rui-
nam incidisset. Et ille: scis, inquit, quis
fuerit Geragathus? integerrimę famę e-
rat, & in eo Fortunam invenerat virtus.
Huius filius Leucomus olim familiariter
usus est, & quis non sperasset hanc illi
amicitiam causam omnium bonorum
fore? quę etiam eius salutem e-
ver-

vertebat , nisi obstitisset minimus fratrum solus omnium dignus fastigio suæ domus,

Admiratus ego tantum nefas , cuius id piaculum fuisset , interrogavi. Maior , inquit , illius familiæ Iovis sacerdotio præfectus fuit , iis conditionibus , ut de regionis more libationes ab aris in paternam descenderent domum. Sed cum ille mentem in Græciam misisset , ipse tam misere aberravit , ut nec in regionem perveniret , in quam proficiscebatur , neq; viâ reditus in corporis domiciliū teneret.

Igitur ad aram frater vocatus , illo utique junior qui mentem querebat , in insulam , & quod antiqui sacerdotes faciebant , etiam in vaticinium succedit. Etenim statim affari cœpit syderum orbes , nec tam in oracula erudito hiantis soli spiraculo , quam numinum præsentia uti. Neque diu mortalitas hunc favorem cœli incolumis tulit , & jam animi valetudo tantis Deorum muneribus fatigata parum supra fratrem erat , cum mater tot filiorum vivis funeribus pene ad mortis tristitiam compulsâ , se in collum Geragathi conjecit , & manantibus lachrymis utramque faciem rigans , quamdiu , inquit , te privatum conjugem habui , genui tibi liberos capaces fortunę nostrę , & quos agnoscere

302 EUPHORM. SATYRICI
maiores nostri possent. Sed posteaquam
senectutistua otium importuna dignitas
fefellit, visa est felicitas dedignari stirpem
tuam, quæ non erat inter fasces concepta;
& exemplo Medæ exhaustire Æsonis
veterem sanguinem, ut sanctiori succo
venas tuas & domum repleret.

Nisi quid in te est, etiam superstitēs
excindimur, & cum Æmilio inter duo
filiorum funera triumphamus. Non ve-
teris ludi memor, vel intempestiva libi-
dine accensa, quo die in hoc tribunali col-
locatus es, petii ut liceret antiquarum no-
tium consuetudinem inire; nec jam ali-
quid rogo, nisi hunc laborem à te fami-
lia labens imploret. Si frustra conatus
eris, at majore solatio moriemur, non
ignavia nostra, sed fatorum crudelitate
orbi.

Hic Geragathus mœrore impeditus,
postquam diu suspiravit, quod ad ea, quæ
uxor rogavisset, mature deliberaturum
refert. Consilio quam strenuitate omnia
salubrius geri. Cæterum de liberis dolo-
rem tantum esse, quantum hæc vita &
fessa laboribus senectus ægre ferrent.
Mox ingerere probra cepit, & Leuco-
num omni verborum contumelia lacera-
re; illum esse, qui inconsultis studiis di-
straheret imprudentiam adolescentum,
& ina-

& inanibus superstitionibus juventutis impetum consumeret; toties cælum & numina inclamando effecisse, ut nec filius cælum teneret, & amitteret terram. Adeo sanctorum hominum conditionem infamia inundavit, & paucorum vitium liberali adolescentem ingenio abeuntium, etiam innocentem modestiam proscripsit.

Supervenit interim declamanti patri filius, ille scilicet, cuius mentem ita dii ornaverunt, ut suum in fratres peccatum excusent, obortisque pene lachrymis cæpit amoliri à Leucomo tam inepti facinoris invidiam; illum ab iis moribus abhorreere, nec fucatæ aut crudelis pietatis juvenibus esse authorem.

Hæc ipse juvenis ad Leucomum incorrupta fide cum detulisset, adjecit, non mitigatum modo senem fuisse, sed vincente iracundiam fide, si quid in eo esset, prolixè pollicitum, se reconciliationem beneficio firmaturum. Ille vero incertis magnatum amoribus fatigatus, velut instabili æstuantis maris motu, atrocissime damnavit studium suum, qui & ambitiosis mala sciret, & tamen nonnunquam amicorum precibus exiret ab otii umbra.

Tu quoque si tibi victurus es, Euphormio

304 EUPHORM. SATYRICI
mio, cedo dexteram in sapientiæ pignus.
Si te illi beati temnent, certe illorum
stoliditatem eodem munere,prosequeris:
Contemptus, ludibria, joci, tela sunt o-
mnibus data: & securius è latebris emit-
tuntur.

Inter hos sermones advenerat Theo-
phrastus, & cum pauca in Iuliani senten-
tiam dixisset, ad illum præparata intravi-
mus cœna. Ibi pretiosa fercula argen-
to ad mensam ferebantur,cæteræque de-
licia erant, quas optima mater illius fa-
miliæ ingerebat. Exactæ ad valetudinem
dapes nisi ad satietatem invitassent, tricli-
nium tam castigatis fenestrarum ac pa-
rietum commissuris,ut rimosior esset uter
in quo Æolus ventos Vlyssi credidit, &
ut aer frigore inhorruerat, duo famuli ad
largissimum ignem subinde cumulata li-
gna prodigebant.

Itaque ad tam elegantis triclinii cultum
& oculos & mentem advertens, prode-
bam suspiriis animum meum tam quietæ
felicitatis admiratione suspensum.

Nec tenui lachrymas, alienis com-
modis admonitus calamitatis meæ, &
certe, inquam, Theophraste, facile est in
eiusmodi vita negligere magnatum o-
pes, & non quærere aquam posito in
ingentibus undis. Ego vero non aliter

ex-

explebo animo dolorem, exprobrantis sibi fatorum odium, quam si mihi quæ in cæteros optimates argumenta, velut arma, divisisti, in tuam quoque fortunam convertero.

Ad hæc verba ille modestissime subrit; & ne me longior invidia perturbaret, scis, inquit, tantum vitio nostro voluptates degenerare à pulcherrimo fine; Deum munera esse, si adhibes modum, quem plerumque intempestivæ libidines corrumpunt, neque aliquid est tam molle, quo severi homines sancte uti non possint. Iam vero quantum sit corporis commercium cum animo, morborum fastidia monstrant & dolores, qui in perpetuâ sui contemplationem animum tenent. Itaque demulcendus est tam familiaris mentis comes, corpus hoc inquam, ut eâ nobis ad studiorû sublimitatē permittat, nec occupet importuno sodalitii jure. Mihi crede, vix in angustiis aut curarû ægitudine est litteris locus; & sapienter maiores nostri Solé omnis lætitiæ datorem Musis præposuerunt. Nam ut animû nimio luxu solum nervi ad sapientiæ investigationē destituunt; ita nisi impetraveris veniâ à corpore honesto veluti ludo, frustra tentabis conciliare animum literis propiore sollicitudine intentum. Nullo æstu Apollinis cale-

306 EUPHORM. SATYRICI
calefcet injuriis hyemis apertus; & ipfe
Homerus nunquam fecurius deos vulne-
rabat, aut pugnantem Achillem feque-
batur, quàm cum promiferat ad coenam.
Ideo homines ftultiffimos puto, qui velu-
ti pugnarent cum natura, affiduis dolori-
bus fuorum corporum patientiam fati-
gant, & interim animum nolunt miferiis
ingemere, fed eruditioni locum in men-
tibus quærunt, quæ tot malis plenæ vix
ipfam ægritudinem capere poffunt.

Itaque ne fastidiosis ftudiis provocem
ad naufeam literarum timidum laboribus
corpus, ipfi quoque fuum ludum huma-
niter concedo, ita liberaliter excultum,
vices quoque animo rependet, eruditio-
nem cum illo impetu veltiganti, fine quo
nihil addifces ingeniofum, aut victurum
confcibes.

Præterea cum reverentia fit alumna di-
vitiarum, & egeftas contemptione dam-
netur, nobis Poimenarchis fpectabilis
cultus datur, ne populus inajeftatem pie-
tatis in miniftrorum fordibus contemnat.
Hinc Antiftitum opulentia, hinc colle-
giorum opes ad cantus & ceremonias fa-
crorum, & ipfius antiquitatis pene prodi-
galitas in numen, quæ omnia, proh ne-
fas! feculi licentia corrupta in invidiam
plebis & bonorum odium cedunt. Vtri-
nam

nam tam modeste peccassemus, ut culpa se domi continuisset aut negari crimina possent. Sed ne me dissimulando peccata approbasse existimes, si ordinem nostrum veluti humanum consideras corpus, videbis in radicibus corruptos nervos esse, & inutile membrorum robur inde fluxisse. Dehinc pervicaci morbo correpta omnia, & singulos aliquid adjecisse publico malo. Ambitus magnas mentes occupavit, plurimas libido, otium denique & ignavia pene omnia collegia pertentavit; in quibus inertes fuci languidis voluptatibus desident, cantibusque præcipitata arrosis lingua infame otium emunt. Nulla literarum studia, nulla cura pietatis. Vbi noctem vel crapula graves, vel domestica libidine fatigati consumpserunt, ad fana, atque aras, veluti in officinam vocantur. Nec imponere cœlitibus curant: palam negligentia vocis queruntur de maioribus, quod tanti divitias vendant.

Inde digressi in domos (pudet fateri) plurimum inter scorta fœnus numerant, aut intempestivis conviviis adhibiti inter populares regnant, & profectam cæterorum licentiam infami certamine præcedunt.

Sed nec superbis excusationibus carent,

308 EUPHORM. SATYRICI
rent, aut sine argumento in nos fœdissi-
mum crimen. Nam ut ex radicibus vim
suam folia & caule temperant, & rami
animantur ingenio suæ stirpis, sic isti ex
Poimenarchorum vita discunt, quantum
vitiis permittant. Horreo eloqui; sed An-
tistitum dignitas, jam velut ad quæstum
prostituta est, & sæpissime criminum
merces. Quis ex potentioribus liberorum
cunas non infulis premit: aut quis liberius
præconi hæreditatem sub hasta, quam sa-
cerdotium commendat? Iam urbes ob-
sidione maceratae, vel ultro proditæ Prin-
cipibus arces, illud præmium inhiant; &
potenia inter scientias numeratur.

Nec sanctius dignitatibus fruuntur, quã
illas quæsierunt. Nullis delicatior Ve-
nus, aut magis ad scrupulum examinata
libido. Fastidiosa autem superbia & in-
anium cupiditatis rerum; jam pridem ex
regiis ad has imagines pietas excessit.
Quid aliud quam disponimus opes, & a-
varis cogitationibus ad spem prodigendi
servamus? Quis sacrorum in agris jacen-
tium amor? Quem ovilium tutela fatigat?
Quid illi qui pro feris terrentibus caulas,
timiditatem damarum indigissima volu-
ptate fatigant? Quid aleæ Venerisque pa-
troni? aut quid ille qui ne unica cruce di-
gnus videretur trifurcifer evasit? Neque
me

me ad hæc insignia impium putes, sed illa credo in supplicii notam facinorosis dari. Mihi crede, post huius ætatis scenam hoc pluribus infula erit, quod Mithridaticæ uxori diadema quod cervicibus infelicem nodum aptavit.

Ego sermonibus Theophrasti mirifice delectabar. Nam & syncero animo veniebant, & effluentibus lachrymis comprobabantur. Itaque in eandem pietatem excitatus sum, & olim conceptam de Poimenarcharum moribus iram liberrima oratione effudi. Cumque multa in eam sententiam vehementissime dixissem, cæterum inquam, & hoc maximopere demiror, quomodo magistratus potentiam Poimenarchorum securis oculis videant. Iam divulsa respublica, non in turbas factionum, sed in diversissima corpora miserabili fato discessit. Hinc religionibus sacri, illinc obnoxii legibus, veluti census distinctarum gentium numerantur. Et pro dolor! in Academiis non de siderum luce decertant, & felicitatem in equuleum migrantem & naturæ exordia, nubiumque semitas relinquunt, jejunique ac delirantes Philosophi inquirunt, *liceatne ministro sacrorum se magistratibus submissum profiteri.*

Iam

Iam impune Scholaſtici velut radio
 limitem designant, & principibus fines
 ſuos ſuperbiſſima temeritate deſcribunt.
 Ipſi pueri inter Acignianos enutriti de
 Principibus audaciſſime loquuntur, & di-
 vinam Sacerdotum majeſtatem adorant.
 Scepra ſubtilibus jocis violare non eſt
 nefas; ſi quid in Gephyrium loquuntur,
 puerili ſupplicio & ſuperum minis velut
 ad inexpliabile facinus docentur horrere.
 Ita imbuuntur juvenum mentes, & tenax
 diſciplinæ animus; poſteaquam ex
 umbraculis exceſſit, in illis ſententiis cum
 pertinacia durat, deinde tot patreſfami-
 lias ſub illis præceptis vivunt, quot olim
 pueri nugabantur in ſcholis. Ita reſpubli-
 ca ſacrorum hominum floreſcit, & per
 populos diſſipata pene omnium Princi-
 pum vires exæquat. Ac illi quoniam ſub
 foliorum ictu poſiti, deinde regum bene-
 ficio æquales, paulatim ad imperium pro-
 perant & omnem purpuram inevitabili
 fato convolvunt. Quid iniquius, quam
 illos & quid poſſint iudices eſſe, & de re-
 gum ſaſtigio pro imperio diſceptare? Si
 quis interim de illis inquit, opponunt
 numinum furorem, & velut temerari
 cœli ultricia tela promittunt. Neque
 me ut ſacrorum hoſtem elimines. Cultū
 & magnificentiam veſtro ordini, Theo-
 phra-

phraſte, concedo, dum ſe beneficia accipere fateatur, & indulgentiam Regum adoret. Nunc ſuæ felicitatis dedignatus authores, & cum illis ſuam ſuperbiam ingratiffima lite committit. Certe leges audio eſſe, quæ vos implicari vetent profanarum rerum nugis; ne animos, quos vacare numinibus oportet, indignæ ſolicitudines deducant in terram. Sed Bizantios tonſores, ſi domi novaculam haberent, lex publica volebat mulctari, & Rhodi luxuries tondentium caput magiſtratum meruerat minas. Nulli tamen tonſores caſtigabat impune pro foribus novaculam habentes; & Rhodii inveniſtum putabant qui non commiſerat in legem.

Cum hæc dicerem, animadverti me egrius à Theophraſto audiri. Quippe quantum ſibi de vitiis permiſerat loqui, tantum pro ſociorum auctoritate pugnavit. Et fortasſe meam ſententiam ſoliditate argumentorum frangebat, & eiufmodi præcepta ex ſapientiæ fonte effuſa mihi altius inſediſſent, niſi uxor Anemonis aſtitiffet animo meo, & epiſtola tam precioſo amoris pignore cælata novis ludibriis occupaffet vacuam mentem. Itaque poſteaquam de cœna diſceſſimus, ego cum vigilia curarum provocato ſopore

312 EUPHORM. SATYRICI
pore certavi: cæterum tota nocte inquietatus, ut primum sol diem reddidit ad Fortunæ templum ascendi, ibique cœpi expectare codicillorum fidem, qui me illic evocabant.

Igitur perambulabam fanum, & nunc primis porticibus vagus, nunc in ipsa testudine religiosis passibus gravis, ubique me venalem circumducebam, cum mulierem video, quæ pridie codicillos attulerat, in ea templi parte, in qua minor frequentia erat, omni gestu deos deasque venerari. Ego veluti temere accedo, positoque pariter genu, usque ne valuisset, modestissimo murmure interrogavi. Illa quoque mihi salutationem insufurrat, & in hoc colloquii furto rē totam in compendium deducit. Matrōna, inquit, à qua proxima die, hospes, codicillos habuisti, hodie ad publicam scenam aliquot familiaribus promisit. Tu si tanta fortuna dignus es, inter tumultum exultantis frequentiæ, aut cum sub noctem liberrima confusio cuncta miscebit, aggredere expectantem, professusque amorem, verecundissimæ mulieris pudorem demulce. Neque enim illius indoles patitur, ut se prima tam audaci oratione confundat.

Hic ego argumenta quæsi, quibus internoscere Nympham possem. Pallam,
inquit,

inquit, & elatos in tutelam crines flosculis purpurei serici ornavit, præterea in sinistram aurem nigrantinum ardearum pretiosissimum extulit sertum. Sed tu maxime ex forma cognosces; neque enim venustior hodie vivit; tum & theatri nomen rogavi, quo ad spectaculum esset itura, didiciq; Valerianum appellari. Quibus diligenter perceptis, ne intuitu curioſitas in nobis suspensionem inveniret, insalutata muliere de templo discessi. Mox leviter in diversorio reſectus, præcipitavi iter ad scenam, meque viliori turbæ immiscui, quæ ex cavea ignobiliter spectat. Illic enim liberrime oculos circumducebam per clauſtra, quæ certis gradibus circum parietes distincta sunt, & matronis ac magnatibus servabantur. Nondum ibi frequentia convenerat, & quoniam neminem noveram, tanquam in solitudine liberrimis cogitationibus exercebar. Non exciderat menti Anemonis formosissima conjunx, lentoque ac molli, id est, duraturo igne carpebar. Sed hæc rursus novitas ignoti amoris placebat: quia opulentam voluptatem pridianæ epistolæ dives cælatura sponderat.

Dum hæc tacitus agitabam, veluti ventis laceſſentibus mare, ita paulatim

latim populi licentia petulanti murmure increvit. Sensim enim multitudinis capax locus coeunti frequentiae defecerat. Nec multo post matrona cum comitatu mediocri in superiori claustro resedit purpureo serico, ardearumque plumis magnifice exculta, qualem mihi conciliatrix anus descripserat. Ego autem velut multitudinis violentia rejectus in eam partem, latus & cervicem reflecto, illiusque vultum & si quando integumentum poneret) paulo avidius expecto quam Solem in Phœnicia servi, cum regnum perniciosioribus oculis destinabant. Neque diu morata cupiditatem meam, velut impatiens caloris invidum velum rejecit à fronte, & osculum aperuit, quod Iovem in omnia animalia mutaret. Tunc vero omnis constantia attonitum defecit, & succidentibus gaudio membris velut ebriam mentem omnes nervi reliquerunt. Quippe Anemonis uxor erat, quæ jam antea profundissimo vulnere amoris meam mentem percusserat. Igitur ut ad sensum redii, nihil cunctandum arbitrat, me primum de turba explico, conductaque claustri parte unde spectaculum intuebatur, ad ipsius denique latus audacissimus amator accedo. Etenim Anemonis amicitia meam cupiditatem optime

me tegebat, & ego nihil ab ea prius quaesivi, quam ubi conjugem reliquisset. Illa humanitatis plenissimam vocem pene musico concentu resoluit, mihiq; proximam subsellii partem mirifica humanitate concedit. Cæterum tanta majestas erat in fronte, tantus pudor in oculis, ut ipse trementibus verbis interdum dubitarem, de internunciæ fide, & pudore subrustico pene defraudarem pulcherrimam mulierem expectatione sua. Nam timore & verecundia confusus, præterea cum circumstantium aures timerem, propositum meum in Anemonis domum differre cogitabam, quippe illo mulierem sequi amicitia lege jubebar. Tandem fortiori consilio usus sum; & quidem me ad spectaculi jucunditatem avidissime converti: interim velut Tragœdiam laudarem, passim ad aurem mulieri loquebar, & illa averfis ad scenam oculis, quia me non videbat, audacius suam cupiditatem confitebatur. Et quidem tam serio occupatus parum retulissem ex ludis, nisi eadem tragœdia deinde per librarios distributa meam memoriam repetita lectione firmasset.

Illustris propter Poetam scena non evocaverat modò vulgus, sed orchestra vix sufficiebat magnatibus; neque ulla

O

Tra-

Tragoedia magis unquam studia civitatis crexerat. Qui primus ad argumentum processit, novam fabulam pulcherrimo explicuit versu; cuius hæc omnino summa erat. Hippophilum olim Melandriæ regem, sparso per orbem imperio, utriusque terminos Solis, utrumque Oceanum tenuisse; ipsum ad meridiem vixisse, & ne ullus naturæ cardo cessaret, gentes quoque ad Septentrionem horrentes, illi hæreditaria devotione paruisse. Regionem Icoleontem appellari. Sed Albagonis crudelitate offensas, quem illis Hippophilus præfecerat, provocasse ad libertatem pertinacibus armis. Inde omnia cruentis seditionibus impleta, & plus sanguinis profusum, quam tam angustæ provinciæ flumina caperent, interim Hippophilum decessisse; & hoc filiæ suæ bellum pro dote tradidisse. Sed jam deferbuisse partium studia, & tempore mitigatum furorem, veluti exhaustam in mari tempestatem residere. Omnia ad foederis sanctitatem spectare, cuius series hac tragicocomœdia explicaretur.

Cum ille prælocutor discessisset ex scena, statim chartulæ in populum sparsæ omnium nomina vulgaverunt, qui erant in ea fabula prodituri. Erant autem
eius-

eiufmodi. Lysippi umbra, viri egregie literis imbuti, qui superiori anno in Icoleonte decesserat. præterea Hippophili & Albagonis umbra, Ægori quoque manes, cuius olim cervices Albagon præciderat. Et hi quidem ex mortuis prodibant. Illa autem viventium nomina legebantur; Liphippus Hippophili filius Rex Melandriæ; Despotikyrus princeps Liphippi minister & Leucus secretæ pietatis præfectus. Labætrus deinde affinis Liphippi, cum Pedæa uxore. cui pater Icoleontis iura reliquerat. Argyrostratus quoque dux belli, quod in Icoleontidas gerebatur, & Charridotus consiliorum præses. Ex Icoleontidarum parte, Necarius erat exercituum præfectus, & aliquot vultu purpureo ac membris valentibus, qui publici consilii partes agebant. Extremi erant, Tessaranactus Scolimorrhodiæ Rector, & Protagon, qui scenam suo commodo claudebant. Cæterum omnes personati agebant, nec quicquam vidi apertum in Tragicocomædia pacis.

Post hæc spectaculorum exordia, primum agere ceperunt Lysippi manes. Prodigabat ille exanguis pallido studiis vultu albam vestem corpori circumvolvens in

318 EUPHORM. SATYRICI
eum modum, quem antiquis Romanis
asscripserat. Narrabat posteaquam de-
cessit se in suffulta veste ad sydera ela-
tum; ibi nullum ex Melandriis agnovisse
quibus assueverat vivens: exorasse ita-
que coelum, ut cum illis nescio quo de-
scendere liceret. Nunc vero ad lucem
rediisse, ut augeat libellos, quos de civili
regimine præscripsit, institutis Reipubli-
cæ quam aiunt plane novam in Icoleonte
excudi.

Adhuc Lisippus loquebatur, cum ex
latebris aulæi miserrima Albagonis um-
bra processit.

Hispidi crines, veluti metum tormen-
torum horrebant; inculta barbæ canic-
ies, oculique lividi nondum feritatem
viventis amiserant. cæterum apertum
verberibus corpus erat, duoque ad ter-
gum lictores lentissimis flagris impigre
iracundiam explebant. Sed maxime
miratus sum, posteaquam lictores ex per-
sonarum similitudine cognovi. Erant
enim Hippophitus & Ægorus. Ille Ico-
leontem ab Albagone repetabat; alter au-
tem cervices ulciscébatur. Ipse ad aspera
verba ictusque suspiriis respondebat; &
inducias date, inquit, ut amoto supplicii
sensu, apud vos æquitatis arbitros vestræ
justissima veritate perorem. Suspendere
avi-

avidos ictus, & fatigatas dexterās ad severiorem impetum laxaverunt. At ille, tibi, inquit Ægore, primum defensionem meam probabo, cui caput nullo odio ademi, sed ut gladiatores undiquaque in tuo funere certarent, tumultusque æternitate viveret famæ, quem sane tibi ex ruinis patriæ spoliisque vicinorum tristissimo apparatu Fortuna collegit. Quoties Isoleontem tempestas affligit, quoties obsessæ civitates armis & fulminibus merguntur, totasque acies mutuæ clades hauriunt, tuo nomini omnia pereunt, tuæ memoriæ sacrantur. Interim amicos tuos monui, ne cuiquam Melandriorum fiderent, nec vana præceptorum meorum hætenus fides fuit. Et quanquam tua proles mihi non credidit, tamen multi constanter in odio manserunt, quod cruore tuo sanxi. Sed jam hæc prudentia vetustate consenuit. Iam detumescit irarum cauta sævities, & adolescentium volucrum inexperta libertas vix satis vimina declinat, unde ægre parentes viscatis alarum orbibus fugerunt.

Tibi vero, Hippophile, jam alia excusatione placebo. Eventus consiliorum, non fides aut industria me invidiosissima accusatione proscripsit. Nec me solum tam innocentis criminis reum dii esse

320 EUPHORM. SATYRICI
voluerunt : & tu quoque non omnia auspicato es aggressus. Si tuis consiliis Fortuna suffecisset , numquid Eleutheria carastis tuis gravis tam liberum amitteret nomen ? numquid Scolimorrhodiam atrocius quam Oceanum inundasses ? Quæ iniquitas est , nos infelices Fortunæ accusare , cum aut tu similiter in illa , aut hæc in te peccaverit ? Videbam tuum imperium religionibus firmari ; Proximam Eleutheriæ partem eodem jure expectabas , quo Vanarram olim tenes. Et Gephyriorum autoritas ad hæc necessaria erat. Quid peccavi , si in tua Icoleonte adversarios religionum oppressi ? si volui inexorabili severitate deleri ? Certe longius quàm credebam , emanaverat morbus , & dum amputare fibras cogito , malis sortibus radices offendi. Sed ne putes Icoleontem perpetuo divortio recessisse. Nos miseri frequenter divina-
mus. Filius tuus hanc veluti aucupio placabit , & tot senectutis tuæ artes improvida juvenia superabit ; ut scias Fortunam non raro sapientiæ præstare.

Cum Albagon hæc & similia miserbili voce dixisset , instauravere supplicium tortores , flagellisque laceratum ad latebras aulæi reduxerunt. Secutus est concentus musicorum ; minime gratus auribus

bus meis. Fingebantur enim quidam ex Icoleonte piscatores hordeaceo tumidi potu inepta vulgi carmina in Liphippum recitare.

Actus vero qui sequebatur, hæc omnino memorabilia exhibebat. Argyrostratus Labetri præfectus querebatur, sibi tantum pecuniæ quantum Protagoni non esse; se paternam opulentiam in Labetri milites dissipavisse, & spem cum Alexandro servasse. Itaque regem Liphippum ambiebat, ut sibi apud Despotikyrium faveret. Rex Despotikyrium servum supplex rogabat, ut Argyrostratus ex Indiarum vectigali absolveretur. Contra Despotikyrius disputabat, Argyrostratum tantum famæ illo bello quesivisse, quantum non ipsius aut maiorum institores omnibus mercimoniis emissent: Etiam fratrem armorum beneficio sublatum, & opimam hæreditatem ad Argyrostratum cum eo luctu pervenisse. Expectet ille, inquit, donec victoria aut foedere hæc tempestas quieverit, tranquilla Icoleonte, civitas tua, ubi mundi nundinæ agebantur, iterum felici portorio ærarium tuum implebit. Illinc expeditos nummos Argyrostrato numerabis. Nunc quincuncem usuram cum illis mercatoribus accipiet, quos ad egestatem perducis solutione fraudatos.

Nimium est dignitate & opibus florere privatos. vix illud patri tuo tanto Regi constanter contingebat; cui stipem in Melandriorum familiis Acigniani quasi-
verunt.

Quod si itam præcipiti Argyrostrato utimur, ubi sunt artes nostræ, ubi felix tot seculis dolus? Tanta spe impleatur, quantam concipere sine læto horrore nō possit. triumphaturum in oculis patriæ, & felici senectute *Mille annis* imperaturum. Ac ut inescatus præmii gustu, reliquorum teneatur imagine, suam gentem Doriacæ familiæ præponet, quæ illi in patria tam vetusta æmulatione componitur. Ipsum Doriacæ principem gentis aliis deinde promissis oneratum, veluti interveniente versura, placabimus.

Rex Liphippus, siue consilio Despotikyrii, siue imperio contentus, credo, discessit ad templum, cum Indiarum imago, macie & verberibus ad extremum confecta. de crudelitate Melandriorum miserrimis questibus peroravit.

Reges contra dignitatem interfectos; totas gentes in equuleum impositas; ipsa terræ viscera avaris concussa laboribus non sine audientium gemitu lamentabatur. Et, si hæc, inquit, mihi diviti contigerunt, cum eorum crudelitatem pretiosius

tiosissimis pensionibus placarem ; quid exhausta atque inops præter sævissimam mortem expectem ? quæ undique ferro sollicitata, jam vacuo sinu nihil præter antiquæ opulentiae inanem famam conseruo. Ad extremum , paulo post Melandrios aurum , & me vita deficiet. Sic effata , creberrimis concussa suspiriis, squalidam faciem lachrymarum fonte deterfit.

Dum aulæum repeteret , ex alia parte Labetri milites seditiosis vocibus inclamabant, nec Argyrostratum nec Indian esse facturos, ut sine stipendis vexilla servarent. Labetrus antiqui sacerdotii librum capiebat in manus , ac veluti malos genios figurarum religione tentabat. Sed omnes eadem sacra amabant ; neque ullum manus in aëre rotata avertit in fugam. Chorus ex militibus Labetri fuit, suas vires tam in dominum quam in hostes superbissima vanitate jactantibus.

Ex tertio deinde actu hæc maxime annotavi. Despotikyrius, Rex Liphippus, & Leucus secretæ pietatis præfectus , Pædæa quoque cum conjuge Labetro , & Charridorus consiliorum præses, de rebus imperii secretissima consultatione agitabant. Sed nihil jucundius fuit , quam Liphippum audire. Is Leucum interro-

324 EUPHORM. SATYRICI
gavit; possetne propitiis diis fœdera cum
aliorum sacrorum hominibus ferire. Il-
le oculos in manicatam tunicam aliquan-
tulum reflexit, cunctatusque, donec ru-
gas contraxisset in fronte, ita demum
posse respondit, si inopia bellum geri non
sinebat, tantum hæc animo fideliter vota
celaret, nihil se curaturum sacramenta,
quæ illis hominibus præstantur, & com-
modis temporibus sancte ad hostium
perniciem usurum.

Charridotus autem barbam aliquantu-
lum defricuit, & ad Liphippum conver-
sus, nunquam, inquit, Icoleontem tuam
recuperabis, nisi removeris arma. Quid
cunctaris furentes sedare inani pompa
promissorum, veluti flentibus pueris ex-
torquemus silentium, illorum oculis ad
tabulas aut aulæa sublatis? Mihi crede,
tam rigidi in ferrum auro facile vincen-
tur, & si quinque millia talentum, quæ
quotannis inutili prodigis bello, in aureū
mutaveres imbrem, facile æneas turres &
Acris claustra novus Iupiter superabis.
tu modo potentiores factiosorum illo
nimbo obrue; & ipsi tã gratis ictibus ver-
berati, pertinacis populi animos tibi cer-
tissimis cassibus includent. Certe ille Nea-
rius, ille flos ducū, & tã longi animus bel-
li, veluti subducto igne languebit. Marce-
scet

scet martii imperium viri inter feroces superba pace cives, & si quid antiqua autoritas valebit, hanc beneficiis in illū, & occulta suspicionū malignitate corrūpemus. Et ille spoliatus exercitu, nudoq; latere, quod in bellis juvētus magnifica stipabat, malet credo piscatorios fastus pati, quā vel tecum vel cum Labetro urgere, provinciis aliquot præfectus, nisi gloriam contemnit, aut non est magnificum, instar Thessalicæ hastæ vestrum imperiū, quod toties quasavit, gloriosa mutatione firmare. Interim fœderati bona pacis adorabunt, pene seculo ignota; & ad novam quietem sopiti connivebunt. Nam ut calidis vulneribus sensus abest, & nondum peracto per animum dolore recentes calamitates obstupescunt: ita illi furente bellorum impetu non sentiunt, quam sit miserum semper cum armatis vivere; & frigente per otium dolore lentius ad pristina incommoda iracundiam concitabunt. Externi interim reges, quorum opibus nituntur invicti, etiam ad auxilium tardiores hoc sollicita mente revolvent; juventute exhauriri provincias, & ærarium plusquam fugato Metello spoliari. Forsitan post tot imperii damna, fœderatos iterum insperata pace nobiscum coituros. Præterea, qui jam in fasciculum conjurant,

§ 26 E V P H O R M. S A T Y R I C I
domesticis discordiis incensi statim hæc
vincula resolvent, quibus hodie tuas di-
vitiis fatigant. Trade modo intestina ar-
ma, & ab externo hoste vacuos civilibus
discordiis relinque. Quis nescit, tot re-
spublicas fore, quot civitates hodie vi-
gent? Videbis provincias collidi, dum
novo imperio caput quærent: & provin-
ciæ urbium motibus labascent. Majora
inter illos odia, quam nobiscum nascentur,
& dissipatæ provinciarum vires tibi
nudum latus ostendent.

Hæc subtiliter declamante Charridoto,
jam cervicibus Liphippus annuebat, cun-
ctisque acclamantibus in hunc modum,
Senatusconsultum ipse conscripsit: sibi
pietatem placere, & secura ad cœlos vo-
ta, quæ nulla cogitatio belli deducat. Ita-
que cum hostibus fædus sancendum es-
se; quod opportunis rebus semper, pro-
pitio Iove, dirimere possit. Chorus ex
Melandriis fuit, antiqua carmina de Lu-
sitani regis funere superbissimo recitanti-
bus sono.

Successerunt præcipui ex Icoleonte,
qui in actu quarto quærebant, quo com-
pendio rempublicam administrarent.
Iam remittenti frigori successerat belli
tempus. Protagon assuetam pensionem
mittebat; quam illi ærario claudebant,
dissi-

diffimulabantque animum pacis, si à Melandriis sollicitarentur ad foedus. Nec multo post homines è Labetro veniebant cum oliva. Illi inducias, & mox pacem, incredibili conditione, ferebant. Libertatis & Reipublicæ splendida nomina ingerebantur ad fastum. Nihil erat mitius Melandriis; & ubi naturam exuissent foederatorum turba tacita reputatione volvebat. Mox tot promissis onerati, quamquam plena aberat fides, sic inter se loquebantur, Quid deinde aut Liphippus, aut Labetrus, ulla juris imagine fingunt? Non tantum nos in libertatem relinquunt, sed ut cum olim liberis disceptantes, belli, quod hætenus gesserunt, justitiam ipsi proscribunt. Quis regum iterum à Melandriis violatos non fovebit? si tam non rebelles ad justum imperium, sed æmulos ad destinata supplicia vocabunt? Quid denique volumus aut quid ultra expectemus? jacent pene supplices Melandrii, & quod quadraginta annorum bello negaverunt, spontanea benignitate promittunt. Res nostræ aliis fundamentis nituntur quam Liphippi. Ille ingentibus fruitur terris, & imperia per orbem dissipata exercet. Nos Tessaranacti & Protagonis viribus regnamus, & si qua illos mutatio rerum aver-

tet,

328 E V P H O R M. S A T Y R I C I
ret, Melandrii, quos dubitamus accipere
socios, forsitan implacabili ferocia regnar-
bunt.

Tum Nearium rogabant, ut & , quid
sentiret expromere vellet. Ille non mul-
tum à pace abhorrentia loquebatur; cre-
do ne inclinatis sanimis videretur plus
suae dignitati, quam Reipublicae tribuisse.
Qui post peractum cecinerunt pueri ex
Lugduno, probabant, nescio quibus car-
minibus, neque Romuli urbem, neque
Adriaci ponti paludes, cum nova re Ico-
leontis posse conferri.

Postrema pars Tragoediae hæc erat.
fanciebatur fœdus utrinque, & Charri-
doti vaticinia se funesta veritate appro-
babant. Icoleontis vrbes in assueto otio
superbæ inter se de imperio certabant,
& Melandrii, velut in Protagonem ar-
mati sese effundebant in Icoleontis cam-
pos. Vidisses inopinis cladibus attoni-
tos stupere; & invocato Tessaranacto
aperire urbes suas. Abdicabatur Rei-
publicae nomen, & Tessaranactorum a-
dorabant. In altera parte sæviebat in La-
betrum Protagonis miles, & ille Labetri
hæreditatem, Tessaranactus Rempubli-
cam occupabat.

O Pax

O Pax benignum Numen, atque Saturni
 Hac prole melior nata que quatit fulmen,
 O mentis atque corporis bonum duplex,
 Dic ô benigna diva, quas colis sedes?
 Hic te sub ortu querit, hic sub occasu:
 Hic te sub altis montibus putatmersam
 Scrutator auri, teque cum suis credit,
 Emisse dapibus alter. Hic parat fundos,
 Hic dignitates, hic libidinem demens
 Explorat, atque consulit, nec hic pacem
 Nec ille demens invenit. Quibus tandem
 Nulli repertum sedibus regis Numen?
 Paci loquebar, Paxque blanda respondit.
 Tranquillitatem quisquis auream queris,
 Sedesque nostras, quolibet loco tandem,
 Modoque, blandas sive per voluptates,
 Seu per metalli fulgidum jubar queris,
 Sive in cadente Sole sive nascente,
 Seu per feroces syrtibus vagis undas.
 Ignosco facilis. Quolibet loco haud possum
 Ego inveniri, quo tibi tuam suades
 Pacem latere. Sed tamen feram nunquam,
 Si quem inter omnes sic videbo ineptire,
 Ut me esse in isto Belgii putat mimo.

Subsecutus est populi plausus, qui dum
 poetam effusissima gratulatione commē-
 dat, ego factis ad Venerē votis, sic in au-
 rem Anemonis conjugii: dixi ô si mihi
 non

330 E V P H O R M. S A T Y R I C I
non atrocius bellum Fortuna parasset;
quam felix miles virilibus armis certa-
rem? nunc ipsa desperatione turbatus, et-
iam ante prælium spem victoriæ timidif-
sima mente damnavi. Illa, intelligenti
similis, hæsit; sic, ut se percipere mentem
meam, sola oratione, negaret. Sed ut ad
illius pervenimus domum, & Anemone
ad Protagonem profecto, ædes vacuæ li-
bertatem colloquiorum fecerunt; igno-
scite Numina; & tu potissimum castissima
Iuno: hoc unum est, quod meæ probi-
tati labem imponat. Præmium & volu-
ptas corruperant meam innocentiam, jam
pene mecum constantia superbam. Igno-
scite sancti Censores; & forsitan sub iis-
dem legibus peccassetis: non difficili arte
expugnavi volentem, & amore pulcher-
rimo ad satietatem explevi. Nec amplius
de paupertate cogitabam; sed jam velut
Doromisi victor, indignabar, supplicas-
se Fortunæ, cum liberalis Matrona assi-
duis muneribus mutuam voluptatem cu-
mularet.

Cæterum, ut virilis ardor, provocata
consuetudine languebat, ipsa flagitii tur-
pitude, nescio quo mihi odio me ipsum
committebat. Super omnia mulieris cu-
piditas interdum me in indignationem
rapiebat; & hæc sæpe in hortis solitarius
procla-

proclamabam: Ergo me potuit amare? ergo fidere hospiti novo? & cum conjugem valentissimum haberet, foedare matrimonium mixtura alieni sanguinis, quem nulla familiaritas aut convictus, sed sola libido preciosissimum fecit? O inanem Lycurgi fiduciam; & Solonis justissimos metus! Quid deinde expectabo, nisi ab Anemone contumeliam, aut ab adultera mortem? Nihil est facinus illi, quæ pudorem prodegit, & maiore crimine famam, quam voluptatem redimet. Satis parvisti corpori, redde te in disciplinam virtuti, Euphormio, nondum peccandi consuetudine securus es; & adhuc ad criminis nomen horrescis. Quid aliud antiquitas monebat, quæ convivis surgentibus partem cænulæ relinquebat in mensa, nisi ludis humanis sic utendum, ut ab iis recedamus, nondum consumpta voluptate.

Hæc & similia sæpe jactabam; sed fortioribus consiliis obstabat consuetudo pulcherrimæ mulieris, & cum insaniavires otio epulisque redeuntes. Interim Protagon ad rusticas exiverat domos, & cum Protagone Anemon. Ego cum Theophrasto interdum, sæpissime in Anemonis domo dissimulata familiaritate versebar. Sed dum hæc inter amantes scena ludi

332 EUPHORM. SATYRICI
luditur, & videtur Hymen removisse à
à flagitio vultum: forte quidam è fami-
liaribus in eiusmodi sceleribus doctus,
cœpit matrisfamilias in me benevolen-
tiam habere suspectam. Nec jam satis
communi secreto fidebam. Nam mu-
lier, incensa libidine, sæpe secretas blan-
ditias nimis licenter proferebat. Forte
ad constitutum paulo ante vesperam ve-
niebam, cum ille me suspectus circum-
spector deduxit in hortum, & post ser-
monum ambages malo cavere iussit, &
ab Anemonis limine abstinere. Nec A-
nemonem de uxore dubitare, sed esse
post Cæsarem multos, quos in conjuge
fama moveret. sed si perseverarem insana
cupiditate esse, scirem paratos percusso-
res, qui meam audaciam finirent. Ego ra-
tionibus & audacia destitutus, nihil nisi
velato capite effugi. Putares Vere Sacro
prognatum, & è finibus gentis expelli.

Inter omnia præcipue timebam, ne me
tam gravi injuria amicum & familiarem
læsisse divulgaretur. Cæterum, cum di-
versa argumenta expendissem, quibus
me à præsentī calamitate vindicarem, &
altior consiliis clades omnem spem ob-
ruisset, tandem humano more ad mayo-
rem vim suspexi, Numenque supersti-
tioso timore veneratus sum. Habebam
in

in propinquo antiquissimum fanum & quod præsentem mærorem dulcissime alebat, subobscuris fenestris, ac forte solitudine horrens. Igitur in eum locum me conjeci; lachrymisque, ut putabam, pietate fluentibus, significavi Numini calamitatem meam. Iam hoc ipsum mihi solatio erat, quod ad eum confugissem, qui mederi vulneri posset. Tum detestari cœpi humanitatis mala quam caducarum rerum corrumperet amor; nihilque jam mihi placebat, quod non esset cum æternitate conjunctum. Ibi, consumpto impetu lachrymarum, veluti firmissimo decieto mecum fanxi dedere me in Philosophorum disciplinam quos olim cum Anemone amaveram.

Sed ipsa diversitas scholarum non unis institutis, in eandem nitentium viam meam pietatem aliquandiu confudit. Ac cum in hac jactatione mentis posuissem aliquot dies, & pietatis interim sensus per inopiam & misérias augetur, forte accidit, ut in Acignii domo agerentur literarum conventus, propositis tabellis, quarum pictura in diversos sensus trahitur, ea omnibus doctis materiam ad differendū ministrat. Pace tua, Sanctitas, dixerim, paululū omisi memoriā tui, & veteres stimuli gloriæ jacentis animi

lan-

334 EUPHORM. SATYRICI
languorem excitaverunt. Volui in eruditum cœtum prodire, & extemporanea eloquentia meum ingenium publicæ famæ committere.

Igitur ut ad æris sonum convenimus, sedimusque, nos quidem in humilioribus locis, Acignius autem, & cum eo optimates, sedilibus ad diei magnificentiam extractis, adolescens, qui tabellam proponebat, in suggestum sublatus est, pulcher, concinnus, & imperata modestia gravis: nec longe tabula ex pariete pendebat; quam ut exponere vellemus porrecto in publicum radio, invitabat. Neque ego ulterius cunctatus sum, sublatusque in pedes, & vertice humanissime aperto, me orationi aptabam, cum ex alia parte quidam ex Acignii domesticis ad idem officium exsurrexit: vir exiguis & valentibus membris, orbiculari vultu, niger, nomine Brutus. Ego vero indignabar, si Acignii servus; si repudiatis honoribus pauper, & certe illis locis familiaris mihi externo præponeretur, cuius saltem dignitas ignorabatur. nihilominus cum moneret, revereri sanctitatem, clam admiratus insolentiam morum, & dissimulata iracundia cessi.

Erat autem tabulæ facies, quæ ad differendum proponebatur, eiusmodi. Matro-

trona verecundissimi vultus in medio stabat, purpureo amiculo insignis, quod virides radii pulcherrime distinguebant: ipsa tristis, sollicitoque ore, & prope expressis in tabella gemitibus, querebatur. Ab utroque latere ingens turba, oculis quidem in unam matronam defixis, cæterum longe diversis affectibus ut videbatur, animata. Qui enim à dextra pingebantur, ii supplicium vultu mulierem adorabant, & illa velut repudiatis honoribus in lævam inclinaverat lumen, ad quam stabant contumaces imagines, tanquam populi aliquid mulieri exprobrantis. Et hic quidem intentabat improbum reclusæ digitum dextræ; ille risu contraxerat vultum; alius aspernantis fronte, & superbo sæviebat fastidio. plurimi autem, veluti loquerentur, mulieri fractos fasces, & sordidam laurum, folium præterea eversum, sceptrique reliquias, contumeliosa indignatione monstrabant.

Et hæc sane plurimum in pictura eminebant. Nam cætera, ut in matronæ humero corvus, ut ad pedes plumis dispoliata Luscinia, spissæ nubes in imaginis cœlo prima curiositas lustrantis tabulam. Igitur compositis omnium oculis auribusque, Acignii minister in hunc pro-

336 EUPHORM. SATYRICI
prope modum coepit.

Iurisprudentiæ studium, quod quidam scientiam appellant, nulla eloquentia oratoris ingeniosius depingeret, quam in hac muta imaginis eruditione describitur. Hanc artem tot voluminibus diffusam, tot (miserum?) excultam ingeniis, istius matronæ species sustinet. Vestis purpura insignis, regii memoriam fastigii, unde originem habuit, contumaci majestate, conservat. Nisi credimus terribiles pœnas, legumque capitalium furorem, sanguinis notas in pallam transtulisse, quæ quidem intermixta viriditate temperata, quid aliud ostendit, quam humanitatem Pontificum, qui mitia imperia, legesque sine ultimis terroribus exercent?

Qui autem à dextera collocantur, devoti ac supplices, illi sunt, qui hanc artem, si diis placet, omnibus studiis rebusque præposuerunt: quos nec Philosophiæ sublimitas ad sydera evocavit, nec ad rationis consultissimum iter; non mitiorum disciplinarum humanitas permulsit, aut divinæ lectionis sublimitas, sed velut oclusis oculis ad hoc studium, parentum communis insania coegit. Vides solutissimos vultus, & nisi quod hanc unicam adorant, lascivia & jurgiis contumaces; vides

vides laceras in imaginibus vestes, quas luxuria & nocturnis grassationibus corrumpunt. Quis enim his seculis turbo Academiarum pacem foedius excussit; quis verius literarum studia infamavit, quam huiusmodi adolescentum perulantia. dum excussis pueritiæ frænis ad hanc juris licentiam proterva superbia properant; dum soluti scholasticorum metu, primi impetus lætitiâ non regunt, novamque, & adhuc inexpertam libertatem, in criminibus probant. Sed acrius incusare non ausim, dies atque noctes per ludum exigere, cum videri pulchrius otium cum voluptate colere, quam multiplicem hydram, & inania huius artis nugamenta confectari. Quid enim laboriosius illa arte, quam in compendium redigere putavit, qui eius licentiam intra quinquaginta libros coegit; vel quid incertius, quam illud quod libido disposuit mortalium, quorum animos nec unum seculum nec eadem opinio conjunxit: nam quid deinde ineptius, quam tot juris consultorum mentes una esse concludere velle & mortuorum dissidia vana pace extinguere; quam deinde velut divinis oraculis insistere illorum verbulis; percunctari, pugnare, tot voluminibus rem diffundere, ut nec maria prodigiosam seriem librorum,

338 EUPHORM. SATYRICI
rum, distinctis per ventum fluctibus, exe-
quent.

Omitto vanitatem quæstionum, qui-
bus ipsi ingratissimis laboribus torquen-
tur, sed illos audio jam in partes esse di-
visos; dum dubitant, an sedibus, an pedi-
bus Vlpianus in possessionis notatione
scripserit: cur idein latissimam jus dicen-
tis potestatem, non vero longissimam ap-
pellarit; num spadones à spata dicti sint,
& Ælius Sentius Rex Romanorum fue-
rit, qui legem Æliam Sentiam promul-
gavit.

Tot maculæ per incultum asperum-
que corpus Iurisprudentiæ diffusæ, quæ
utcumque rudibus maiorum seculis inter
æqualem omnium barbariem latebant,
nunc politioribus detectæ ingeniis, uti-
nam tanto pudore clientes confunderent,
quantum ipsa in hac imagine lachryma-
bili vultu; & adorationem averfanti con-
fiteretur. Hæc autem hominum turba, quæ
contumaci manu, & si posset, verborum
petulantia mulieris luctum crudeliter au-
get, illorum est, quos ante hac antiquitas
nominis & ipsius Iustitiæ amor decepit.
Nunc vero posteaquam ex Iurispruden-
tiæ vultu meliorum disciplinarum liquor
fucum diluit, amissos molestissime annos
laboremque inutilem, severissima expro-
bra-

bratione reposcunt.

Marcida vero laurus , & effusi solii lacerata majestas, quid aliud, quam huius artis casum solerti descriptione promulgant? Quid in humero corvus, nisi importuni ominis species atra, & barbararū vocum effigies pene auribus gravis? Quid Luscinia, quæ cum plumis viam & Musicam projecit, nisi ut omnem Iurisprudentiæ eloquentiam suo fato functam esse sciamus? Nam illæ nubes, quæ supremum tabellæ limitem obscurant; jamjam candidos priscæ Iurisprudentiæ soles abscondunt.

Dum hæc Acignii minister in divinam scientiam sacrilego furore profundit, notavi Acigniorum vultus, nescio qua lætitia nec occulte diffusos; nutibusque invicem crebris perorantis insaniam collaudare. Ego vero maledictorum impatiens quæ nec occulte in justitiam ingerebantur, vix creberrimo anhelitu luctantem iracundiam in præcordiis repressi. Sed ut ille peroravit, secutusque sociorum plausus eum in sydera levavit, ego, tam indigna percitus laude, etiam vehementius exarsi. Nec diutius passus sum triumphare insaniam verborum, intentusque in vindictam, forti asperaque voce interrupti clamitantium susurros, & silencio

P

red-

340 EUPHORM. SATYRICI
redito, cum omnes me intuerentur,
eiusmodi verbis dolorem meum exone-
ravi.

Quod in Rerumpublicarum partibus
ambitio & invidia nocent, hoc eadem
pestes in literarum imperio tentant, ma-
ledictis & calumnia, quæ hodie pro telis
clypeisque eruditorum furori, & inermi
discordiæ, ministrant. Neque antea puta-
veram in jus ipsas scientias vocari, Gigan-
tumque audaciam respicere in cælum;
sed credebam salvo numine dearum An-
tistites humanis inimicitiis collidi. Nunc
vero cum novi Diomedis acumine, non
Æneæ mater, aut inimici dii, sed Argo-
lica Pallas, & ipsa Delphorum Themis
jaceant, quid tutius quam à scholis ad
barbaros exire; dum in eiusmodi sacrile-
gium provocata fulmina erumpunt, aut
publicæ noxæ diis deditur qui insolentis-
sime peccavit? O quisquis es mortalium,
qui modo Iurisprudentiam provocasti
(neque enim te novi, nisi quo nomine te
odisse fas est) quæ te Deorum clementia
in hanc audaciam excitavit, ut foedissime
de illorum alumna cogitares, & os tuum
duraret in tam impias voces? an quoniam
perfidia, & furor, & impium nefas, expu-
gnatam Iustitiam transmissere syderibus,
in absentis Deæ filiam tam audax latro
involavisti?

Cum

Cum hæc dicerem, interim universam concionem inexpectatissima querela turbaverat. Suspensi invicem, quis aut unde esset, & ipsi pavidissima voce quærebant. Nec aliquis incusabat; sed veluti Deorum ministrum, & ultorem parricidii reverebantur. Quem enim alium in Acignii familiam dicturum, aut quem in ea domo daturum Iurisprudentiæ manum? Ego vero aliquaudiu spiritum revocavi æstu & iracundia fugientem. Adum omnes uno stupore meam violentiam mirantur; subiit animo fabula tot seculis & vatibus inclyta, cum Amphyrus per hiantis soli labem excipitur, & umbrarum imperium ac silentis prodigia mundi, vivo corpore, & lauri nondum expirantibus ramis exterret. Cæterum ne concio mutatis animis in novos affectus solveretur; aut recentis indignatio facinoris, quæ mihi eloquentiam tanquam tela suggerebat, sterili frigore inaresceret: cæpi acrius incusare flagitium, simulque hortari Iurisprudentiæ hostem, ne deos ultores expectaret, sed voluntariis pænis sæviora supplicia deprecaretur.

Quamdiu, inquam, in homines atrocibus contumeliis delævisisti, tū adolescentes, qui Iurisprudentiæ præceptis animos informant, scurras, turbineque ap-

342 EUPHORM. SATYRICI
pellabar , utcunque patiebar te in com-
muni argumento ferociter regnare. illud
tamen me gravius movit, quod videbaris
in istam scientiam , omnium malorum
culpam convertere , quasi corruptrix a-
dolescentiæ fluenti luxuria tam lubricam
ætatem prosterneret. Cum tamen hæc
ruina juventutis , tot lachrymæ senum,
parentumque miserabiles exitus , primis
scholis , ubi sternuntur fundamenta lite-
rarum , omnem calamitatem imputent.
Vestras scholas dico , quæ severis legibus
& pene sylvestribus edictis exurgentes
puerorum animos castigant , nec ab in-
fantia servitute sensim ad virilem liber-
tatem deducunt , sed tanquam semper in
ea disciplina duraturi essent , subhorridas
leges præscribunt, & ut infernæ artis my-
stæ velut circulum designant , ultra quem
prodire certo interitus supplicio vetant.

Nulla interim civilis vitæ cura , nulla
morum custodia ad consortia consuetu-
dinis humanæ. Plerumque lacerae vestes
& stantes annuis fordibus capilli , illarum
disciplinarum ignaviam condemnant.
Interim pueri in illis artibus enutriti ple-
rūmque ad lasciviam suspirant, & si mihi
creditis, de voluptatibus melius judicant,
quoniam in earum exilium tot sanctio-
nibus opus est. Nihil flammam fidelius
nutrit,

nutrit, quam favillæ frigida moles; nec Sirenes auribus melius imponunt quam cum prima suavitate inexpertas demulcent. Sic adolescentiæ cupiditates, quæ velut suppresso aere ardentius inter tam cruda imperia vixerunt, posteaquam ab illis claustris in libertatem altioris disciplinæ, id est, Iurisprudentiæ, succedere, insolentius plerumque efferuescunt; & primis illecebris voluptatum, velut inauditis Sirenibus, non satis fortiter repugnant.

Sed hanc accusationem prætermitto: vellet enim Iurisprudentia cuilibet, vel per aliquam ignominiam, debere sanitatem suorum. Quis autem patiatur te illi Nymphæ, te urbium præfidi, te pacis & armorum dominæ, Scientiæ nomen, aut si quid est præstantius inter literarum titulos, tam contumaci latrocinio detraxisse? scilicet nugamenta Philosophiæ somniantis, & vestrarum sectarum barbaries, illam dignitatem suis domiciliis præfiget. Hæc autem hominum ac pene deorum domina, templorum foribus ignobiles titulos, & vulgi insignia imponet.

Ac quam illud astute differuisti? opinionem hominum, quæ ad libidinem pro ingeniis mutatur, dubitantium non

344 EUPHORM. SATYRICI
cogere mentes, nec unica veritate invitis
oculis illabi id est, scientiam non esse; Illa
Iurisprudentiam constare; quæ proinde
tam levi fundamento nihil nisi inanibus
auris, & veluti ludibriis ventorum, impli-
cata cultorum studia deludat. Piget re-
spondere maledictis criminationibus tam
inepte. Quis nescit tot Iurisconsulto-
rum rixas, tot interpretum bella, & man-
cipia jam non cedentia urbi, veluti fron-
des esse atque ramos lentiores, quæ ab
ipsius Scientiæ; id est, veræ synceræque
Iurisprudentiæ, trunco luxuriant? Ipsa
vero, quæ firmis radicibus arbor nullis o-
pinionibus mutatur, sed constantiæ laude
inter scientiarum præcipuas exurgit; illa
ferme continet, quæ Iustitiæ præcepta ap-
pellamus; quæ compositi regulas juris, cæ-
teraque quæ nascentibus Natura de ex-
terna vi, aut de domestica continentia, &
naturæ assertor magistratus, præscripsit.
Ex hoc trunco illisque radicibus alia vir-
gultorum instar uberrimus succus diffu-
dit. Hoc vero cui Philosophiæ parti non
contigit, quæ tot quæstionibus, tamq;
variantibus animis omnium temporum
Scholasticos commisit. Qui Logicam mi-
nistram rationis, sydusque mentium, à
scientiarum ordine tristis censor amoveat?
tamen & de entibus rationis { ita enim usus
appel-

appellavit) disputat, & de *Universalium natura* litigat; nec dum deliberavit, an conclusionem Syllogismi partibus annumeret. Quæ controversia magis vestras exercuit scholas, quàm dum Physici de *materia prima*, de *causalitatibus*, de *Alchymia*, diversissima mente contendunt? Aut dum scientia morum felicitatem suam nunc in amœnissimo visu, nunc in amoris suavitate disponit? Sed quoniam tantum illa sunt velut incrementa solidi corporis, ideo nec Philosophiæ nomen ex scientiarum albo delevimus. Minus peccavisses, si inviolato numine Iurisprudentiæ, tantum eius mystas accusavisses, qui severi Sacerdotii ornamentum maculant indignitate juventutis, quam acerbissima eruditione in suos gradus adoptant.

Cum in tanta iracundia ferocius instarem, consurgit Acignius indignatione plenissimus, & ulterius querentem animose perturbat. Negat apud se forum esse, ubi declamarem ad fastum, & invidiam hostibus facerem. Si quid haberem ad expositam imaginem; expedirem protinus sensum. Cæterum si in maledicta iterum erupissem, sensurum me & ubi deliquissem, & quam grave supplicium vesanæ temeritati deberetur.

Ego vero eiusmodi minis verberatus, tum demum illum Acignium esse, me autem Euphormionem, verecundissime memini: & meæ eloquentiæ fons, modo tam vivida majestate decurrens, velut injecta frigidi Mercurii levitate, sese per occultos meatus huc & illuc timidissime subduxit. Redit animo Basiliana calamitas; & quantum Acignium ibi meis vulneribus sensissem. Sed nec amplius Callionis potentia utebar; & omnino metuebam, ne in antiquam notitiam fontis mei argumento perveniret.

Igitur veluti sublati odiis, facta tranquillitate derumui, & facio, inquam, inducias cum illo; nec serenitatem diei litigiosa oratione perturbo. Sed quam ipse Iurisprudentiam putavit, matronam in Tyria veste, quam læta viriditas permiscet; hanc ego pro omnium scientiarum & literarum imagine accepi. Scientia inquam, est illa mulier, quæ in hac tabellæ pictura describitur. Ostro quidem eoque purissimo insignis, cum olim in regiis habitaret, non tantum Principum alumna, sed rectorix ac magistra, vitam & leges imperantibus dictaret. Illa tempestate, nec divinam Poësin, nec arcanam Philosophiam, in tuguriis vidisses; nisi quod eruditorum pertinacia interdum benevolentiam

lentiam Principum in secura paupertate contemnebat. Ipsi reges non minus ambitiose eruditionem, quam potestatem vindicabant, & qui triginta legionibus imperavit, paulo superbius Philosophiâ quam signa purpuramque jactavit. Quid ille Asiæ domitor, qui melius Achillis victorias, quàm suas recensēbat, qui dum ultimas terras nobilissimis triumphis aperiret, Aristotelis Phvsicam avara eruditionis ambitione posteris invidit. Syracusanus autem ille, quem Corinthus è Tyranno civem fecit, quam scientiam habuerat principatus ornamentum, eam deinde calamitatis solatium, solam ex tot opibus è Sicilia abstulit. Quid illi, qui assidue cum Ennio, cum Terentio scripsere? Quid ille, qui primas eloquentiæ Ciceroni invidit, ipse solus in Orbe Romano Imperator? Et ne singulas regiones perscrutando, etiam Ægyptiorum Persarumque Philosophiam in regia & templis, veluti simulacra Deorum, inveniam; nulla natio tam barbara aut tam inhumana extitit, cuius Principes eruditionem sui temporis non aut mirarentur, aut quærerent. Diuque in illo fastigio scientia hæsit; donec eruditorum vitio, ipsa suam nobilitatem maculavit; & non ad umbram Philosophorum, sed ad vilissi-

Nimirum hodie cum nostris artibus nugamur & quæ laudes olim scientiam extulerant, contrariis viciorum maculis miserrime sordescunt. Nulli quondam elegantius mores examinabant, nulli commodiores humanæ consuetudini putabantur, quàm qui eloquentiæ, veterumq; temporum memoriæ, aut Poesi studuerant. Nihil illis comius, nihil suavius, antiquorum ætas vidit. Etiam creduntur sylvestrium populorum rudos animos primi conciliasse inter se, inventisque legibus fundatis respublicas gubernasse. Inde ipsa humanitas illi scientiæ suum nomen accommodavit. Nunc vero quid amplius dicam, quàm parentes metuere, ne pueri, dum Scholasticos audiunt, cum literarum commercio morum similitudine imbuantur? ut ineptiæ omnes, & quicquid in incessu vel oratione est insulsum, communi proverbio jam consuetudini Academiæ imputetur. Hinc proscripta maiestas literarum, & præcipua utilitas, quam ipse in respublicas invehebant: miserabili fato sublata.

Non tenui equidem risum, quoties in Academiis declamatores vidi, scenicos pueros instruere, qua maiestate imitentur fastigium Regum, aut matronarum

rum blandissimos nutus, militumve iracundiam effingant. O quotquot literarum vindices estis, eripite squalidas Musas ex carceribus scholarum, & in pristinam libertatem vindicate! Quasi vero, qui olim in literis floruerunt, & quorum hodie ingenia miramur, tam stolidis nugis immortalem quæsiverint famam. Olim quidem Poëtæ, celeberrimis conventibus immerfi, vix secessum inveniebant ad carmen. Ita Maro, ita Flaccus, Tibullusque & Propertius vixerunt, & ille, quem Natura omnium ingeniorum compendium fecit, Naso. Tunc illustribus familiis vates affueti erigebant vividas mentes; & inter proceres audiebant quæcunque in civitate vel excitarent salibus animos, vel mores recentissima venustate polirent. Ibi illi quotidie vel Panegyrim vel Satyram inveniebant, & omnino laudabantur, qui non scribere magis quam vivere novissent. Nam quid de Philosophia dicam, quæ pene in Regum penetralibus nata est? quam in Platone Sicilia adoravit? Stagyra autem tam potentem sensit, ut illius favore & mœnia recuperaret & cives. Cui potius Archimedes suam industriam, quam cognato Hieroni accommodavit; aut quæ è vulgo ille Deorum & hominum honor

Socrates Alcibiadem dilexit ! Adeo illa scientia, quæ maxime secretum ad contemplationem exposcit , nihil fugiebat præter rusticum vulgus ; & in consortio magnatum vel erudiebatur , vel docebat. nunc autem miserabilis scientia quantum degeneravit à moribus. itantum quoque ex sermonis dignitate recessit ; & jam barbara appellatur , quæ effecit ne barbarus orbis esset.

Ac ut Philosophiam se in suis latebris plangentem relinquamus ; quid aliud est Historiam facere, quam rerum gestarum eventus atque causas prudenti explicatione narrare ? aut quomodo sufficient illi muneri ; quo posteris nullum majus tribuimus , homines imperiti rerum civilium, qui neque astus suorum temporum intelligunt, & ignobili studio educti, neque pacis, neque belli genium noverunt ? Nemo pro dignitate Historiam componet, cuius indoles non sit apta, ea quoque gerere quæ Historici describunt. Nunc satis est ad eam scriptionem orationem ineptissime tersam cum mendaciis afferre. Quid est denique Poesis, nisi viva descriptio affectuum tui seculi ; quos tantum ex aliorum consortio cognosces ? Vnde polita confessio amoris, vel generosi odii pene irata descriptio ; quæ prisca seculi

Poetis

Poetis adhuc hodie vel misericordiam conciliant, vel favorem. Nunc quicunque post insanam lectionem Poetarum tumentia verba in ordinem componunt, aut vetustatis ignobiles ritus jam olim exulantibus verbis cogunt in versum, illi utique inter doctos umbratiles sunt Poetæ, & illorum vitio, quotquot in eam artem nituntur, velut ridiculi homines, iniquissima opinione damnantur.

Quis ferat hanc contumeliam Musarum, in quarum templis multi quidem insani concipiunt vota, sed nemo in hunc diem, nisi prudentissimus, litavit? nihil loquor de Iurisprudencia, ne veteris iracundiæ insimuler. Sed quæ olim Prætores, quæ Præfectos Prætorii, quæ Principes habuit conditores, illa nunc cunabulorum dignitatem ægra in historiis conservat. Non celabo juventutem tutissimum iter ad Musas. Quorum eruditionem imitatur, eorum quoque moribus diligentissima æmulatione insistat, putetque Ciceronem aut Senecam plura in negociis civilibus invenisse, quibus literas ornaret, in literis, quæ ad humanam consuetudinem transferret. Nullus in Academiis solide eruditus evadet, aut cum gladiatoriis imperator.

Igitur hæc matrona, cui in tabella Scientiæ & omnium Musarum majestatem imponitis, regalem quidem purpuram aliqua lauri viriditate permistam conservat. Quid enim illi relinquitur, si de palla quoque dubitat? Sed jam sceptri ac folii dignitatem miserabilis amisit; illosque averfatur præcipue, qui eam hoc seculo adorant, id est, quorum ineptiis ubique indignissimo traducitur risu. Videns ad inimicos converti, qui importuno vultu & petulantibus dextris afflictæ patientiam fatigant? Nimirum si illis aliquando sua voce loquetur, immutabit spernentiû mentes, & pristino splendori restituta, omnem iracundiæ furorem in Academia- rum ignaviam effundet.

Cum hoc argumentum ingenti vociferatione deduxissem, & jam dies in vesperam esset pronus, adolescens qui tabulam proposuerat, omnia eius secreta jucundissima oratione publicavit. Quippe hæc matrona, seria erat optimi vini, lentis arborum ramis coercita; quæ quidem sui amatores aspernabatur, quippe illorum amicitia peribat; suisque osoribus adverterat vultum, quorum fastidio diutius vitæ videbatur. Et quidem omnibus in risum effusis, juvenis lepidissimo argumento rem omnem disputavit. Cæterum

rum Acignius meum ingenium probaverat, delectatusque oratione non indocta, me quoque inter familiares habere non mediocriter optabat. Itaque blandissime exeuntem demulsit, laudibusque in publicum effusis palpitantem animum periculosissima voluptate percussit. Ego inescatus præconiis, cum me iterum laudari vellem, postero die ad Acignium redii, & ille meam facilitatem solertissime cognovit, lætatusque jam prima pietatis formidine teneri, etiam incautum divinxit munusculis, cœpitque velut dulcissimis suspiriis interpellatus narrare, quam propitiis diis nati essent, qui in illius domicilium concedebant. Et hæc tanquam mihi aliena recitabat, quæ non obscure mihi dici sentiebam. Nihil, inquit, eruditius commodius mea domo, videbis ad famam, velut in terrarum scena plaudentibus populis ingenium probamus, & suavissimam vitam colimus in consortio Musarum, nulla familiarium rerum sollicitudo nobilitatem animorum deducit in terram; & jam hic felicitatem ordimur, quam nobis certissimam in syderibus fata disponunt. Recensebat deinde complurimos, qui ex amplissimis gentibus in suam familiam venissent, & quam mali exitus alios occupassent, qui tam egregia fortuna nesciverant uti.

Ego

354 E V P H O R M. S A T Y R I C I
Ego autem Acignii machinas perosius ;
quo plura in eam sententiam congerebat,
eo malignius averfabar dicentem. Pau-
latim exinde elanguit pietas mea : & A-
cignii , cæterorumque Philosophorum
iterato consuetudinem eiuravi. nec me
latebat , nescio quo modo emoveri ho-
minum mentes , & suavissimo veneno
intinctas à Philosophis in suas Academias
deduci. Itaque priusquam eo medica-
mine perirem, viam jam olim destinatam
in Scolimorrhodiam aggressus sum. Sed
& in maculas , quas tantopere vitabam,
miserabilis offendi, monstroque maximo
didici ubique Acignium esse. Cæterum
minime Theophrasto significavi , me in
Scolimorrhodiam cogitare , nam & levi-
tatem meam timebam apud illum pro-
scribi; ac præterea si in Scolimorrhodiam
quoque malignitas Deorum profecuta
fuisset fugientem, volebam ad Theophra-
stum redire , damnataque omni spe in
ingrata quiete senescere. Mentitus itaque
ad Themistium iter, ex Ilio discepsi. Nec-
dum omnis mei criminis utilitas defece-
rat, restabantq; aliquot numi, ex iis, quos
Anemonis conjunx secum olim in sinus
effuderat nostros. Et jam quatuor erra-
veram luces, neque multum aberam à la-
cu, qui Scolimorrhodiam suo orbe, à cæ-
teris

teris abstulit terris, cum omni hospitio defectus, sub obscurissimam noctem huc & illuc ingenti tristitia erratam. Nulla in vicino civitas erat, neque villarum spēs, aut latratus canū, aut caliginis volumina ex fumantibus tectis circumspicienti faciebant. Frigore itaque & solitudine horrens, vagabar, velut in avia parte terrarū. Forte in asperi montis clivo, qua me pallidus syderum fulgor ducebat, tenuis rivi murmur jam pene concubie noctis silentium rupit. Secutus ego labentem tandem ad aquulæ caput me mollibus herbis implico, fessamque cubito cervicem sustentans, frontem deinde atque manus, mox etiam ora limpidissimo humore perluo. Nec multo post apertæ vento nubes, astraque liberius splendentia, mihi pulcherrimam loci faciem ostenderant. Fons ille ut videbatur rusticus, nudoque exceptus solo, non communib. aquis perennis, aut vulgari torrente voluebatur. Nulla laus est quæ eius dignitatem possit exprimere. Liquor omni crystallo nitidior per lapillorum moras, quæ in arena passim extuberaverant, tenues crispaverat fluctus, & inde pene musico concentu pulsabatur, reddebat quoque syderum imagines pene ipsis cœlorum facibus lætiores, & tam pulchræ noctis miraculo nescio quid mihi bea-

356 EUPHORM. SATYRICI
beatis spondebant, si ad Solis veritatem
omnia examinasset. Quod si non per-
novissem me nondum Eleutheriæ vici-
niam egressum, credere poteram ad au-
reos fontes in Perside esse delatum. Mox
ut se purius Lunæ splendor exeruit, vidi
in propinquo amplissimam domum, &
turre in incinctu non modico fastigio
surgentes. neque moratus de fonte con-
surrexi, primasque ædificii fores ad ho-
spitium pulsavi. Tum apertę subito fo-
res colluxere undique flammis, magnoq;
cereorum comitatu Acignius ad expe-
ctantem processit. Ego ad notum exhor-
rui vultum, & qua ratione ibi esset, quem
in Ilio paulo ante sine proposito itineris
reliqueram, tacita admiratione quære-
bam. Nec expectavit, ut meritissimi stu-
poris exponerem causas: sed, Eutychia,
inquit, istarum ædium & omnis vaticinii
domina, te huc advenisse intellexit, illa
nos monitores hospitii mittit, & in suum
domicilium errores tuos hodie invitat.
Succede hospitalibus testis, & utere be-
neficio Nymphæ, quæ hoc uno dolore
suam felicitatem maculat, quod tam diu
desint, quibus ipsa liberalis esse possit. His
dictis, nescio quibus ramis, vultus meos
perfricuit, confusamque suavitate men-
tem veluti quodam tenui caligine intexit.

Se-

Secutus ego ducentem, cum eodem facum agmine in interiorem domum perveni. Ibi nova occurrentium frequentia venientem excipit. Nihil amplius vidissem, si me felix error in patriam appulisset. Quippe non blanditiæ verborum deerant, non obsequia ministrorum; & optimi familiæ vultus cum officioso apparatu certabant. Deductus igitur in triclinium cum magna comitantium turba, subitis primum dapibus extinxi reliquias curarum; mox cœna levi ambulatione percocta, cum interim nulla colloquentiû suavitas deesset, mollissimis plumis omnia mēbra immergi. Ita pingui obrutus somno pacatissimam exigo noctem; & sive malorum lassitudo, sive felicitas repens hoc fecerat, soporem etiam in altissimam lucem deduco. Tandem Solis radiis excitatus, ubi essem, aut quid mihi contigisset, attonita mente versabam, nec dum libati fontis suavitas exciderat; & nescio qua affectuum dulcedine fontem & domum amabam: cum interim exsonuit ostium meum, laxatisque subito claustris antethorum Acignius stetit. Nunquam antetam hilarem videram, & excussa severitas majoribus blanditiis reliquerat vultum, ego pigræ quietis segnitiera incusabam, quod hoc lucis jacentem deprehendisset, sed

sed ille, velut omnis otii author, moderatissimo risu nihil, nisi me ad Eutychem advenisse, respondit; minima esse quæ hætenus in illa viderim domo: omnia tempore & patientia parari, nec dii siverint inquit, ut tam opportuna felicitate non utaris. Tu modo cæterarum rerum longinquas spes, omitte: isthic tibi perennia bona, & si mihi credis, omni sceptro eminentior fortuna paratur. Tum ego languentia excito membra, cubitoque innixus in illa familia hæsurum, sero enim intellexi me ad Philosophorum, quos vitabam, domicilium esse perductum, & ab illis suam Philosophiam Eutychem appellari. Adiecique me juramento obligari, ut in vicinam regionem proficiscerer, neque ulla quidem tempora oblati beneficii memoriam victura: cæterum longinqua exilia, neque tam maturam felicitatem meis fatis deberi. Actunc, ut saltem mendaciis effugerem Acignii artes, iterum jurato promississe assevero, si ne mora me ad templum, quod in Icolonte miraculis celebratur, iturum. Ita, inquam, ut neque jam cum Eutychia vivere salvis religionibus possim. Ad hæc verba Acignius non modico risu latera concussit, & O te, inquit, divinum hominem, & religionis doctiss. mystam! qui
neicis

nescis in Eutychiæ domo etiam mendaciis venire gratissimum cœlo, & ipsis diis esse, quos decipis. Huc, quacunque veneris fraude, aut ipse alios adduxeris, ipsa te innocentia laudabit; & plerunque interfui, cum pietas iuvenes collaudaret, qui istam felicitatem parentum funeribus emerunt. Sic dixit, rursusque madentibus ramis oculos meos, & veluti mētem obruit. Agnovi hesterni dulcedinem fontis, victusque, & veluti macerata ebrius mente, imperata me facturum promisi. Sed ut primum ex cubiculo excessi, & ipse vestes diligentissime cōponere cœpi, rursus evanescente medicati fontis veneno, paulatim verus animus rediit, & ego captivitatem meæ mentis intellexi. Itaque tacitas fraudes, & licitum libertatis furtū contra beneficia secretissima mente parabam. Ecce autem vix è limine extuli pedem, cum servitium frequens huc & illuc suo operi intentū animadverto, pleriq; iuvenes erant, & in terram modestissima submiserant ora. Ille temere jacentiū lapidum ordines componebat, ille componebat ligneos fasces, aut aquā, aut utilas herbas in publicū cibū digerebat: alius molestissimū iter ad domorū fores huc & illuc torquebat: pleriq; sevitia flagellorū obnoxiiū detriverāt corpus, & singulis verberib.

inter-

360 EUPHORM. SATYRICI
interferebant Eutychiæ nomen. Plane
nihil tale videbam quale prioris noctis il-
lecebræ promiserant. Iam omnes me ta-
citis vultibus contuebantur, & quem pri-
die tam humaniter excepissent, pene ad
societatem laboris invitabant. Ego meæ
fugæ intentus, huc & illuc primum assidua
contemplatione vagabar. Cæterum non
mihi una domus videbatur, sed potius ci-
vitas ingens, cuius singula ædificia in tur-
ris altitudinem exurgunt. Qui vero per
singulas turres distributi erant, distinctis
potissimum coloribus, figurisque vestium
noscebantur. Illos candidæ rogæ, illos
cineritiæ, designabant: Illis mixtæ & pa-
uucæ vestes erant, hinc illinc centonum
mixture viliores. Quibusdam funerum
color, alijsq; Neptunius probabatur. Nec
ulla artificum cura deerat, aut maturæ va-
rietas, quantacunque in velleribus ludit,
præterquam quod ibi muricem non vi-
debam. Neque minor ingeniorum di-
versitas illam arcem impleverat. Emine-
bat in medio angusta quidem turris, & ut
videbatur multitudinis minime capax; cæ-
terum patentes in seriem fenestræ, aper-
tæque undique fores opulentiam prode-
bant ditissimæ sedis. Omnes parietes se-
ricis velis tegebantur, iisque duplici ful-
gentibus ostro. Idem color lectulos &
men-

menſas adornaverat ; & ipſe quoque murus lateritio rubore nitebat. Suſpicatus ibi Eutyſchiam habitare , intellexi à quodam pullato , qui hortum in vicinia repurgabat, Nympham quidem in alia regione vivere, quam ipſi totius vitæ induſtria aperiunt ſibi : cæterum ſi quis ad illam turrim, quam viderem, perveniret, illum ſtatim ad maximam felicitatem eſſe venturum ; ubi effuſis fortunæ favoribus exceptus , hoc etiam timet , ne ad Eutyſchiam in alium orbem vocetur : & certe pauci ſunt , inquit , ex hac multitudine, quam cernis multiplici ſudore exerceri, qui non votorum ſuorum partem ad iſtius turris cupiditatem derivent. Neque olim felicius erat , purpureum arietem habere, quam hodie ad magnificæ turris dignitatem admitti. Hæc ille prolocutus, iterum prono pectore ſterilibus herbis incubit.

At ego tam magnificæ turris dignitate permotus, magnopere cupiebam ad illius interiora, penetrare , invitabat familiaris curioſitas peregrinantibus , & deſolata cuſtodibus fores ; cum præcipue admirarer, quæ cauſa ſedis incolis eſſet, cur non protinus ad illam niterentur. Sed vix dextero pede libaveram limen , cum ſubito pluſquam Scythicæ magnitudinis

362. EUPHORM. SATYRICI
dinis leo in vestibulum occurrit. Sive
vera species fuit, sive attonitæ ludibrium
mentis, videbatur ad longitudinem dua-
rum palmarum exeruisse pedum arma,
& tumentibus júbis apertoque ore, pene
interrogare stultitiam meam, quo profi-
cisceretur? Petram deinde valentibus
membris amplexus est, sive in me emis-
surus, sive obicem positurus ad fores. Ego
pervetusto ebore pallidior factus, non
audaciam modo, sed etiam fugam amisi;
decidique extra limen morienti similis;
& nutantem animam diu egi. nec aliquis
ad auxilium veniebat: sed paulatim effu-
sissimus sudor spirituum meatus sangui-
nisque laxavit. Ac ut primum officio pe-
des fungi valuerunt, in aliam partem, tam
atroci imagine conterritus, fugere cœpi.
Semper in oculis fera sævities erat, nec
sufficiebat supervacuo timori celeritas
mea. Bellua autem veluti vereretur è
præsidio abire, contenta me limite ex-
pulisse, non lacefferat ignaviter caden-
tem, minusque ignobilem fugam ur-
gebat.

Sed dum in hoc turbulenti sanguinis
æstu incedo, pavidoq; lumine mentis in-
certitudinem accuso infremuit undique
aer modici æris sono, quod ex media
area, ut postea intellexi, omnibus Euty-
chianis

tychianis antemeridiani laboris missio-
nem significabat. Iam enim triclinia stra-
ta erant, cibique exiguis ferculis, & velu-
ti distributis pensionibus ferebantur ad
mensam, convolvere ad epulas universi,
neque ibi levius sancitur, ne aliquis se
publicis commodis, quam imperatis la-
boribus furetur. Ego omni genere ve-
stium dispar (neque enim me toga Ro-
mana consuetudine velabat) jam pene
solitariis spatiis restabam, cum annosis-
simæ senectutis homo, hospitalibus præ-
fectus officiis, rogavit, cuius ego auspiciis,
aut per cuius portæ angustias deductus in
familiam essem. Ego qui prodigiosum
locum, divinumque fortasse, irritare
mendaciis verebar, simpliciter, quid mi-
hi contigisset, enarravi, me ad fontem, qui
ex adverso montis manat, pridie per erro-
res & tenebras pervenisse; demum Aci-
gnii manu, ad hanc arcem, velut ad ho-
spitium esse perductum. Nec ille audito
Acignii nomine cunctatus, illic, inquit,
oportet habitare: turrimque in proximo
angustiori, quam cæteras, specie ostendit.
Plane eadem turris erat, in qua tota no-
cte jacueram. Nihil itaque repugnaui im-
peranti, averfatusque non voluntariam
domum in turrim, velut in conditorium,
intravi.

Q

Iam

bulationibus usi, ad constituta officia dilabebantur. Ego vero jam nimis cognita familia, fugam è custodia moliebar. Sed illa mihi facilis videbatur, quippe nulla mœnia cernebam in incinctu, quæ fugitivum morarentur. Omnia aperta in planiciem vicinosque montes aspectum trans mittebant. Cæterum huc & illuc dispersæ portæ stabant omnino ad illum numerum, quem Amphion suæ urbi esse iussit. Illæ mirabili artificio extructæ, fortissimis ut videbatur claustris foribusque rigebant. Non potui satis admirari, quomodo illæ portarum moles nudam aper tamque arcem, sine muris, aut vallo, aut ductæ fossæ mora, tueretur; easque ut inutiles satis imprudenter derisit, ac cum omnia satis perspecta viderentur, secutus illam viam, quæ in proximum montem compendiosissima apparebat, intra limites periculosissimæ arcis tendere cœpi.

Sed cum pervenissem ad locum, ubi murum oportuerat esse ductum, repente intricatus, & hærens, & ipse ob inutilem moram mihi iratus, cum impedimentis pugnabam, quæ nec tangere poteram, nec videre. quippe veluti tenuissimis retibus hinc & illinc implicabar, & tenacissimam indaginem, quo vehementius nitebar, in vincula & nodos arctiores provocabam.

366 EUPHORM. SATYRICI
Iam pene incideram in casses, ut nec
progredi nec recedere possem: sed ante-
quam laqueorum subtilitas pertinacius
coiret, retrocedere subito cœpi & cum
maximo horrore admirari tam tenua
claustra, quæ nec oculorum sagacitas de-
prehendisset. nec ipsæ manus, nisi in ca-
ptivitate sua, sensissent. Iam Vulcani do-
li, & nota cœlo fabula, ligatique, non
simplici nexu, Mars & Venus, in me-
moriâ redibant; jam ex Lemnio igne
catenarum seriem esse jurabam, quæ pro-
digiosam includeret arcem, & tum de-
mum veluti victrici fortunæ supinas ma-
nus dedi, nec minus Superos inferosque
Deos accusabam, quod juventutis meæ
validissimum fervorem immerito carce-
re damnavissent; & cum maxime benefi-
cium simularent, velut Aspidem, inter
Cleopatra collaverant fides.

Ultimum remedium erat, exitum per
angustias portarum, non dissimulata fuga
percontare. Nam cum nihil amplius
monstris vacuum sperarem, ita neque ali-
quid in ultima desperatione metuebam.
Succurrit animo, ire, & si qua custodia
moraretur abeuntem, invocare Deorum
omnium fidem, eumque maxime Iovem,
qui violatis hospitibus succurrit. Devove-
re deinde crudelissimam gentem, nec
quo-

querelis imponere modum, antequam aut meæ vitæ exitum, aut calamitatem invenirem.

Tam robusto consilio ferocior factus ad proximæ portæ limen jam excogitatis verborum contumeliis, evado; cum ecce in ipso impetu ipsaque audacia mentis, occurrit Acignius, miti quietoque vultu, & non cogitantis lacertum tenens, intentam iracundiæ mentem & oculos in se convertit. Nec rogavit confusionis meæ causam; sed de valetudine quæsiuit, tam potentibus verbis, ut pene me obliviscerer esse iratum. Sed cum ego illi animum meum de discessu significassem, & ille in contrarium argumenta consumpsisset; tandem iratus oculisque paulatim horrentibus, abire me jubet, quando meæ felicitatis tæderet: nec longe pœnitentiam esse, & errores, tam securum temnentibus iter.

Cum discessisset post terribiles minas, tactumque animum excitasset in diversa, nihilominus urgere discessum meum cœpi; & ut eram portæ vicinus, primum diligenter circumspexi, si qua hominum manus in claustrorum præsidium staret. Nihil autem aliud vidi in aditus angustis, quam anum nescio qua sollicitudine gravem. pallidissima erat, & macies

368 EUPHORM. SATYRICI
extulerat ossa, nec compositi oculi terribili luce micabant. Cæterum huc & illuc cursitabat per angustias suæ portæ, & nescio quid ad digitos computans, nunc se velut ad consilium sevocabat, interdum turbido nutu quod censuerat averfata, secum ipsa mirabiliter pugnabat. Rerum quoque levissimarum pondera examinabat ad lancem, veluti stipularum levitatem, aut arenulam ad numerum injectam. Ac illius quidem nomen erat ingentibus literis, minioque fulgentibus in superiori fastigio portæ scriptum, Hieromerimna. Cæterum tanta frequentia per eundem aditum arcem irrumpit, maxime adolescentum atque senum ut habitatores sufficere amplissimæ sedi possit.

Non placuit mihi tam difficilis locus, exitumque molliorem per alias portas quæsi. Septem erant, & singulæ suis Numinibus notabiles, quæ in præsidium excubabant. In proxima porta huic, ad quam Hieromerimna se inutiliter mæcerabat, eminebat virago pessimi vultus, quæ Ælpidis nomine vocitabatur. Per eam portam nemo intrabat nisi turbulentis luminibus turgens, & inter iracundiam doloremque trementibus. In proximo vero limine Penia consistebat, squalida veste,

veste, sparsoque capillitio inculta. Et illa frequentissimum agmen trans mittebat in septa. In vicino deinde præsidio Andrania erat, solutis poplitibus languens; recipiebatque turbas, quæ inertiae licentiam amabant.

Ego, ut indigentius observari illam portam, non sine animi gaudio, adverti, ratus iter commodum fugienti, tamen ulterius progressus sum, ut viderem, quibus numinibus tutela cæterorum liminum credebatur. Erat autem in una quidem Philotima, quæ cæruleis vestibus ostrove splendentibus, pene totos parietes onerabat: in altera vero Glykyte illa multiplici pallio intimum absconderat pectus, risuque minime duraturo quemlibet venientem salutabat. Neque alii veniebant ad illam, quam adolescentes tenerrima ætate, & veluti materni lactis consuetudinem requirentes.

At vero in ultimis claustris, omnino alia species nihil tale expectantem confudit. Erat enim matrona exercitatissimi vultus, & in quam invidia non diceret, Arete appellabatur.

Cæterum quoscumque intromiserat in arcem sincera hilaritate diffusi ex incessu inter cæteros noscitabantur.

Cum omnia perlustrassem, & jam maturum ad fugam tempus esset, ego, pulsata Adrania, per illius portam præcipitata diligentia prorui. Neque illa revocavit abeuntem, & per molliissimum agmen, quod ad ipsam properabat, excitati supercilii minis, ipsoque corporis nisu, viam inveni. In hunc modum ex tristissimo carcere egressus, quàm maximis itineribus in Scolimorhodium præcipitabam fugam. Erat semper in oculis pavitantis Acignius, & cum virgula creperat vento, jam me reprehensum, & ad Eutychiam deduci miserabili horrore credebam. Et quid, cogitabam, si percussores notis viarum angustiis præcurrunt? Quid non infestum existimem in solitudine, cum nulla urbium claustra grassatores excludant? Quicquid est, Acignii periculo vivo; & si me ab illo fugientem calamitas excipiet, difficilior amolietur invidiam, quam vulnus Paulianum Gephyrius excusat. Tandem ad lacum perveni, nullo Oceano minorem. Illinc rates in Scolimorhodium solvunt; & jam melioris patriæ aura videbar affari.

Thebani ad Septentrionem latissimas obtinent terras, & ab Eleutheria ad Sarmatas excurrunt: gens laborum plus quàm indu-

industrię capax, & omnino Bœotia sua digna. Illis Aquilius per internuncios imperat; ipse plus quam Assyriorum Principum solitudine inclusus, otiosam majestatem ineptissima gravitate damnavit. Igitur cum in Scolimorhodium cogitarem, jamque in extremo Eleutheriæ oppido quærerem ratem, forte unus ex Thebanis in eadem urbe erat, pinguis-
simus homo vultuque regii coloris & seminudum calvitie caput ostentans, nomine Trifartitus. Is ab Aquilio ad Tessaranactū in Scolimorhodium mittebatur: ac ut forte in eodem diversorio fueramus, me quoque in instructum navigium benignissime induxit. Cæterum idem stupor, qui à subtilitate ingeniorum Thebanos excludit, ab ingentibus quoque vitiis prohibet. Nihil facilius ad amicitiam vidi, fidemque inter vina sancitam velut extremam religionem non violant. Ego inter adulationum magistros diutissime versatus, statim incautum occupavi blanditiis, intentumque suis laudibus ad amicitiam compuli. Sed cum jam in conspectu Scolimorhodia esset, lacus nigrescentibus undis intumuit, subitæque nubes eripuerunt cœlum tementibus navis. Neque tempestati modus fuit; & jam veluti continuis aquis, cum nubibus coi-

Qs

verat

372 EUPHORM. SATYRICI
verat lacus. Haud mora, securi percuti-
mus malum, & omnia subducimus fu-
rentibus ventis. Iam clavus non sequeba-
tur ducentem, jam latera laxabantur ad
fluctus, cum ingenti statu in Septentrio-
nem propulsi, jam nec salutem quidem
invocaremus.

Thebani, quicquid in ratem compor-
taverant, ad certamen perdebant; veriti-
que ne pondera deducerent navem, ad ul-
timum patrii vini cados inter miserabiles
ejulatus effuderunt in fluctus. Quatri-
dum naufragii minas tempestas irata
protraxit. Quinta luce interruptis nubibus
enituit cœlum præliumque undarum ex-
tremis fremitibus elanguit. Interrogabat
gubernatorem Trifartitus, an syderum
memoriam servaret, & astrorum indiciiis
posset ad regionis novitiam pervenire. Ille
gravibus suspiriis cunctantem persecutus
silentio damnabat suam artem, & confusa
omnia cœli terræque argumenta confite-
batur. Tandem evanescente metu, ipse
nautica acu doctus proclamat, nihil un-
quam illa tempestate benignius fuisse, &
quoniam ventus Scolimorrhodiam non
dederat, saltem se in patriam felicissimo
errore compulsos.

Iam in conspectu littus erat, & Thebas
non inde procul esse constabat. Tum
omnes

omnes excitato plausu navem in portum deducunt, egressique in arenam, passim osculis patriam terram & salutem adorant. Trifartitus reparari navigium, unumque & antennas & malum, ex proximis vicis & nemoribus quæri jubet. ipse ad Aquilium rediit qui & tempestatis moras excusaret, & si quid forte novi succurrisset, recentibus imperiis oneraterur: meque in urbem secum humanissime deducit. Iam id olim sciebam, neminem ad Aquilium admitti; nec tam insolentis beneficii genus apud Trifartitum urgebam. Sed ille me sponte in regiam deducit, jubetque in atrio expectare inter proceram Thebanorum multitudinem, qui mihi umbram corporibus faciebant, & post aliquot horrarum fastidium ab Aquilio regressus, interiorum meam manum excussissima dextera pulsavit, & ne putes, inquit, nullam gratiam amicitiae meae esse, videbis domesticos Aquilii cultus, tibi que plus quam Mathematico aut Pictori secreta familiae patebunt.

Cum hæc dixisset, benignissima manu ex atrio produxit; in domum, evolutumque ex porticibus vagis tandem constituit ad intimum Aquilii limen. Ibi tam sincere omnia silebant, ut cereri sacrum fieri putarem: Igitur & ipse utrinque

374 EUPHORM. SATYRICI
spiritum coercebam, cum Trifartitus, modestissima manu, silentis ostii seram, & ipsam mutam, resolvit. Cæterum hanc mihi intrandi legem dixerat; ut ab ipsius non secederam tergo. Ita, inquit, optima fide omnia lustrabis, quæ nobis, utpote secretissimarum rerum ministris, patent; neque à me declinans, & per diversa vagus, in ignoti cultus officia peccabis. Parui ego monenti, & ad mensuram motuum suorum gestus meos figuravi, nisi quo leviter declinaveram cervicem ne omnino inutiles oculi essent.

Ac ut in thalamum Aquilii veni, hominem jam supra mediam ætatem vidi præcipitantem in senectam; statura mediocri, vultuque optimo, & quem indigne voluntaria solitudine damnavit, sed fluxis & turbantibus vestigiis oris majestatem corrumpebat & omnino indignatus sum Veneri, quæ saltem non percerat nomini charissimorum nepotum.

Itaque ut ad satietatem oculorum omnia eius lineamenta in animum transtuli meum, converto ad elegantiam sedis vultum. Et hinc quidem imagines stabant, non quæ memoria bellorum secreti delicias turbarent; sed venustissimi vultus puellarum erant, exculti supra verum,
rum,

rum, & quos posset natura imitari; ut ego Aristidis vel Pausaniæ, aut etiam Nicophanis labores putarem intueri, quos meretricios pictores antiquitas vocavit. Illinc vero supra mensam orbem duo, in quorem uno terrarum situs & maria pingebantur: in alio vero syderum motus, & universæ coelorum leges aptissimis coloribus erant scriptæ. Illic aureus Phœbus, & vermiculata Venus erat. Luna vero cælabatur argento; & prope igneum fecerant Martem. Iovis autem hilare signum, & nitens Mercurius pene arridebat spectantibus. Denique malignitatem Saturni livido minio, pallentique damnaverant. Flexuosum iter Solis, imagines Leonis atque Tauri signorumque omnium animabant. Iacebant supra mensam aliquot libri, laceffentibus digitis jam ad squallorem detriti. Præterea coelestium orbium figuris aliquot in locis excusserat picturam nimis diligens versatio, maxime in Solis & Mercurii planetis, qui quacunque decurrunt per illam cœli imaginem solertissima monstratione signatur.

Neque advertere hæc poteram, quæ vicinorum curiositatem oculorum petebant, nisi Trifartitus vir benignissimus me ad hæc indicia digiti humanitate deduxisset,

duxisset, (nam Aquilius alvum levare voluit; & amotus extra aulæum, locum fecerat inter nos colloquendi.) Igitur cum rogarem, cuius artificis nobiles figuræ essent, quæ meruerant ab Aquilio tractari. primum; inquit, te scire oportet, nihil hac sollicitudine Aquilii laboriosius esse; nec ipse industriam cum aspectu hominum omisit, sed ad curiosas artium aliquot voluptates transtulit. Cæterum in his imaginibus, & fœminarum picturis, non ejus studium tantum, sed etiam opes vides. Libertatum amorû conjugio præponit, & vagæ voluptates ad ipsius arbitrium examinantur. Nam ut venustissimas species mulierum libido in animo finxit, omnia in tabellam eruditis coloribus transfert, & imaginationis lineamenta secutus, votum suum in pictura confitetur. Appelluntur deinde pellicum greges, virginæq; quibus multum est, id nomen sub Aquilio exuere. Ipse sibi probator formarum vultus mulierum ad similitudinem imaginis exigit, & quam propius ad illam venustatem natura admovit, duarû, interdum trium noxium fortuna donatur. Etiam si cuius amore vehementius exarsit, si in alicujus amplexibus dulcius animam egit, non statuat in rostris, sed imaginem, sua manu exaratam, in thalamo decernit.

Hi

Hi vero terrarum cœlorumque orbes, imaginem Aquilianæ potestatis ostendunt, & quotidiani laboris industriam, quo ipse in abdita naturæ perrumpit, & invidiam Deorum superat, qui res pulcherrimas latere mortales voluerunt. Iam crySTALLA non æterna hyeme cogere, jam exprimere metallorum animas potest, & omnia Solis miracula in temperatum foculum convocare; etiam ignorantem naturam suas vires edocere; vitales autem succi; & qui supra Æsculapii artem invidi Iovis provocant fulmen, his artibus exprimuntur, & ne indiserta oratione detraham pulcherrimæ arti, expectabant hæ scientiæ Aquilium, dedignatæ à minoribus viris, veluti imparibus procis amari. In eas Aquilius dies noctibus adjungit, & ne distractæ curæ diligentiam turbent, cæterarum domi forisque memoriam amittit. Cum hæc Trifartitus ad sudorem & anhelitum dixisset, Aquilius lubrico passu processerat è secreto, vocatumque Trifartitum, brachias superiori vesti annectere, imperabat. Ego me ad parietem junxeram, & ipsum intexto auro sericoque fulgentem, ac dum veneratione tantæ sedis incerti oculi in diversa dissipantur, inciderunt in imaginem, antequam sane, sed in qua
nihil

O quoties plenis maturum messibus arum
 In stragem servare deos, flavaeque videres,
 Pannodium armato perverti turbine messes?
 Nulla fides campis. Campos odere coloni,
 Atque arces vallumque petunt. Nec mania
 multum.

Heu pavidos quassisse juvat. Nam claustra
 pererrat

Hostis, & obsesse frangit munimina porta.
 At vero erectis quoties exercitus armis
 Hinc atque hinc sine lege furit, taboque ca-
 lentes

Protinus immensis constipat cadibus omnes,
 Que tantum immixtis horrens insibiat Arctos
 Nubibus, aut raucis tantum gemit unda sub
 Euris?

Tela volant, Scythicis plumbum torquetur ha-
 benis,

Spiculaque & dira currunt per inane sagitta.
 Tunc enses lethale micant, tunc fulmina campis
 Salmoneo maiora sonant. Stermuntur ubique
 Arma, viri. Nec spes immensa in strage se-
 pulchri.

Ni membris & cade tegi; dum jugera crescunt
 Mortibus, & planos attollunt funera campos.

Et nunc Ætherei superant vexilla Tonantis,
 Nunc Luna peiore cadunt, cum turbida par-
 dit

Cornua, Thejsalicy heu digna horrere venenis.

*Seve Pater belli, misera sat gentis in arvis
Sedit atrox bellum, nostrumque exterruit orbem.
Arma domum, Gradive, refert (quid Thracia
cessant*

*Orgya) & Odrysios concede ad praelia campos.
Illic Hesperias pulchrum vidisse catervas ,
Illic dulce mori. Felix victoria cuius
Constabit satis. Tunc O fortissime Mavors,
Sanctus oris , nullaue gemant pia funera ma-
tres.*

Dum in hoc silentio compositus, carmen, quod non mediocriter placebat, in memoriam repetita lectione perduco; notavi ad vicinum parietem aliam imaginem, in qua vidi Protagonis simillimos vultus. Fingebatur autem aliquid scribere in Moreto, quasi non satis antiquissimus Poeta absolvisset hoc carmen. Ac deinde cum effusissimus imber sub dio ambulanti impeteret, fugiebat ad proximas sepes, & cuniculum, qui in illis latibulum defoderat, acerrima observatione quærebat: Neque procul Lippii faciem agnovi, cum sua uxore, & aliquot antistitibus populorum suorum fata (instar Parcarum) ducentis ex colo. Ac cum hæc impensius mirarer, increpuit ostium leniter, ut videbatur, digiti articulo tentatum. Nec mora, nescio quis
lin-

lintheo purissimo præcinctus, ad Aquilium intravit, vitroque purissimo exiguum liquorem hilarissima fronte ostendit. Aquilius, quicquid erat, crepitu manuum collandans examinare cœpit ad lucem, & cum homine suavissime loqui, cum à Trifartito quærerem, quisnam esset tam illustris familiaritatis homo? Hebræus, inquit, quo nemo gratiosior in regia vivit.

Hæc dicente Trifartito, Aquilius cum Hebræo thalamum egressus, contulit se in scientiarum amabilem locum; ubi complures fornaculas vidi, ac vitrea ac argenta vasa, quæ humores in altum evocatos per obliquas fistulas reddebant. Artifices vero & foculorum ministri, pars versicoloribus pellibus præcincti, acapuum ad pondus ingerebant, pars vim liquorum viventium, quos ignis ex vasculis exegerat, diligenti examinatione pendebant. Omnem operis partem frequens sedulitas implebat.

Delectatus tam fideli labore Aquilius, diffusissima fronte gaudebat. Ac ne quidem ego pulcherrimæ artis ordinem, sine aliqua voluptate, aspiciebam: cum Aquilius vasculum deposuit de foculo, & hic, inquit commendata est spes præcipua laborum meorum, & nobilissimæ fasti-

382 EUPHORM. SATYRICI
fastigium artis. Hæc dicentem, lubrica
materia elusit (erat enim vitrea) & ab incautis
manibus labens, nefando in terram
ictu secum Aquilium, & nobilissimam
artem afflixit.

*Qui tremor illicita cæli de lampade tactos,
Percutit attonitum; pariterque horrore sub uno
Vox, animus, sanguisque perit.*

Stabat Aquilius, veluti turbulento
somnia delusus, & ipse in tantæ perturbatione
calamitatis se quærebat. Ex altera
parte famulorum eiulatus deplorantium
felicissimi vasculi ruinam, totam cellam
impleverat; commendabantque gemitus,
& ipsi vix ad plorandum fortes, ut
non intercidiſſe vasculum aliquod, sed
omnes deos occisos esse putares. Igitur
plangentibus universis, & ipse, ne viderer
otiosus miseriarum spectator, incipiebam
exorare lachrymas ab oculis, bis terque
pollice attritis, ac Trifartitum, ubi esset,
intueri. Sed ille jam defecerat, sedensque
ad lacunam quam effluens impleverat
humor, eâ linundantibus lachrymis augebat.
Et jam redierant Aquilio sensus;
sed deerant verba, quæ in tanta calamitate
effundere posset.

Itaque cum lamentabili vultu nihil
ali-

aliud , quàm fragmenta miserrimi vasis contueretur. Ipse Trifartitum monui , ut se virum meminisset, id est , colligeret in præsens animum , meritissimo quidem dolore dejectum , & Aquilium , priusquam expiraret, à conspectu illius liquoris, veluti paterni aut conjugalis cadaveris, amoliretur. Pudebat Trifartitum expectasse, ut ab externo moneretur. Itaque consurgit ad officium domini pene supremum : & cum eo juvenis quidam præpinguis rarissimæ barbæ, qui omnium modestissime calamitatem tulerat , quippe ante biduum, dum cœlorum meatus, & decreta perlustrat, illud fatum præviderat ex contumacibus astris. Igitur illi conjunctis viribus, cum me etiam in auxilium advocassent, velut efferrent Aquilium, nihil repugnantem asportant , personabāt omnia funebri planctu, & omnes secretissimæ artis mystæ, cum acerbissimo clamore, sequebantur. Nescias, an Aquilium, an vasculum gemebant. Ille male consoporatus cum ad doloris sensum turbulenta vigilia redisset , velut recenti vulnere ictus, exclamat; ergo superstes deorum iracundia vivo? & hæc quidem dicentem , ipsæ indicis venæ cum oratione defecerant. Igitur fomentis aggredimur languentem, vultusque & præcipue

384 EUPHORM. SATYRICI
cipue narium spiramenta, acerrimo li-
quore perfundimus. Ac cum iterum in
soporem laberetur, digressus ex mole-
stissimo munere in diversorium meum
pervolo.

Nec ibi diu hæseram, cum Trifartitus
servum, & ipsum tuberosissimi ventris,
ad me misit, qui ad coenam, ad quam
aliquot ante horis promiseram, duceret.
Videbatur mihi exorta lux in periculosa
nocte, & Aquilium, quem jam optima
fide comploraveram, omnino existimavi
ad vitam rediisse; quoniam domestici
mensarum, & hilaritatis meminissent. I-
taque quotquot occurrebant in urbe (nam
universi tam atras vestes sumpserant) de-
tergere lacrymas jubebam, & in natalitiis
vestibus diis sacrificium apparare. Neque
me conjectura decepit. Etenim Trifarti-
tus in simplici quidem veste, sed manan-
tibus effusissimo sudore genis, in aditu
domus stabat; qui ut venientem me aspe-
xit, attrivit amplexibus pectus, & ut A-
quilium mirabili fortitudine revixisset, re-
citavit, pene ipse gaudio extinctus, dein-
de rapuit in tecta, & in triclinium dedu-
xit, quod ignei vaporis ex fictilium im-
pleverant æstu. Nulla in conclavi flam-
ma erat. nam & caminum in obscurissi-
ma parte celatum etiam compluribus
velis,

velis, veluti ædium carinā damnaverant.

Longa fuerit series pompæ, quam si percenterem, tam ego fatigare audientes possem, quam ipsa me lassavit. Inter hæc, importuna convivarum benignitas me præcipue afflixit, quorum ut in triclinium quisque intrabat, me, utpote peregrinum hominem, & cuius honori solemnitas epularum parabatur, acidissima oratione verberabat. Ego vero credebam aliquid ex antiquis monumentis referri; quoniam ea loquentium facies erat, vocisque stabilitas, ut putares pueros ludimagistro imperatam pensionem memoriæ afferre. Tandem supervenit Trifartitus ad anhelitum lassus, excusavitq; epulerū tarditatē; & interim gustatione vini initiari convivium iussit. Cæterum jamdiu convivarum gravitas molestissima mihi erat, quoniam post primæ salutationis fastidium nulla jucunditate deliniebant morum, & inepta omnium majestas tam funeri conveniebat, quam mensæ.

Tandem ingenti paropside invec̃ta est in triclinium offa, redolentibus herbis, & maxime pipere medicata. Erumpebat ex paropside fumus, tenuis quidem, quoniam pinguis̃simus liquor tarde vaporem dimittebat; Sed qui singulorum vim odorem excitaret; veluti canes fragran-

386 EUPHORM. SATYRICI
grantibus ferarum vestigiis monentur. Igitur considerare iussi sumus, nullis dapibus evocati, præter hanc offam, quæ sane pene totam mensam tegebat. Paulo minus integra hora designatio locorum consumpsit. Et illi mox compoliti tanto silentio scrupulosam honestatem expendebant, ut eos non minus offam venerari, quam Aquilium, putarem.

Ego Gallici moris memor, statim in cibum irruui, pulmentique eminentem supra disci ripas acervum injecto cochleare destruxi. Secuta est me principem turba; & omnes parum variantibus oculis (id enim ad majestatem pertinebat) etiam manu in mensam eo tonore deducta veluti muscos concentus gubernaret, pinguißimam offæ molem expugnant. Cæterum qui in extrema confederant mensa, illi veluti spectatores convivii vacabant, & tantam nostram felicitatem contuebantur. Quod ego præcipue admiratus, eum qui proximus mihi erat interrogavi, quod illi facinus admisissent, qui nec ipsi ederent, & in convivarum conspectum perducerentur? Ille neque reos esse, & nostris epulis successuros, respondit. Inter hæc verba converto ad paropsidem vultus, quam vicinorum meorum humanitas jam trans miserat ad illos, quos
inuti-

inutiliter assidere questus eram, & ipsi aliquando vice nostra vacavimus.

Ac cum aliquantulum cessassemus, iterum unica lance reparatum est convivium. Perna & glandulæ inerant, & exficcatae bubulæ rubor, & cæruleis aliquantum lineis variatus. Refecti tam mirifica suavitate cibi, iterum lancem in vicinos transmittimus; ac deinceps ita ferculis ad ostentationem paratis (quippe plusquam quinquaginta sunt illata) usi sumus, ut gustatione facta in imos mensæ fines succedentibus manibus veheremus. Cæterum neque lances simul duas in convivio vidi, & antequam explicaretur tam prolixus ordo ciborum, jam mediæ noctis processerat tempus, meque utpote fatigatum molesta voluptate trahebat in somnum. Illud autem diligenter adverti, quicquid torruerant igne, exhaustis humoribus pene cineritium afferri. Cæterum pisces nunquam memini tanta suavitate conditos vidisse; ut hæc culina in eo genere crudire orbem possit.

Laxabatur interim convivarum taciturna majestas, & solvi in hilaritatem videbatur, ut cum indignatio ventorum primas undas suspendit in mari, solvitque tranquillitatem magis, quàm excitat fluctus. Iam increbrescebant pocula, & paulatim

R

latim

388 EUPHORM. SATYRICI
latim perierat convivalium scrupulositas
legum; momentoque me totum longa
poculorum sepes obsederat: Interrogavi
Trifartitum, quid me tot machinæ mo-
nerent? Ille autem blandissimo annuit
vultu, rogavitque, num singulorum ami-
citiam ducerem tanti, ut illam modico
haustu quo provocaverant, sancirem.
Omnes idem petere ebrio plausu signifi-
cabant; cum etiam Trifartitus monuit,
nec id officium repudiari integra convi-
varum gratia posse.

Ego pene lachrymas in tanta calamita-
te profudi, rogavique, ne me suis amici-
tiis occiderent; & misericors Trifartitus,
quippe esse veros gemitus deprehenderat,
advocationem meam suscepit. Ægre
tandem impetravimus, ut nihil nisi po-
cula libarem. Ad hanc pacem cum su-
stulissem plausum, ac lætissimis verbis hu-
manitatem commendassem, coepi fœde-
ris conditiones implere, & notabilem
convivii exitum diligenter contempla-
ri. Iam enim eruperat tempestas, & o-
mnia temulentorum vocibus personabāt.
Omnes affectus cerneret, in quos solutas
mentes insania Lyæi transformat.

Appetebat jam Aurora, ut facile ex
gravioribus oculis conjiciebam; cum so-
lutum convivium credidi esse, remotis
scili-

scilicet mensis, & assurgentibus aliquot, quibus modestior ebrietas reliquerat pedes. Reliqui tanquam sordidissimo funere in vicinos lectulos efferebantur. Tunc ego in memoriam revocatus Vlyssis, qui voluptatis blandimenta, velut hominis interitum, apud Alcinoum proscribit; illud Thebanorum convivii adfuisse haud immerito cogitavi. Nam ad Cimmerios in vicinia fuerat, & illinc ad sepulti orbis caliginem invenerat iter. Nihilominus & ipse fictis vocibus Trifartito gratias ago pro suavissima nocte, & molestissimi carceris fores non satis sanis oculis quæro, vino vigiliaque turbatus. Verum ad ostium satellites aliquot stabant, qui me exeuntem turpissima benignitate revocarunt; nondum missionem factam Nysæo sacro causati. Tum maxime recrudit bibentium certamen, neque me vix prioribus malis luctantem ille fluctus omisit. Astiterunt ineptissimi amici, & ructantibus verbis rogaverunt, ne omnia jam ad finem spectantia præmatura discessione turbarem. Præcipue Trifartitus considerare me iussit, quota pars convivantium jaceret, quota autem in pedibus esset, qui certe, inquit, de convivio querentur, si eos sobria vestigia reduxerint domum.

Parui ex templo hospiti, etiam periculo meo. Erant enim undiquaque propinantium scyphi, quos mihi convivarum barbaries parabat, innumerabiles quidem, sed ne omnia solatio vacarent, illi pene sicci, & tantum exigua veluti libatione onerati. Sed ut ingentia flumina ignobiles rivuli componunt, & simplex assiduitas terit ferrum; ita ego his lataginis plenus eram, & periclitabar corrumpere mentem; cum apertæ publico consensu fores dimisere volentes. Frustra gratulabar mihi de libertate nova. Etenim aliquantulum progressi in aliam custodiam incidimus, & illam non minus inhumanam; ubi tribus poculis invitatus, cum consulerem corpus, possetne ad extremam necessitatem durare, ex convivis duo seminanimes procumbunt in terram, Inundaverant solum reducis vini fontes, & odore turpissimo corruperant locum: cum alii jacentes attollere, nec ipsi benefani; alii solutissimo risu elatos prosequi cœperunt

Ego commoditate temporis usus, inter bacchantium tumultus elabor, donumque nec jam satis synceris pedibus quæro. Postera luce, acerbissimo dolore afflictus sum, & mihi intestinis pulsibus caput colabebatur in partes. Itaque abstinui a
con-

confortio Thebanorum, & dum appararetur navis, quæ Trifartitum in Scolimorhodium veheret, causatus intemperiem stomachi, ingrata conviviorum beneficia vitavi.

Tandem ex Bœotia commodissimis solvimus auris, votoque celerius destinatam attingimus terram. Sed mihi non placebat ad Tessaranaetum cum Trifartito ire, & indignabar Legati opibus niti. Quippe Tessaranaetum audiebam supra antiquitatis vanitatem, Heroas Xenophontios fingentis, admiratorem virtutis & miraculum esse. Me autem charissimum Musis communissima omnibus vanitate credebam. Et nondum in illis gentibus Themistii aboleverat nomen. Itaque Trifartitum reliqui, nescio qua excusatione usus, & cum peregrino ex Icolonte, qui ad Tessaranaetum etiam tendebat, ociosis itineribus sum profectus.

Forte feriata dies erat, & nos itineris laborem levabamus innoxiiis jocis, cumque Sol fervidius æstualet, confedimus inter arbores, quæ rustici prædii tecta amœnissima nocte cingebant. Ibi quoque risui indulsimus, conquisitaque lætitia molestissimas fefellimus curas.

Iam processerat ad cantum hilaritas
R 3 nostra,

392 EUPHORM. SATYRICI
nostra, cum ex vicina domo videmus aliquot servos, in purissimis togis, ad nos mirabili lenitate tendentes, prona omnibus ora; oculique puellari verecundia dejecti. Illi nos succedere tectis orant, seque ab ædium domino ad hoc missos benignissima oratione confirmant. Vtimur tam commodi humanitate viri, & præcedentibus servis hospitalessubimus lares: momentoque in interiorem thalamum deducti ad patremfamilias sumus; ubi ipse in hemicyclo ad Tulliani Scævolæ majestatem sedebat, sanctissima severitate vultus, demissisque luminibus, & in promissam intuentibus barbam. In purissima veste erat, nihilque circa eum notavimus, unde squalor ambitiose non esset exemptus. Plane hominem frugiputares, & qualem non violasset olim licentia Gallorum, si in curuli capta urbe confedisset.

Ac ut illius intravimus sedem, ipse brevissima salutatione venientes excepit; cæterum tam largos profundere fletus cœpit, ut omnino timeremus, ne alicuius acerbitatis memoriam noster adventus renouasset. Horrentibus nobis, planeque mirantibus, quod novum humanitatis genus esset tanto luctu hospitii gratiam violare, ego propius ad Hemicyclum access-

accessi ; vultuque quantum simulare potui confuso repentini doloris causam rogavi. Ille manu verberatam quatiens sedem , nutuque multiplici cervicem inflectens, nihil quidem sui causa commoveri respondit, periculo nostro : neque enim quemquam inultis criminibus lacesse patientiam cœli. Exhorruimus omnino tam confusæ accusationis invidia inundati , mutuaque admiratione suspensi, modo nos, modo senem in gemitu perseverantem , sæpissime innocentiam nostram intuebamur.

Nec dubitavi quærere ; quam in nobis flagitii suspicionem invenisset. Ille vero humentibus oculis mœstus , cæterum aliquantulum mutato in iracundiam vultu, & hoc etiam rogatis inquit , quasi in Scythica feritate, & divini juris barbaria educti ; nisi forte etiam ignoratis, quam sit inexpiabile crimen die feriata suscipere iter. Viam præterea (quod abominor loqui) non feria Numinis memoria , sed omni libertate ludorum , solutaque remissione celebrastis, etiam polluistis innocentiam ædium mearum jocositate intempesta, cum de via fatigati in proximo consideretis, & tecta mea infelicem umbram vestris sacrilegiis præbuerunt.

Post hanc
ora-

394 EUPHORM. SATYRICI
orationem cum omnino stupore conta-
cti, tanquam Numinum coelestium va-
tem adorassemus, veniamque inconsul-
to adolescentiæ errori deprecaremur,
ipse habitis honoribus mitigatus, nihil
de coelorum lenitate desperandum osten-
dit, si lachrymæ nostræ emendationem
bona fide sponderent, jam Superos quan-
tum deliquissemus ignorare.

Refecti tam mirifici spei benignitate
sumus, ac tum socio meo libuit inquirere
sanctissimi senis nomen. Ille spiritum a-
liquantum ad cogitationem collegit; &
quidem mallet, inquit, vos ab aliis ac-
cepisse: ceterum ne sciscitantes molesta
taciturnitate suspendam, ego sum Ca-
tharinus ille, cui sacrorum factiones tam
candidum nomen fecerunt: & ut de me
fateri audeam, moribus inter primos vi-
vo, religione inter nullos. Tam superba
probitate commotus sum, ut plura de
sacrorum cultu & vivendi modo inter-
rogarem: incertus an vanitas ambitionis,
an sincera pietas, peperisset Catharini fa-
stidiosum nomen. Ac cum senex repe-
rita clarius tussi velut familiæ signum de-
disset, omnes ad illius orationem mira-
bili diligentia convolarunt. Nobis etiam
stratæ sedes allatæ, ubi compositi coele-
stium oraculorum auctoritatem excipe-
renus;

remus; ut jam ego nunquam cassus miseriarum vates, ariolarer ex tam religioso apparatu, nos molesta senis oratione hospitii gratiam empturos,

Sedato ille venientium tumultu, cum omnium ora oculosque in eum expectatio defixisset, in hunc prope modum cœpit. Primis temporibus, cum nondum ex humano genere cognata astrorum semina abolevissent, & inter superos mortalesque, non virtus, sed habitatio, discrimen constituisset, patebat in astra merentibus via; & cœlo mortalitas pene libere commeabat. Testes Herculis Liberique fama nepotibus sacra, & tot humanorum corporum formæ, quæ viventium syderum numerum auxerunt. Sed posteaquam virtutis præmio libido occupavit, & nihil honestum inter homines credi cœpit, quod non voluptatem promitteret; dii corruptam humanitatem averfati, præcluserunt limitem cœlorum, & flagitiorum gravitate suum æthera onerare timuerunt.

Igitur amissa æternitatis via superiorum sæculorum infelicitas laboravit, & omnes excogitata sacrorum novitate plus etiam deorum iracundiam sollicitarunt. Tandem paulo supra ætatem meam aliqui sacrorum ineptias aspernati sunt, de-

396 EUPHORM. SATYRICI
traxeruntque ineptissimis superstitionibus
larvam, aut ut melius dicam, detrahere
sunt aggressi. Stupuerunt enim in cona-
tu, velut tanti operis immanitatem demi-
rantes; contentique ex religionum agro
succidere virgulta, noxiosissimas radices
tangeret imuerunt. Ego tandem sum, ho-
spites, majorib. fatis natus, qui, ut primum
ætas magistrorum licentiæ me subduxit,
& purior quædam doctrina cœli munere
inundavit, non tenui gemitus in tanta ca-
lamitate mortalitatis, cum omnes, qui
duodecim seculis vixerunt, viderem ve-
luti caliginosa nocte per præcipitia & im-
mensas voragines prolapsos. Ac quod me
maxime movit, nec unus eo spatio in
hunc orbem est ingressus, quem non fæ-
de in supplicia perpetua morte victura
commune flagitium perturbarit, nemo,
inquam, illa religione, quæ tum viguit, sibi
aliud eternitatis domicilium paravit, quam
impiorum carnificinam, ubi mori junc-
tissimi num putant. Viderit quidem Deus,
sed integra justitiæ fama, nec cuiquam eo-
rum debuit parcere, nec potuit. Nec ira-
scetur huic liberrimo dicto: nam & sæpe
graviora ausus sum: & tamen vivere in
hanc ætatem voluit, quã videtis. Ceterum
non minus acriter exosus istos seculi emē-
datores, qui superstitionibus pepercerunt,
qui

qui Poimenarchos, ut vocant, qui pervigiliorum tempora, qui linea sacerdotum ornamenta, cæteraque deliramenta antiquitatis, nimis faciles admiserunt; quam eos, qui omnino priscis consopiti erroribus adhuc jacent, longe in aliam emendationis viam institi, & admota severius manu, tenuissimas superstitionum fibras, etjam omnem imaginem sustuli. Cœpi damnare quicquid avorum seculum probasset, & si mihi creditis, pene dubitavi, an esse crederem Numen, quoniam in eo inepta antiquitas consensit. Ego sane grâde diligentia pretium tuli; & in familiam meam reviviscere innocetiam vidi, omnino qualem in ordienti mundo Numē primis mortalibus infudit. Nuda vota, syn-ceraque religio, nulla ceremoniarum vanitate; veluti pestiferis odoribus, corrupta. Die sacro nec apud nos via longiori commeari fas est, nec publicis scenis, aut privata ludorum conitati indulgere. Æqualitas sanctissimus amor; & si mihi creditis; plus meorum voluntate, quam autoritate mea impero. Pudore & virtutibus contineri modestiam bonorum oportet; mali nec severitate pœnarum possunt. Considerate figmenta Poetarum, qui felicitatem in aureo seculo describunt: id est, cum nulla vis paria ingenia subigeret,

398 EUPHORM. SATYRICI
ret, nec tribunalia essent, ex quibus severitas metum palloremque divideret convocatis. Sed vereor, ne antequam hoc superbissimo persuaferim orbi, dum melioribus cœptis fata cunctantur, & morbus ac senecta in ventos vires meas & animam effundant.

Dixerat, & lachrymis vultus maduere secutis.

Videbar mihi Pythagoram audire, tota charta apud nescio quem Poetam suis legibus indulgentem; & nisi commode hæ lachrymæ senis intervenissent, periclitabamur in illis sermonibus pernoctare. Sed jam detergis luminibus videbatur novam fabulam producturus in scenam, cum lepidissima uxor exerrantem labia aliquot basiolis compressit; laudabili mulier forma, emendatissimo ore, nec eminentibus oculis nec effossis, iisque subtristi petulantia vibrantibus, annorum circiter viginti. Hæc ut effluentes Catharini lachrymas combibit, miscuitque rugis maritalibus amabilem vultum; blandissimis precibus exoravit, ut faucibus pectoribus parcere vellet, jam omnia ad cœnam comparata manere convivas, iret, & hospites meliores exhortationibus factos, suavitate convivii mulceret. Amavi mulierem post hæc verba, credidique omnibus Catharini

ni præceptis potiore esse.

Igitur ut ad cœnam discubuimus, & multiplicibus ferculis excepti, pietatis antecœnanæ cœpimus oblivisci; etiam ultro invitante Catharino ad hilaritatem poculorum processimus. Ego continuo in eum lumen obverti, omnino mitigatum, & suæ severitatis tristitiam submoventem, quippe in formosæ conjugis vultum tam constanter oculos defixerat, ut putares inibi latere magnetem, qui ferrei senis conspectum in eam partem cogeret. Non tenui ego risum, nutuq; meum comitem in eandem contemplationem converti.

Cæterum nihil mirabilius mihi fuit. quàm quod extremo convivio nescio quæ instrumenta illata sunt; leviam quidem illa, politaque, sed Samia tantum. Eorum hic modus fuit, calix erat exiguæ capacitatis, ad quem pertinebat directâ veluti tibiola, eaque cavata. Catharinus autem aliquid evoluit ex multiplici charta, & in minutissimas dissectum partes in illum calicem digerit, admotaque excitat flammâ. Tum vero exundavit tenuis fumus, & se in aerem dispersit; cum Catharinus extremam tibiolam ori insertans, perductum spiritu fumum per concavos instrumenti meatus diutius faucibus pressit:

fit : donec subhorridus vapor occuparet domicilium mentis, & mirabili monstro per omnium fere sensuum receptacula laxaretur, oculi concepta lachrymarum nube tamen ardebant : nares caliginosi aeris reddebant volumina, & os omnium fornaculi imaginem figurabat, cum humanitatem lignorum nondum victrix flamma exprimit. Sequutum est ingens ac sordidum flumen, cum omnibus ostiis exciti ab hac peste humores aut concepti exundarent. Ac ne quid deformi spectaculo deesset, tam pestilens odor triclinium invaserat, ut jam malletm vel Catharinum orationem in illam horam produxisse. Invitati deinde ad eandem medicamenti suavitatem sumus, plantam mirificæ in humorum noxiam animositate esse, & in omnes morbos procul dubio valituram. Sed neque me, neque^o socium meum, tunc fatigabat vita ad desiderium mortis. Imo credimus hominem illum, ultra ad dotes quas memoraverat nobis, etjam Psyllum esse : alioqui nunquam venenum tam atrox perconisset.

Planta

Planta nocens, O lethifero planta horrida fumo,
 Quam bona diversis natura removerat oris;
 Quis te, planta nocens, tristi vectare carina
 Instituit demens, nostrisque ostendere terris?
 Scilicet infelix raperet cum secula Mavors,
 Deformis,que fames, morbi,que cadens,que sensus

(Proh dolor) & sevi legerent aconita noverca
 Heu etiam in nostras deerant hac fata ruinas!
 Quis sordes facinusque tuum dirosque vapores
 Explicet, & fædo surgentia nubila fumo?
 Talis avernali corrumpit spiritus auras
 Missus in astra lacu, morituraque germina solvit,

Vicinumque pecus, volucrumque intercipit alas,

Talis & inferni subter mala lumina Mundi
 Urget odor manes, cum lampada tristis Erynnis

Solvit, & extincta fumant post praelia cæde.
 Planta nocens, ô lethifero planta horrida fumo
 Te si semifero Cacus jactasset ab ore,
 Alcides vicisset odor. Te sæcula prisca
 Si nossent, poterant vacuis præferre cicutis.
 Et de Cerberea natam te dicere spuma.
 Tum si quis patriam violasset cæde senectam,
 Huic mites nimium flammæ, huic lenta putassent

Flumina, Fumiferi potasset nubila Peti.

Igitur post olidæ fastidium cœnæ sermonesque Catharini novos, non minus vanitate hominis, quam convivio saturati ad quietem secessimus. Sed posteaquam altiori mente omnia pariter revolui, & quæ jam in Catharini domo, & quæ olim apud Acignianos cognoveram, quæ præterea à diversarum religionum acceperam mystis, acerbissimo dolore perfusus sum, quod viderem contentiones mortalium non aliter divinis ceremoniis, quam humana lite, abuti; omnia agi supervacuo impetu, & crudelibus maledictis, quæ tamen invicem reprehendunt. Eruditos ambitu trahi, & factionibus potentes; imbecillos vero authoritatem doctrinæ aut vinum sequi. Quotusquisque, cogitabam, aut Acignianus est, aut in Catharini familia vivit, quem non impressa institutio parentum, aut suæ gentis conversatio, aut imperus nullo rationis argumento firmatus, in partes seduxerit? quam pauci maturæ mentis consilio ducuntur; & tamen illis odiis pugnamus, ut facile videas omnes sibi sapientiam imputare? O superba mortalitas! O immisericors superstitionis ingenium! quasi qui vere sentiunt, non plus felicitati debeant, quam consilio; aut quos fefellit occupata tot sensibus via, magis iracundia quam suspi-

suspiriis digna committant. In hæc verba confoporatus publicas curas cum sensibus amisi. Postera luce ad Catharinum accessi, hospitemque lovem precatus, ut benignitatis gratiam referret, destinatum iter ad Tessaranaetum cum socio aggressus sum.

Scholimorrhodia terrarum pulcherri-
ma, nunc exiguis collibus tumens, nunc
in planicies pabuli feracissimas extensa,
ubique lætissima viriditate exsultat. Ar-
borum per publicas vias ordines adulti,
sepesque quæ eminent ad securitatem pa-
scuorum, ubique imaginem sylvarum
commutantibus ostendunt. Armentorum
atque gregum tanta frequentia, ut ibi
Geryonis ad Atlantidarum fabulas po-
nere possis. Flumen erat, cuius alveum
perpetua semita stringebamus, recipro-
cantibus undis statos cursus mirabili
commoditate reflectens, passim quidem
ingentibus navigiis stratum erat, scaphis
autem remisque tam multipliciter ever-
rebatur, ut nunquam magis Xerxes Hel-
lespontum oppresserit.

Ego felicitatem regionis admirabar, &
adorabam simillimos Lusiniæ campos.
Sed populus, ut plerumque fit, nimia
fortuna saginatus, stimulos ingeniosæ
paupertatis in superbum otium mutave-
rat.

404 EUPHORM. SATYRICI
rat. Præcipue externi fastidio eramus, &
nisi ex Catharino cognovissem, tam ru-
sticum crimen tantum in vilioribus hæ-
rere, jam incipiebam averſari Scolimor-
rhodiæ fastus. Certe quotiescunque ad
magnates divertimus, etiam meæ Lufiniæ
humanitatem damnavi.

Lautissima fuppellex, & ipsum pavi-
mentum quotidianis levigatum labori-
bus, hortulique per plantarum ingenia
dispositi, fessos erroribus oculos suavis-
ſime levabant. Ipsa colloquia magna-
tum, & puellarum humanitas, nescio
quid mihi ipſo cœlo felicius videbatur.
tum convivia omni opulencia repleta,
menſæque ferculorum mole depreſſæ:
thororum deinde apparatus, & exacta in
omnibus mundicies, animum meum
etiam ultra Themiftii vaticinia permul-
ſerunt.

Sed poſteaquam ad Teſſaranaſti per-
venimus ſedes, primum quidem religio-
ſam majeſtatem frequentiffimæ domus,
tot tricliniorum cultus, tot atria famulo-
rum ſplendore vibrantia, etiam paulo di-
gniora credidi, quam ut ibi Iupiter habi-
taret. Cum autem Teſſaranaſtum con-
templatus ſum, utique apparatus quan-
tumvis venerabilem, tanto ſaſtigio ini-
noſum eſſe duxi.

Cæ-

Cæterum cum aditum ad ipsum studiosissime molirer, ad Amphiaræum amicorum principem veni. Nulli est Tassaranaetus intima charitate conjunctior; nec aut cuiquam Deorum justius potuit nasci, aut Iupiter similem in cœlis Mercurium habet. Ego statim in illius notitiam sua facilitate perveni, & per hunc deductus ad Tassaranaetum cœpi melioribus diis uti. Nec multo post Tassaranaetus, cum me non mediocriter auxisset, etiam in sacrarium suum induxit, ubi inter lectissimos famulorum ambrosia vescitur, quod beneficium, divinæ mentis impetu raptus, istis subito versibus profecutus sum.

*Quantus erat, magni petcret cum tecla parentis,
Quamque potens Phaeton, tantum si visere
curram.*

*Nam curris voluisset agi: penetralia tantus
Nunc subeo cœlumque tuum pulchrosq; recessus.
O proles genitorque deum, qui sceptrâ, tiaramque
Ostrumque & tanti decoras insignia regni.
Nec tu sole minor; quo se genitore superbus
Iactavit Phaeton. Tu nobis Phœbus Apollo
Tu radiis Titan, tu messibus alter Osiris,
Et mitra, & Pœan, & cunctis gentibus olim
Sol quodcunque fuit. Medius Sol temperat
astra:*

*Tu medius Reges , tu magni fœdera Mundi
 Certo jure ligas , tu qua discesseris ora
 Pallida surget hyems: tecum ver protinus ibit,
 In campos quoscunque voles. Lucebis Ibero ;
 Non erit Occiduo confinis Iberia Ponto,
 Eo plus luce nitens. Si Gallia Solem
 Senferit, O Galla quam frangent horrea messes.
 Sed grates , Sol mogne, tibi. Penetralia tandem
 Mortali patuere viro. Iam cernere coram
 Ambrosiam, nectarque licet, mensasque deorum ;
 Iam mihi non dubio venient oracula visu ,
 Luxque oculis aterna meis, aternaque menti:
 O lux alma mihi, quam nullis obruet unquam
 Nox in vecta rotis , nebulaque ingrata maligna.
 Nec Superos majora precor , nec vota Tonanti
 Vlla fero, tantum, ne, dum bona cuncta severe
 Temperat, ætherea me vivere malit in aula.*

F I N I S.

SECUNDÆ PARTIS.

EV-